

## Naabo don zina k'Isa Almasi

*En urzi k'ono don kun t'oone adda mattup ettiyo*

Ette mattup ere ki sirwe Lik yi riije. Mattup ki Naabo don zina k'Isa Almasi ette t'in kaza mummino don zina k'Isa an niibe me. Y'a ruute son mummino Unde Kamilen t'a diige ekki don zina k'Isa wo an d'izire adda geegiryagi an di gizite Rabila Majjaanawa ti toogo k'Unde Kamilen me. Wo sulfi don oone ti dabar ere an uune a urzi naabadañ geñ, yi ti'n ruute pay adda mattup ette.

Ti kaaga geñ kane Yawudiyagi an ilke ono Raa a kane danjal. Lik adda mattup ette y'a ruute mummino kane don zina k'Isa an di gizite Rabila Majjaanawa a don Yawudiyagi ye me.

Wo yi ruutite baadañ a urzi naabo don zina sire an ize gettiyo, kane miñ Piyer ti Pool. Piyer y'a gizite ono Raa a don ki geeger Zeruzalem, bini don baadañ an ziipe adda a Isa wo an seefu zakidi eego. Wo ki yode Pool y'a gizite urzi k'Almasi adda geegiryagi ki don kane Yawudiyagi ye. Mattup ette t'in kaza a kine, i dehu in di kizite Rabila Majjaanawa k'Isa Almasi adda duniya pay.

*Don zina k'Almasi a Zeruzalem*

<sup>1</sup> Teyopil mee'ki nuñ, nuñ adda mattupadó ere ki poone, ni riije sulfi don pay Isa y'ize wo yi

duuye ɗuwo t'ume k'eesiyo, <sup>2</sup> bini onniyo ere Raa y'a y'umbe k'awwa ki kandaane. Wo ki poone y'a y'amba geɗ, ti toogo k'Unde Kamilen y'an di ruute sulɗi ɗoɗ an d'ise a ɗoɗ zindí ɗoɗ yi biire. <sup>3</sup> Aame yi dibire bini y'inda wo yi bilɗe maɗ, y'an di gize tuddi te a kane ɗoɗ zindí t'urzi baadaɗ, geɗ i-kaza yoɗ ki kotto yi-bilɗe. Wo adda k'onniyo ada piɗe geɗ tuddi y'an di gize, wo y'an di gizite sulɗi ɗoɗ ki Moziko Raa. <sup>4</sup> Onniyo soo an ti guune ombo ti kane geɗɗo maɗ, y'an di ruute, y'ede: «Kun ollo koduwo, ti Zeruzalem eɗ kun arga tunda ye, kun dello munda wede Meega Raa yi ruute y'un t'ela, aa kun illiga n'un ruute ti bizó. <sup>5</sup> Ti poone Zaɗ ɗuwo yi'ni zuyyite batem t'ahu, wo ɗe kune'ɗ adda k'onniyto miibi Raa y'un ti'n suyya batem t'Unde Kamilen.»

*Isa y'engile k'awwa ki kandaane*

<sup>6</sup> Wo kane ɗoɗ i t'ugiye a ɗaanadi geɗ an di y' tunde, an'de: «Galmeegey, kee a onniyo gettiyo ko moziko ki ɗoɗ k'Izirayel k'an ti t'ela me?»

<sup>7</sup> Isa y'an di ruute, y'ede: «Kane sulɗi ɗoɗ aakede onniyto, ise peɗo ere tuuku Meega Raa yi dihe y'aase ti toogadi geɗ, kun k'aane kun ki ti'n suune ye. <sup>8</sup> Wo ɗe kune kun t'oonaa toogo aame Unde Kamilen ti ɗiiga eggun maɗ. Injino maɗ kun kizita onamó, kun t'eesa ti Zeruzalem, kun d'amba k'adda siido ki Ziide ti Samari pay, bini ɗangu siido pay.» <sup>9</sup> Aame y'a ti ruute injino maɗ, a ɗaanadaɗ geɗ miɗ y'a t'iiziga jomkey, y'a injile k'awwa ki kandaane, an di wolliyi bini dondirso ti di y'ippe. <sup>10</sup> Aame kane an ɓabbiya

Isa y'engile k'awwa ki kandaane geŋ, an wolliyo bibaraw a sirpadaŋ dŋŋ sire ti kallagi tuwardfi, an an di ruute, an'de: <sup>11</sup> «Kune dŋŋ ti siidŋ Galile no, kun ôhire kun baɓɓiya k'awwa ki kandaane moo me? Geŋ Isa Raa yi y'umbe ti daanaguŋ, saŋ onniyo soo y'a-kimo, kun di y' wolla aa kun yi wulle y'ingile k'awwa ki kandaane inŋkino sey.»

<sup>12</sup> Inŋkino maŋ kane dŋŋ zina geŋ, t'ekki mukkolo ere an ti waaku mukkolo k'Inda k'Olibiye an di-diiŋe, an d'ingile ki Zeruzalem kono to mukkolo gette dokki ye ti Zeruzalem me, suma kubɓaara soo. <sup>13</sup> An iiney Zeruzalem maŋ, an di-gili biino ere t'awwa t'ekki bakatú aame an d'ogiyso daayum. Aame geŋ kane Piyer, Zaŋ, Zak, Andire, Pilip, Toma, Bartelemi, Matiye, Zak ulo k'Alpe, Simo wede addi wehini kono siidadi me, wo Ziid ulo Zak. <sup>14</sup> Kane pay onamaŋ kaŋ soo, daayum an tondiyo Raa ti erayi dŋŋ onŋo, ti Mariyam mekk'Isa wo ti zemba k'Isa paŋ.

### *Beeriyo Matiyas a old'e Ziidas*

<sup>15</sup> Adda k'onniytagi geŋ, onniyo soo Piyer y'a t'iiziga a daana zemba kane suma meeda uto ada sire an t'ugiyge geŋŋo, wo y'an di ruute, y'ede: <sup>16-17</sup> «Zemba ki nuŋ, kun suune Ziidas yoŋ ti diine kine, wo naabadi ede ere yi naabiya aa kine in naabiya te. K'ita maŋ y'a t'ize wede k'oogumso a dŋŋ ki seedu k'Isa. Ono geŋ Unde Kamileŋ ti'ni ruute ti kaaga adda mattup ki Raa, ti bize Dawut a tukki Ziidas me, geŋ a-t'iide. <sup>18</sup> Inŋkino maŋ ti soŋko ere an i ele ki dimme gette, y'a t'iwila doome. Wo kacin wede geŋ y'a iire t'addi a siidŋ adda doome geŋ me, addi a

bitte inñi k'addi a t'uddfite pay ti paate. <sup>19</sup> Rabila gette don siido Zeruzalem pay an di-t'illiga, wo gen inokino doome Ziidas y'iwila gen an di y' waaku ti onaman "Akil Damma", i-kaza "doome an iwila ti puuzo wede." <sup>20</sup> Ono en nebi Dawut yi riije ti kaaga adda mattup ki Soom, y'ede:

"Boozí a kila bulgo, wenda a lekka umbo\*."

Wo yi riije son, y'ede:

"Ume naabadí wenda doolo y'a t'amba†."

<sup>21-22</sup> Inokino man i dehu wedusu y'a-t'ette ti kine, y'a t'ise wede kazita ki rabila ki baldiya Galmeega Isa. Wedusu gen y'aase ti diine kane don izire ti kine onniyo ti onniyo aame Galmeega Isa y'izire adda siido ti kine, t'ume Zan yi ti y' zuyye batem bini onniyo ere Raa y'a y'umbe ti diine kine, y'a ingile k'awwa ki kandaane.»

<sup>23</sup> Aame gen an di biire don sire, Yusup wede Barsabas sundi soo Zistus, kane ti Matiyas.

<sup>24</sup> Inokino man an tunde Raa, an'de: «Galmeega, kee ki suune adde duwo pay, inokino ki beero soo ti diine don sire enno, <sup>25</sup> kono y'a t'ambe naabo don zina k'Isa a olde ki Ziidas, kono yo Ziidas gen ume naabadí yi iili, yi t'iide k'ume wede aa addi i dehu i-d'iide untadi.» <sup>26</sup> Inokino man an t'ize teltel muntelliyo, man i-t'iire a Matiyas, gen yon y'a di giyye ti kane don zina don koomat makumu soo genno.

## 2

### *Aaniya k'Unde Kamilen*

---

\* **1:20** 1.20 Kun wollo adda mattup ki Soom 69.26. † **1:20** 1.20 Kun wollo adda mattup ki Soom 109.8.

<sup>1</sup> Aame onniyo tarnaape ki Pantekot t'iina ton maŋ, kane doŋ i ziipe addaŋ a Isa geŋ pay an lekkiyo umayaŋ soo. <sup>2</sup> A kaamiki an ollige maŋ tarkuuse aa ki maaye baadaŋ i-deegu ti kandaane, iide'ŋ i-t'ûune adda boy wede kane adda geŋno. <sup>3</sup> Aame geŋ an wolleiyo munda aa ilze k'uwwo iide a t'ihinte, wede soŋ i di ziipe tuddí tuddí. <sup>4</sup> Kane pay addaŋ a ûune t'Unde Kamileŋ, inkiŋo an d'iise orbe t'ono doŋ doolo, wede tuuku ton yi d'orbe t'ono doŋ aa Unde Raa ti ele ele.

<sup>5</sup> Wo aame geŋ a Zeruzalem i d'ede Yawudiyagi doŋ i seedu urzi Raazaŋ zakidí, an iido ti siidiyagi doŋ adda duniya pay. <sup>6</sup> A onamaŋ doŋ geŋ kane doŋ duuru an d'ukke, an iide, an ziida giggeraŋ kono wede tuuku ton yi d'ollige ono t'onamí t'onamí. <sup>7</sup> Wo kane doŋ duuru an di roote munda an ki suune ye, an di wolleiyo beesel, wo an'de: «Kane doŋ i rootiso eŋ, kane pay miŋ ti siido Galile ye ko? <sup>8</sup> De mummino kane d'wo eŋ wede tuuku ton yi d'orbe ti ono kine me? <sup>9</sup> Kine doŋ iido ti siidiyagi doŋ ki Partiya, ki Meediya, ki Elam, ki Mezapotami, ki Ziide, ki Kapados, ki Pontus, ki Aazi, <sup>10</sup> ki Pirizi, ki Pampili, ki Misir, ki Sireŋ adda siido Libi, doŋ soŋ an iido ti Room, <sup>11</sup> ti siido Kiret, wo ti siido k'Arabi. Doŋ soŋ Yawudiyagi, doŋ oŋgo Yawudiyagi ye an ti t'ize tuddaŋ Yawudiyagi pay miŋ, kane ay di'n ollige an d'orbe t'onamey t'onamey me. De geŋ munda k'armika Raa ye ko?» <sup>12</sup> Kane pay eedaŋ t'a digge, an di roote munda an ki suune ye, an di rootiyo ti tuddaŋ, an'de: «De geŋ i-kaza moo me?» <sup>13</sup> Wo oŋgoŋ

an di'n okko maade, an'de: «Kane en an t'iibo toote.»

*Ono Piyer a daana don duuru*

<sup>14</sup> Injino man Piyer ti kane don zina don koomat makumu soo gen an t'iiziga, wo y'a ruute ti golla awwa, y'ede: «Kune pay Yawudiyagi wo kune don pay iido ki Zeruzalem, kun t'ohinto kuwwagun a ono don ni roota, kono kun di suune munda wede ize. <sup>15</sup> Kun'de don en an t'iibo, man an ki t'iibo ye, ume ti soohe botto\*.

<sup>16-17</sup> Wo anken ono don Raa yi ruute ti kaaga ti bize nebi Zowel a-t'iide, y'ede:

“A onniytagi don ettiyo k'ita gen,

Undó n'a ti teepa ekki duwo pay.

Innigun kuuli erayi an di rootita ono don n'agisa.

Inni obilagi ti konazi an d'etta munda aa suniye, wo gôldalgun an t'oona suniye.

<sup>18</sup> Eyye, ki kotto onniytagi gen,

a don naabadó kuuli erayi pây,

n'an di teepa Undó wo an di rootita ono don n'agisa.

<sup>19</sup> N'aasa suldi don i ceeriyo eego awwa a kandaane,

wo a dandi a siido suldi don i-kaza munda,

an di wolla puuzo, uwwo wo dondari ki saa.

<sup>20</sup> Peedo ti-t'etta ume a t'isa zimolo, tere a t'isa aa puuzo.

Aame suldi gen an t'ingila man, onniyo

Galmeega Raa t'a aana, onniyo ere meeda

ki daryika Raa gette.

---

\* **2:15** 2.15 Don k'Izirayel an k'ombo munda ye ti soohe, daa an ki tunde Raa a peedo t'ize k'aadumu mesuwe ye me.

21 Wo aame geŋ wede tuuku y'iila ti suma  
Galmeega Raa maŋ, yoŋ y'a y'utta†.”»

22 Piyer y'an di ruute sey, y'ede: «Kune doŋ  
k'Izirayel no, kun ollo munda wede n'un di  
roote: Isa wede ti geeger Nazaret geŋ, t'urzi yode  
Raa y'a ize suldi k'armika wo suldi doŋ i ceeriyo  
eego a diinaguŋ, wo kune batum kun'ni suune.  
Inkino maŋ Raa y'un gize kereŋ i y'igibo yode.

23 Yode wede geŋ un y'ele a beyguŋ Raa batum aa  
yoŋ yi dihe, wo aa munda wede y'ilke ti poone  
y'aasa. Inkino maŋ kun an di y'ele a bey doŋ  
i ki suune Raa ye, an ti y' tiike ekk'undumu  
wede zaapu t'ekki bakadi kaŋ tontilko, an di  
y'iide. 24 Wo de Raa y'a ti y' bilde, y'a y'udde  
ti dabar ere k'unto te, kono unto i-k'ede toogo ye  
a tukk'Isa me. 25 Dawut toŋ yi ruute ti kaaga a  
tukki yoŋ me, y'ede:

“Yo Galmeega daayum ni yi wolleiyo daanadó,  
n'a k'orgide ye kono yoŋ daayum a sirpadó.

26 Kono kamo nuŋ ulbó unse, wo ilzó y'a t'imme  
t'unŋsuwo,  
wo ni zaapu elkisadó aame n'inda toŋ, nuŋ Raa  
yi ti n' balda.

27 Nuŋ ni suune kee Galmeegó ki ki n'oola adda  
diine doŋ unto ye,  
ki k'oola tudde ki wedizá kamileŋ a ki ruuma  
adda muuzo ye.

28 Kee urziyagi doŋ o-do t'ettey k'ume lekkiyo k'o  
ni gize,  
ulbó unse kono kee daayum ti nuŋ‡.”»

† 2:21 2.21 Kun wollo adda mattup ki Zowel 3.1-5. ‡ 2:28 2.28  
Kun wollo adda mattup ki Soom 16.8-11.

29 Piyer y'an di ruute sey, y'ede: «Kun ollo zamba ki nuñ, nuñ oo d'ede urzi n'un di rooto kereñ a urzi ki mugiyiñ Dawut me. Yoñ y'inda, an di y'ele adda muuzo, wo muuzadí toñ mañ añkenño tod'te di kine. 30 Yo Dawut geñ yoñ nebi, wo yi suune Raa geñ y'a ti nîime tuddí a ðaana yode, y'a ruute, y'ede: “Mozikadá gette ni di t'ela a ulo ti diine k'inñi ðoñ ki biza bumbizáŞ.” 31 Dawut geñ yi zuune ki poone Almasi Raa yi biire yi balda me, geñ y'a ruute, y'ede:

“Yoñ an ki y'iili adda diine ðoñ unto ye, wo tuddí i ki ruume adda muuzo ye\*.”»

32 Piyer y'a ruute sey, y'ede: «Wede n'a ruute geñ yoñ Isa, kaye pay ay di y' wulle Raa y'a ti y' bilde. 33 Raa y'a y'umbe k'awwa ki kandaane y'a lekkey a ammidadí, wo a Isa Meega Raa yi-d'ele Unde Kamilen ere yi ruute y'in di t'ela. Injino mañ yo Isa y'in d'elo Unde Kamilen a kine aa kun wolliyo wo kun ollige añkenño. 34 Wo yo Dawut geñ yode batum k'awwa ki kandaane yi ki gili ye, wo toñ y'a ruute, y'ede:

“Galmeega Raa yi di ruute a Galmeegó, y'ede:

K'edi ki-koonaa a ammidadó kino,

35 bini ðoñ k'aduzá n'an isa

aa munda ki bita ti ðandí zoñdá†.”

36 Injino mañ kune ðoñ k'Izirayel pay kun suuno ki kotto, Isa wede kun ti y' tiike ekk'undumu

Ş 2:30 2.30 Kun wollo adda mattup ki Soom 132.11. \* 2:31

2.31 Kun wollo adda mattup ki Soom 16.10. † 2:35 2.35 Kun wollo adda mattup ki Soom 110.1.



wede zaapu t'ekki bakadí kan̄ tontilko geñ, Raa yi y'ize Galmeega wo Almasi Raa yi biire.»

*Doñ dupu afo an ziipe addan a Isa*

<sup>37</sup> Aame kane duwo an illiga in̄kino mañ addan a iile wiic, wo an tunde Piyer ti doñ zina k'Isa ongo, an'de: «De ay d'ise mummino, zamba ki nun?» <sup>38</sup> Mañ Piyer y'an di ruute, y'ede: «Kun ti kama lekkiyagun̄ wo wede tuuku ton̄ yi suyyo batem ti suma k'Isa Almasi, kono kun t'oonā tambobino k'oldikagun̄. In̄kino mañ Raa y'un t'ela Unde Kamilen̄, <sup>39</sup> kono ono doñ Raa yi ruute y'aasa en̄ a kune, a in̄n̄igun̄, wo a doñ dokki, a doñ pay doñ Galmeega Raazin̄ yi'ni waaka.»

<sup>40</sup> Piyer geñ y'an di ruutite ono baadan̄ sey kono an t'eele kooke, an d'ambe, wo y'an di ruute, y'ede: «Kun t'adfo ti diine doñ i t'udfe t'urzi wede d'erec ki Raa geñ me, wo kun t'oonā uttiyo.» <sup>41</sup> Doñ umbe a ono Piyer geñ an ti'n zuyye batem, wo a onniyo gette kane suma dupu afo an a-ti giyye ti zamba doñ i ziipe addan a Isa.

*Lekkiyo doñ ki poone an ziipe addan a Isa*

<sup>42</sup> Kane pay kan̄ soo an d'ollige dooyiso ere doñ zina k'Isa an'ni dooyiso, an di lekkiyo kettiyo kan̄ soo, ombadan̄ kan̄ soo, wo daayum an ton̄diyo Raa kan̄ soo. <sup>43</sup> Kane doñ duuru pay an lekkiyo t'orgiso a Raa, kono kane doñ zina geñ ti toogo ere ki Raa an d'isiyto suldi baadan̄ doñ i ceeriyo eego ti suldi k'armika. <sup>44</sup> Kane doñ pay i ziipe addan a Isa, an lekkiyo kan̄ soo, maaladan̄ ton̄ kan̄ soo. <sup>45</sup> An owile doome koo boy koo mañ, son̄ko gette an di-dokkide diinayan̄ pay, a wede tuuku ton̄ a attidizí attidizí. <sup>46</sup> Kane pay addan

soo, onniyo ti onniyo an d'ettiyo booro Boy Raa, ombadaŋ kaŋ soo ti uŋsuwo wo ti tassuwa adda boydizaŋ me. <sup>47</sup> Daayum an tamma Raa wo a lekkiyadaŋ gette d'uwu pay an di'n geyyiso. Wo onniyo ti onniyo Galmeega yi'n aagulu ti d'uwu doŋ an ooniyo urzi k'uttiyo.

### 3

#### *Piyer ti Zaŋ wo wede zoŋd'i unto*

<sup>1</sup> Onniyo soo Piyer kane ti Zaŋ an t'ette ton-diyo a booro Boy Raa a peedo t'ibbira, peedo ere aa daayum an ton-diyo Raa. <sup>2</sup> Wo goppon a sirpa ki biza Boy Raa wede an yi waaku biza majjaane geŋ, an d'umbo wedusu zoŋd'i unto t'ume k'ehiyad'i to, daayum an ti y' zaapu angeŋŋo, yi d'ahultu munda a bey doŋ ettiyo ki booro Boy Raa. <sup>3</sup> Aame wede geŋ yi wulle Piyer kane ti Zaŋ an'te booro Boy Raa maŋ, y'a iise ahulu munda a beezaŋ. <sup>4</sup> Aame an illiga inkiŋo maŋ, Piyer kane ti Zaŋ geŋ an di y' wolleiyo tebeŋ, wo Piyer y'ede: «K'ayni wollei!» <sup>5</sup> Aame geŋ wede y'an iise wolleiyo, kono y'elkiyo yi-t'oonu munda ti beezaŋ. <sup>6</sup> Maŋ Piyer yi di ruute, y'ede: «Nuŋ o k'ede soŋko ye, dap ye, wo munda wede o d'ede n'a-d'elo, ti suma ere ki Isa Almasi wede ti geeger Nazaret, ki t'oozo wo k'a oziro.» <sup>7</sup> Maŋ Piyer y'a igibe beez'i wede k'ammade, y'a di y' ziida, y'a y'iiziga kaŋ ôhire. A kaamiki wede'ŋ doŋdali ti zoŋd'i a t'ize toogo. <sup>8</sup> Wede geŋ y'a ilde k'awwa y'a t'ihira, wo y'a iise sooru, yi-t'iide ti kane k'adda booro Boy Raa, yi sooru, yi lohito, yi tamma Raa. <sup>9</sup> Wo yoŋ wede geŋ d'uwu pay an

di y' wulle yi sooru wo yi tamma Raa. <sup>10</sup> Aame duwo geŋ an yi wulle wo an yi zuune yoŋ wede i konso daayum a biza Boy Raa wede an yi waaku biza majjaane yi d'ahultu geŋŋo maŋ, an ziiɗa giggiraŋ ti orgiso a munda wede i iide a wede geŋŋo.

### *Ono Piyer a booro Boy Raa*

<sup>11</sup> Wo wede geŋ Piyer ti Zaŋ y'an k'eeziyo ye. Injino maŋ doŋ duuru pay an d'iide k'ume kane kaŋ okko, k'adda daabe wede an yi waaku daabe ki Salamaŋ, kono kane an ziiɗa giggiraŋ.

<sup>12</sup> Aame Piyer yi wulle duwo iido tuddaŋ maŋ, y'an di ruute y'ede: «Kune doŋ k'Izirayel no, kun seedu giggirgun moo me, kun ay di'n wolliso injino me? Kun elkiyo wede uune bee yi sooru eŋ ti toogo kaye ko kunuŋ, kun elkiyo kaye ki diine a urzi Raazey me ko? Aha, injino ye.

<sup>13</sup> Raa k'Ibirayim, k'Isaaka wo ki Yakup, yoŋ geŋ miŋ Raa moŋgidagiŋ, yi-d'ele gooliko a Isa wede naabadí. Yode wede kune batum kun an di y'ele a deero Romen. Aame mozigo Pilat yi dihe yi-d'eeze kono yo yi zuune yi k'ize munda ye toŋ, kune kun di giigira. <sup>14</sup> Yode wede kamileŋ wo ki diine a daana Raa geŋ kun di y' giigira, wo kun di dihe kun i d'ize beeko a wede tôwwo doŋ.

<sup>15</sup> Injino maŋ wede i d'eliyo lekkiyo a duwo geŋ, kun an di y'ele a duwo, an di y'iide. Wo Raa y'a ti y' bilde ti diine doŋ unto me, kaye ay di y' wulle. <sup>16</sup> Wo wede eŋ kun yi suune wo kun yi wolliyu, munda wede ize a daanaguŋ. I ele beeko te toogo ere ki suma k'Isa t'urzi zaapu

k'adde a yode, y'uune beeko pay ette t'urzi zaapu k'adde a Isa, aa kune pay kun wolloyo enno.

17 Wo anken zamba ki nun, ni suune aame kune wo ti deerugun pay Isa kun di y' giigira gen, munda wede kun isiyo kun ki y' suune ye. 18 Gen inkiyo a-t'iide a ono don Raa yi ruute ti kaaga ti bize nebiyagi pay, y'ede: "Almasi Raa yi biire, y'a dabira\*." 19 Anken kun ti kama lekkiyagun, kun ti kami ki tukki Raa kono y'un di-booya oldfikagun. 20 Inkiyo man Galmeega Raa y'un t'ela puukiyo, wo y'un ti y' t'igibo Almasi Raa yi biire a kune, yon Isa. 21 Wo ankenno Almasi y'a-lekko a kandaane bini onniyo ere suldi pay a t'isa aware, aa Raa y'a ruute ti kaaga ti bize nebiyagi don kamilen. 22 Muusa y'a ruute ti kaaga, y'ede: "Galmeega Raagun y'un d'oofiba nebi aa nuuno ti diine zembagun, wo kune kun d'olliga suldi don pay y'un rootita gen me†." 23 Wo son y'ede, aame wede tuuku yi-tuuga k'ollige k'ono nebi genno man, y'a dagga, yode gen yi k'isa ti diine don Raa ye‡. 24 Wo nebiyagi pay iise ti Samiyel a iide son k'ita bakadi bakadi gen, an ruutite wo an gizite a suldi don isiyo a onniyagi don ankenno gen me. 25 Zamba ki nun, ono don nebiyagi an ruutite pay gen a kune, wo taasuwa ere Raa yi gitte ti mongidagin gette kune adda, aame yi ruute a Ibirayim, y'ede: "Ita duwo pay a siido an t'oonaa beeko t'urzi k'inizá§." 26 Gen

---

\* **3:18** 3.18 Kun wollo adda mattup ki Ezayi 50.6; 53.5. † **3:22** 3.22 Kun wollo adda mattup ki Deeterenom 18.15. ‡ **3:23** 3.23 Kun wollo adda mattup ki Deeterenom 18.19 wo Lebitik 23.29. § **3:25** 3.25 Kun wollo adda mattup ki Zenez 22.18.

ki poone a kune Raa y'igibo wede naabadí me, kono y'un di zaape beeko wo tuuku ton y'a ti y' kimo ti naabadí ere oldo gette.»

## 4

### *Piyer ti Zan a daana deero booro Yawudiyagi*

<sup>1</sup> Aame Piyer ti Zan an an ti rootiyto a don duuru gen, kane don sedefe, goole don boohiyo Boy Raa ti Saduseyen miibi an d'iina aame kane.

<sup>2</sup> Kane an di-gulkuwe baadan aame an wulle don zina sire an dooyiso don duuru wo an an kazita, an'de Isa yi-bilde, wo don i t'inda ton an di balda kay. <sup>3</sup> In'kino man Piyer ti Zan an ti'n zidde, an di'n ibi dangay bini ki soggo, kono peedo t'ingile baa. <sup>4</sup> Aame gen ti diine don illiga ono ki Piyer ti Zan gen, don baadan an d'umbe, wo ti don i ziipe addan a Isa an aa di giyye, kane duwo ette suma dupu paat.

<sup>5</sup> Soggo man kane deero don sedefe, don i dokkiyo Yawudiyagi wo don suuniyo k'oogoro an t'ugiye pay a geeger ki Zeruzalem. <sup>6</sup> A ogiysadan gette i d'ede kane Annemozigo goole don sedefe ti don boozí pay, Kayip, Zan wo Alegzandire.

<sup>7</sup> Piyer ti Zan t'adda dangay an di'n uddo, an d'an t'iide diinayan wo an di'n tunde, an'de: «Wede en kun i ele beeko ti toogo ere tuuku te, wo ti suma k'aaye?»

<sup>8</sup> Aame gen Piyer yon addin uune ti Unde Kamilen wo y'an di ruute, y'ede:

<sup>9</sup> «Kune deero don sedefe wo don i dokkiyo donzin, anki kun ayni wiiko ki daanagun en, kun dehu kun dekke booro a eedey kono ay ize beehiye a wede zondí unto, wo son kun dehu

kun di suune t'urzi mummino y'utte t'eenizi me. <sup>10</sup> Injino mañ kune deero siido ti donj k'Zirayel pay, munda enj kun yi suuno koduwo: wede kun wolliyo yi t'ihira a daanagun enj, y'uune bee ti toogo ki suma ere k'Isa Almasi wede ti geeger Nazaret, yode wede kun ti y' tiike ekk'undumu wede zaapu t'ekki bakadi kanj tontilko, wo Raa y'a ti y' bilde ti diine donj unto me. <sup>11</sup> Aakede an riije ti kaaga adda mattup ki Raa, Isa yonj aa mukkolo ere kune donj k'oozige boy kun di zidde mentu, tode gettiyo a t'ize mukkolo ere majjaanawa a jjiire k'oozige boy te\*. <sup>12</sup> Injino mañ n'un di rooto Isa danjal urzi k'uttiyo me, kono adda duniya pay ette Raa yi k'eele ye suma ti doolo in di'n utta kine duwo me.»

<sup>13</sup> Aame geñ kane deero an wulle Piyer ti Zan an rootiyo onamanj daa k'orgiso mañ, an ziida giggiranj kono kane donj i ki duuye tunda ye, kane miñ donj kino baa. Wo kane deero geñ an suune an izire t'Isa me. <sup>14</sup> Wo aakede an wolliyo wede uune bee a sirpadañ geñ, urzi an an di roote munda a kane umbo. <sup>15</sup> Injino mañ an an d'ele urzi an t'adde t'adda boy me. Aame kane an t'udde mañ, kane deero booro Yawudiyagi an diruute diinayanj, <sup>16</sup> an'de: «A donj enj in an d'isa mummino me? Derec, Piyer ti Zan an ize munda k'armika geñ, donj Zeruzalem pay an y'illiga, kine in k'aane in ki niike ye. <sup>17</sup> Wo kono rabila gette a ki teepa a duwo pay ye geñ, in an ondirfo ki kossiyadañ, kono suma k'Isa pidpidin an ki roota ye baa a wede tuuku tonj mañ.»

---

\* **4:11** 4.11 Kun wollo adda mattup ki Soom 118.22.

<sup>18</sup> Saŋ maŋ Piyer ti Zaŋ an di'n wiike, wo an an di ruute, an'de: «Ti aŋki kun ôhor, suma k'Isa kun kizita ye, wo kun dooya wenda ye baa.»

<sup>19</sup> Maŋ Piyer ti Zaŋ an an di'n gime onamaŋ, an'de: «A suuno kune batum munda wede ki diine a daana Raa me, ay d'ambe ono kune kunuŋ, ono Raa ko? <sup>20</sup> Ki kaye maŋ ay k'anniga ye ti rootiyto a munda wede ay wulle wo ay illiga me.» <sup>21</sup> Maŋ kane deero geŋ an an d'undirde ki kossiyadaŋ sey, wo an an d'iize. An an d'ise ulsu an k'uune ye, kono d'uwu pay geŋ an tamma Raa a munda ize geŋ me. <sup>22</sup> Yoŋ wede uune beeko t'urzi munda k'armika geŋ, ozzinayí ette suma k'ada pide ti makumu.

### *Tondiyo Raa ki d'of i ziipe addaŋ a Isa*

<sup>23</sup> Aame Piyer ti Zaŋ ti dangay an an iize maŋ, an d'ingile an d'uuney zembadaŋ, an an t'iide taaya pay a munda wede deero d'of sedeke ti d'of i dokkiyo Yawudiyagi an an ruutite me.

<sup>24</sup> Aame d'of i ziipe addaŋ a Isa geŋ an illiga ono ki Piyer ti Zaŋ geŋno maŋ, pay onamaŋ kaŋ soo an tunde Raa, an'de: «Galmeegey, kee wede k'ikkima kandaane ti siido wo bar, ti suldi d'of pay adda. <sup>25</sup> Kee wede ki ele Unde Kamileŋ a Dawut wede naabadá, Unde gette ti di gize, y'a ruute, y'ede:

“Ki moo me d'of siidiyagi pay an ahutu bokimo me?

Ki moo me ita d'uwu pay an tôwwo onamaŋ ki bita me?

<sup>26</sup> Kane mozagi a siido pay an t'ikkima tuddaŋ ki arka, wo deero boha bumbiyagi an t'ugiye

ki dfeyyiso ki Galmeega Raa wo ti Almasi Raa yi biire†.”

<sup>27</sup> Eyye, ono geŋ dferec, Erod ti Pons Pilat an t’ukkiye a geeger ettiyo, ti kane dŋon Yawudiyagi ti dŋon Yawudiyagi ye, an di kiigira wede naabadá, Isa wede kamileŋ ki biire. <sup>28</sup> Inkino maŋ munda wede ki dihe ti poone geŋ, an t’ize pay t’urzi toogadá, aa kee ki dihe. <sup>29</sup> Wo aŋkeŋ Galmeega, kee ki wollo an ay ondirso ki kossiyadey, kaye dŋon naabadá kee k’ay eli toogadá ay di kizite onamá daa k’orgiso. <sup>30</sup> K’ay eli toogadá kono ay an t’ele beeko a dŋuwo, wo ay d’ise suldi k’armika ti suldi dŋon i ceeriyo eego ti suma wede naabadá, Isa wede kamileŋ.»

<sup>31</sup> Aame kane an dŋinge ti tondiyo Raa maŋ, ume wede an d’ugiye ki tondiyo geŋ y’a iise ŋoŋŋirso. Wo Raa yi di’n ūune t’Unde Kamileŋ pay, maŋ an d’iise kazita k’ono Raa daa k’orgiso.

### *Lekkiyo ki dŋon i ziipe addaŋ a Isa*

<sup>32</sup> Doŋ i ziipe addaŋ a Isa pay geŋ elkisadaŋ kaŋ soo, ti diinayaŋ wenda soo toŋ y’a roote eŋ ki nuuno umbo, pay maaladaŋ an t’obe ume soo.

<sup>33</sup> Kane dŋon zina k’Isa an kazita ti toogo baadaŋ rabila k’Isa te, an d’eesiyo: «Yoŋ Galmeega Isa yi-bilde, kaye ay yi wulle.» Wo kane pay geŋ Raa y’an di ziipe beeko baadaŋ. <sup>34</sup> Ti diinayaŋ wenda soo toŋ munda i-baate umbo. Doŋ an d’ede dombi ise boydi toŋ an owile maŋ, soŋko gette an d’ettiyo, <sup>35</sup> wo an an d’eliyo a bey dŋon zina k’Isa, maŋ kane geŋ an an di-dokkide, soŋko gette a wede tuuku toŋ a attidizí attidizí. <sup>36</sup> Ti

† 4:26 4.26 Kun wollo adda mattup ki Soom 2.1-2.



diine dɔŋ geŋ i d'ede wede sundí Yusup yon ti biza bumbu Lebi, wo kane dɔŋ zina k'Isa an di y' waaku Barnabas suma gette i-kaza «wede k'eliyo kooke», yon an y'ehe a siidɔ Siipire. <sup>37</sup> Yon wede geŋ i-d'ede doome wo y'a t'iwila, y'a t'umbo sonko y'an d'iido, y'an d'ele a bey dɔŋ zina k'Isa.

## 5

### *Ananias ti Sapira*

<sup>1</sup> Wo i d'ede wedusu sundí Ananias ti eddí Sapira, doomizan an t'iwila. <sup>2</sup> Kane geŋ an ti gitte onaman kan soo, sonko y'a-diikida sire, ere soo a yode wo soo y'a t'umbe, y'an d'iide y'an d'eliyo a bey dɔŋ zina k'Isa. <sup>3</sup> Man Piyer yi di ruute, y'ede: «Ki moo me Ananias ki-d'iili addá a Meeda siitandani ti-t'iide me, wo ki moo me ki lohito ono a Unde Kamilen, k'a t'uuyo sonko doomizá soo a kee me? <sup>4</sup> Wo doome doomizá, aame ki ki t'owila ye wo ki t'iwila ton man, sonko gette k'a ti naabe aa addá i dehu. Wo de ki moo me ki d'isiyo inkinno me? Naabadá k'ize gette a duwo ye, k'ize ulsu a Raa.» <sup>5</sup> Aame Ananias y'illiga ono genno man, y'a iidiba, y'a iire tul, y'a inda. Wo kane dɔŋ pay illiga geŋ orgiso t'anni ziida baadan. <sup>6</sup> Inkinno man obilagi an t'iiziga, an di nilpe, an iide, an t'elo adda muuzo.

<sup>7</sup> San an likke bini man, eddí ti-t'udɔ daa suuniyo munda wede ize. <sup>8</sup> Aame t'iina man, Piyer y'a ti tunde, y'ede: «M'o ki ti rooti do, ettin sonko ere pay kun iwila doomugun ko?» Man tod' t'a ruute, t'ede: «Eyye, ettin sonko tode.» <sup>9</sup> Inkinno man Piyer yi di ruute,

y'ede: «Mummino me koŋ ti kulayí kun di-gitte onamgun kaŋ soo, kun di naame Unde Galmeega me? M'ollo, doŋ iide ottibe kulayí an ti gimo kane a biza bumbu geŋŋo, an ki ti'n amba an t'ottibo kay.» <sup>10</sup> A kaamiki t'a iidíba, t'a iire a zoŋ ki Piyer, t'a inda. Aame obilagi an ti gimo ti ottibe ki kulatú maŋ, an t'uuna t'inda. An t'umbe, an a-t'ittibo a sirpa kulatú. <sup>11</sup> A armika gette doŋ pay ogiyso ti suma k'Isa wo doŋ pay illiga toŋ maŋ, orgiso t'anni ziida baadaŋ.

### *Doŋ zina k'Isa ti doŋ k'eeni*

<sup>12</sup> Doŋ zina k'Isa an d'izite suldí k'armika ti suldí doŋ i ceeriyo eego baadaŋ a diine doŋ duuru me. Kane doŋ i ziipe addaŋ a Isa geŋ pay kaŋ soo, an t'ogiyso adda daabe goole wede an yi waaku daabe Salamoŋ. <sup>13</sup> Kane doŋ i ki ziipe addaŋ a Isa ye geŋ, wenda ti doolo a roote taaya keyyiso ti kane umbo. Wo toŋ kane doŋ duuru geŋ an di'n tamma baadaŋ. <sup>14</sup> Wo onniyo ti onniyo doŋ baadaŋ erayi kuuli an d'aagulu k'aagulu, an di zaapu addaŋ a Galmeega, an a-ti keyyiso ti kane. <sup>15</sup> Ti suldí k'armika doŋ an isiyto geŋ, doŋ k'eeni an ti'n sokiyo biza k'urzi ti zaadagi, oŋgoŋ a raŋgayi, kono aame Piyer y'udfa wo undisadí ti butta tuuku ti diinayaŋ maŋ, y'a t'oona bee. <sup>16</sup> Ti geegiryagi sunni doŋ goppoŋ ti Zeruzalem toŋ, doŋ baadaŋ an di zikito doŋ k'eeni, oŋgoŋ siitandani an ti'n ukkite maadagi, wo kane pay geŋ an d'uune bee.

### *Doŋ zina k'Isa adda dangay*

<sup>17</sup> Inkiŋo maŋ mozigo goole doŋ sedeke ti doŋ itadí, kane geŋ ti diine deero siido an'ni waaku

son Saduseyen, kolbiso t'a jiiire eedan, an dehu don zina k'Isa an di'n dabire. <sup>18</sup> Aame gen an ti'n zidde, an di'n ibi dangay a daana ki don pay. <sup>19</sup> Wo a diddo kotto man, Galmeega Raa yi d'igibe maaleeka y'a t'ihinte boha dangay me, don zina k'Isa y'an udde wo y'an di ruute, y'ede: <sup>20</sup> «Kun engilo k'adda booro Boy Raa, kun an kazitoy a duwo taaya ki suldi pay i d'eliyo lekkiyo ere aware gettiyo.» <sup>21</sup> Inkinno man onami an d'illiga, soggo ti soohe walak an d'ingile k'adda booro Boy Raa, an d'iise dooyiso duwo.

Wo yo mozigo goole don sedefe ti don k'itadi, an di wiiko deero booro Yawudiyagi an t'ugiye, kane don wolliyo k'ono k'adda siido k'Izirayel. Man an d'igibe don i boohiyo Boy Raa an di waaku don zina k'Isa adda dangay. <sup>22</sup> Wo aame don an igibe an iide man, don zina k'Isa umbo adda dangay me. Man an di-gimo k'ume don i'n igibe, an an t'iide taaya a munda wede kane an wullo, <sup>23</sup> an'de: «Kaye ay iide, ay uuney boha dangay appiyta feberec, wo don boohiyo ton kane ede. Wo aame an ay t'ihinte boha man, kane don zina k'Isa umbo adda dangay me.» <sup>24</sup> Aame goole don boohiyo Boy Raa ti deero don sedefe an illiga inkinno man, an di roote munda an ki suune ye a munda wede ize a tukki don zina gen me, wo an tondiso tondiso ti tuddan baa, de aasey moo me, moo me. <sup>25</sup> San man i d'ede wedusu y'a iido ti rabila, y'an di ruute, y'ede: «Kun ollo kay, don kun ti'n ibi adda dangay gen, anken kane adda booro Boy Raa an dooyiso duwo.» <sup>26</sup> Inkinno man kesiko goole don i boohiyo

Boy Raa y'a iide ti d'uwu itadí kono d'oj zina k'Isa y'an ti'n waako, wo an an k'izo ooŋe ye kono an orgiso d'uwu an ti'n kakkita.

*Doj zina k'Isa a daana doj booro*

<sup>27</sup> Aame kane doj zina k'Isa geŋ ti Boy Raa an ti'n wiiko, an d'an t'iide ki daana deero Yawudiyagi maŋ, mozigo goole doj sefeke y'an iise tondiso, <sup>28</sup> y'ede: «Kaye ay un ruute, kun ôhor, ti suma k'Isa kun dooya wenda ye. Wo anken kun wollo, kun ize eŋ moo me, doj siido Zeruzalem pay kun an ti gizite, kun dehu puuzo wede eŋ t'a oope eedey.» <sup>29</sup> Maŋ Piyer ti doj zina k'Isa ongoŋ an di ruute, an'de: «Kaye ay d'ise ki poone munda wede Raa yi dehu, saŋ wede ki d'uwu kollo. <sup>30</sup> Kune Isa kun ti y' tiike ekk'undumu, kun di y'iide, wo Raa wede ki mongidagin y'a ti y' bilde ti diine doj unto me. <sup>31</sup> Raa y'a y'umbe a ammidadí, y'a ti y' ziipe Mozigo wo Wede k'Uttiyo kono y'an di kize urzi a doj k'Izirayel, an di kime lekkiyadan wo an t'oone tambobino k'oldfikadan. <sup>32</sup> Wo sulfi ize geŋ kaye ay wulle wo ay illiga, kaye ti Unde Kamilen ere Raa y'an ele a doj i ollige onamí toŋ maŋ.»

<sup>33</sup> Aame kane doj geŋ an illiga ono genno maŋ, an di-gulkuwe baadan, an dehu an ti'n t'iide doj zina k'Isa geŋ me. <sup>34</sup> Wo de a diine deero Yawudiyagi geŋ i d'ede wedusu yoŋ Pariziyen sundí Gamaliyel, yoŋ wede dooyiso k'oogoro Yawudiyagi, wo doj pay an yi suune yoŋ wede beehiye. Yoŋ y'a t'iiziga a diinayan wo y'an di ruute, y'ede: «Kun ollo, ki poone n'a roote geŋ

ɗoŋ eŋ kun ti'n aɗɗo.» <sup>35</sup> Aame an ti'n uɗɗe maŋ, y'an di ruute a ɗoŋ booro, y'ede: «Zemba ki nuŋ ɗoŋ k'Izirayel, kun elko ɗo munda wede kun dehu kun an d'ise a ɗoŋ eŋ me. <sup>36</sup> Kun elke munda dokki ye, i d'ede wedusu sundi Teda y'a-t'ize tuddi wede suma, yi d'irga ɗuwo a itadi suma meeda pide. Wo yode geŋ an di y'iide, maŋ ɗoŋzi an di-tiipe wo munda geŋ a-ti ɗiŋge inki. <sup>37</sup> Aame yode geŋ yi t'ingile maŋ, i d'ize wede ti doolo sundi Ziidas, yode geŋ ti siido Galile. Aame deero Romen an iiziga kaza ɗuwo geŋ, y'a t'udɗe ki balɗa wo ɗoŋ baadan an di y' diine, wo yode toŋ an di y'iide kay, wo ɗoŋzi an di-tiipe. <sup>38</sup> Wo aŋkeŋ n'un di rooto, kun t'ele eggun ye a ɗoŋ eŋ me, kun oolo an d'engile, aame sulɗizan ɗoŋ an isiyo, wo onamaŋ an kazita eŋ ettiyo t'urzi ɗuwo maŋ, saŋ a ôhira. <sup>39</sup> Wo aame mundaŋ an isiyo eŋ ki Raa kotto maŋ, kun k'aana ôhiradan ye kino me, para maŋ koo kun ɗeyyiso Raa batum maŋ.»

Inki maŋ kane ɗoŋ booro an d'umbe a ono Gamaliyel. <sup>40</sup> Doŋ zina k'Isa geŋ an an di'n gime, an an di'n ele a bey ɗoŋ boohiyo Boy Raa, an di'n gusse ti dalyagi. Saŋ deero an an di ruute, an'de: «Kun ôhor, ti suma k'Isa kun kizita ye baa.» Maŋ an an d'iize. <sup>41</sup> Doŋ zina k'Isa an t'udɗe ti diine deero Yawudiyagi t'ulbe unse, kono Raa yi'ni wulle kane an t'iide an dabire kono an umbe a suma k'Almasi. <sup>42</sup> Wo ti tarkuuse a eedan genno toŋ, onniyo ti onniyo adda booro Boy Raa, adda boyɗizan daayum an kazita, an dooyiso ɗuwo a urzi Rabila Majjaanawa k'Isa, yoŋ Almasi Raa yi biire.

## 6

### *Beeriyo don dokkide k'ombo*

<sup>1</sup> A onniytagi geɗ sanalliyagi k'Isa an d'aagulu k'aagulu, wo kane Yawudiyagi don orbe ono Girek geɗ an kulkiso ti Yawudiyagi don orbe ono don k'Eber, kono mandayɗazan don orbe Girek geɗ a dokkide k'ombo ere daayum daayum gette, an an k'eliyo ye. <sup>2</sup> Aame kane don zina koomat makumu sire an illiga inkinno maɗ, an di'n ugiye sanalliyagi k'Isa pay, maɗ an an di ruute, an'de: «Derec ye, kaye ay d'ooli ti kazita k'ono Raa a duwo, ay t'ette dokkide k'ombo sey me.» <sup>3</sup> Geɗ inkinno zemba ki nuɗ, kune batum kun beero ti diinaguɗ don sarat, duwo don sundaɗ ti molo ki beehiye, onniyo t'Unde Kamileɗ wo ti suuniyo k'ono, wo naabo ette ay an t'ela a kane. <sup>4</sup> Inkinno maɗ kaye ay ele tuddey pay a urzi tonɗiyo Raa, wo a naabo kazita k'onami a duwo. <sup>5</sup> A onamaɗ geɗ kane zemba pay an d'umbe eego, maɗ an di biire Etiyeɗ wede i ziipe addi pay a Raa wo onniyo t'Unde Kamileɗ. An di biire sey Pilip, Pirokor, Nikanor, Timon, Parmenas wo Nikolas wede ti geeger ki Antiyos, yon Yawudusu ye wo y'a-t'ize tuddi Yawudusu. <sup>6</sup> Maɗ kane geɗ, zemba an an d'an t'iide ki daana don zina k'Isa, an di tunde Raa, an an di-ziipe bey ki beeko.

<sup>7</sup> Inkinno maɗ ono Raa geɗ adda siido Zeruzalem a-tiipe, duwo an di'n zuune, sanalliyagi k'Isa geɗ an d'aagulu k'aagulu, wo don sedeke Yawudiyagi baadaɗ an di ziipe addaɗ a Isa pay.

### *Seedu k'Etiyeɗ*

<sup>8</sup> Etiyen geŋ Raa yi di y'ûune ti beeko, wo yi-d'ele toogo k'isiyo suldi k'armika baadaŋ ti suldi doŋ i ceeriyo eego a diine doŋ duuru. <sup>9</sup> Wo i d'ede kuuli miibi an guune jikisi ti yode. Ti diinayan doŋ oŋgoŋ Yawudiyagi doŋ ti geeger Sireŋ wo ti Alegzandire, kane geŋ ti diine doŋ adda boy wede Yawudiyagi ge dooyiso an yi waaku «boy bulagi an an iize», wo doŋ oŋgoŋ Yawudiyagi doŋ ki siido Silisi ti Aazi. Kane pay an d'iise niikiyto ti Etiyen. <sup>10</sup> Wo de an ki d'iine kersiyadí ye a suuniyo k'ono ere Unde Kamilen ti ele geŋ me. <sup>11</sup> Injino maŋ kane geŋ an d'iwila duwo kono an di roote: «Kaye ay y'illiga yi ruute ono doŋ ki kalda k'oogoro Muusa ti suma Raa.» <sup>12</sup> A doŋ duuru an an t'elite ono wo a doŋ i dokkiyo Yawudiyagi ti doŋ suuniyo k'oogoro Yawudiyagi pây, wo kane doŋ pay geŋ an d'iiziga tukki Etiyen, an di y' ziida an di-t'iide ki daana deero booro Yawudiyagi. <sup>13</sup> Wo a daana kane geŋ an di wiike doŋ lohito k'ono pay, an'de: «Wede eŋ daayum yi kalda Boy Raa wo oogoro Muusa, <sup>14</sup> kono ay y'illiga yi ruute, Isa wede ti geeger Nazaret geŋ y'a-kossita ti Boy Raa wo dooyiso ere Muusa y'in ele gette y'a ti-kima ti doolo.» <sup>15</sup> Aame geŋ doŋ duuru pay i-guune adda boy goole ki booro geŋ, an di y' wolliso Etiyen tebeŋ, wo ume k'edayí i-tooriyo aa ume k'eda maaleeka.

## 7

*Etiyen a daana doŋ booro*

<sup>1</sup> Injino maŋ mozigo goole dŋŋ sefeke y'a tunde Etiyeŋ, y'ede: «Onamaŋ an rootiyo a tukki kee geŋ d'erec ko?» <sup>2</sup> Etiyeŋ yi di'n gime onamí, y'ede: «Maawi ki nuŋ, zemba ki nuŋ, kun ollo bee. Aame Ibirayim yi lekkiyo botto a siido k'ehiyadí sundutú Mezapotami, wo ki poone y'a eŋgila ki geeger ki Araŋ geŋ, Raa goole a jiire yi di gize tuddí, <sup>3</sup> wo yi di ruute, y'ede: "Ki t'oozo ki oolo siidada, wo dŋŋ boozá k'a eŋgilo ki siido ere saŋ maŋ n'a di kizey\*." <sup>4</sup> Injino maŋ Ibirayim y'a t'iiziga, y'a t'udde ti siido Kalde, y'a iŋgile yi lekkiyo a geeger ki Araŋ. Wo bini meegí y'inda maŋ, saŋ Raa y'a-di t'iido ki siido ere aŋkeŋ kun di lekkiyo aŋkenno ettiyo. <sup>5</sup> Wo de Raa yi di ruute munda wede yi di t'ela, y'ede: "Siido ette n'a-t'ela a kee wo k'eda k'inñizá, an di lekka adda." Wo aame geŋ Raa yi-k'ele ume boolon suma y'a-koone toŋ umbo a siido ette, wo ki sirwe ulo k'addí toŋ umbo Raa yi-k'ele ye†. <sup>6</sup> Maŋ Raa yi ruute sey, y'ede: "Ita k'inñizá an di lekka a siido torgagi, an di'n isa bulagi, an di'n dabira ozzinagi meeda pide. <sup>7</sup> Wo kane duwo dŋŋ i'n isa bulagi geŋ, nuŋ Raa n'a dekka booro a eedaŋ. Wo saŋ kane ita k'inñizá geŋ t'umayaŋ an t'oozigo, an t'etto kenno, an oo d'ottila‡." <sup>8</sup> Aame Raa y'a ti dŋŋge onamí injino maŋ, y'a gitte taasawa ti Ibirayim, wo munda wede i-kaza taasawa geŋ, waldu ponde. Injino maŋ Ibirayim a ulí Isaaka yi di wilfa ponde, aame yi y'ehe i

\* **7:3** 7.3 Kun wollo adda mattup ki Zenez 12.1. † **7:5** 7.5 Kun wollo adda mattup ki Zenez 11.31; 12.4,7; 13.15; 15.18; 17.8. ‡ **7:7** 7.7 Kun wollo adda mattup ki Zenez 15.13-14 wo Egzod 3.12.



îide onniyo gessire maŋ. Inŋkino kay Isaaka yi di wilɗa ponde a ulí Yakup, wo Yakup y'an di wilɗite ponde a inŋnizí kane koomat makumu sire monŋidagin genŋoŋ.

<sup>9</sup> Monŋidagin inŋni Yakup geŋ an gulbika ti leemadan Yusup, an di y'iwila aa bule, wo ɗon i y'iwila an di-t'îide siido Misir. Wo Raa daayum ti yode, <sup>10</sup> dabaradí yi di ti buuye pay. Yi d'ele suuniyo k'ono, lekkiyadi yi di ti t'ize unŋse a ɗaana Parahon mozigo ki siido Misir. Inŋkino maŋ Parahon y'a ti y' ziipe wede goole ki siido Misir, wo boozí ton yi-d'iili a beezí pây. <sup>11</sup> Bini maŋ i d'ize mosogo baadan adda siido Misir pay, wo a siido Kanahan pây. Duwo an di dibire baadan, wo monŋidagin munda an t'oomi ton umbo. <sup>12</sup> Aame Yakup y'illigo a Misir ombo ede maŋ, y'a igibe monŋidagin an an d'owilo, gette ettiyadan ere ki poone. <sup>13</sup> Aame yi'n igibe ki sirwe sey maŋ, Yusup y'an t'iidiba itadí a zembadí an di y' zuune. Wo Parahon ton ita maawi Yusup a Kanahan y'a ti zuune pây. <sup>14</sup> Inŋkino maŋ Yusup y'a igibe, y'a-waako meegi Yakup ti ɗon boozí pay, kane ada sarat makumu paat. <sup>15</sup> Aame Yakup y'illiga maŋ, y'a t'iiziga ti ɗon boozí pay, y'a inŋgile Misir an di likko bini maŋ, y'a inda ti inŋnizí pay kane ɗon monŋidagin me. <sup>16</sup> Wo nundanzaŋ\* an di ziko ki Sisem, an t'ittiba adda muuzo ere Ibirayim y'iwila ti sonŋo

---

§ 7:8 7.8 Kun wollo adda mattup ki Zenez 17.10-14; 21.4. \* 7:16 7.16 Nundanzaŋ: I-kaza nundani sire ɗanŋal ki Yakup wo ki Yusup. Kun wollo adda mattup ki Zenez 50.7-13; Zozuwe 24.32.

a bey k'in̄ni k'Amor a Sisem†.

<sup>17</sup> Ozzinagi ti ozzinagi maŋ doŋziŋ an d'iigila baadaŋ a siido Misir me, wo peedo toŋ t'iide ere Raa y'a-ti d'ange ono doŋ yi ruute y'aasa a Ibirayim. <sup>18</sup> Saŋ maŋ i-gili mozigo ti doolo a Misir me, wo yoŋ geŋ yi ki suune ye urzi Yusup me. <sup>19</sup> Mozigo geŋ doŋziŋ yi ti'n digge, wo moŋgidagiŋ y'anni dibire, yi'n isiyo ki toogo in̄nizaŋ an d'ooliyo an t'unto‡. <sup>20</sup> Aame geŋ Muusa an ti y'ehe, yoŋ ulo d'emilen, majjaane a daana Raa, an di y' mudde kaŋ ombide tere afo adda boy meegi. <sup>21</sup> Aame an k'aane ombidayi ye maŋ, an t'umbe, an di ziipo paate, wo saŋ uto Parahoŋ t'a y'uune, t'a t'umbe a tode, t'a yi mudde aa ulutu§. <sup>22</sup> Muusa geŋ an ti y' duuye a suuniyo ere pay ki doŋ Misir. Y'a t'ize wede i suune rootiyo k'ono wo toogo a naabo pây.

<sup>23</sup> Muusa i iide ozzine ada pide maŋ, i-d'iide elkiyo y'a ette, y'a wollo zembadi doŋ k'Izirayel. <sup>24</sup> Maŋ y'a in̄gile, y'iide'ŋ yi wolliyo wede Misir yi isiyo ulsu a wede soo ti diine zembadi, maŋ y'a-y'uube, wo yi di ti duuze, wede Misir geŋ y'a y'iide. <sup>25</sup> Y'ize in̄kino geŋ y'elkiyo zembadi doŋ k'Izirayel an d'elka Raa yi dehu y'an utte t'urzi yode, kaciŋ umbo an ki zuune ye. <sup>26</sup> Saŋ soggo sey maŋ, yi d'uune doŋ k'Izirayel sire an d'eyyiso, wo yi dehu y'a ti'n t'okkiye an di lekke ti toose. In̄kino maŋ y'an di ruute, y'ede: "Zemba ki nuŋ, kune'ŋ zemba ye ko? De ki moo me kun

---

† **7:16** 7.16 Taaya Yusup kun ti t'oone adda mattup ki Zenez 37.1-36; 39.1-47.12. ‡ **7:19** 7.19 Kun wollo adda mattup ki Egzod 1.7-16. § **7:21** 7.21 Kun wollo adda mattup ki Egzod 2.1-10.

isiyo ulsu ti tuddugun me?” <sup>27</sup> Wo wede i isiyo ulsu a leemadi geŋ y’a gibira Muusa, wo y’ede: “Kee i ki ziipe mozigo wo wede dekkiyo booro a tukki kaye wee wee? <sup>28</sup> Kunun ki dehu k’a ni t’ide aa loho k’iide wede Misir ko?” <sup>29</sup> Aame Muusa y’illiga inkinno man, ti siido Misir y’a t’umbe, y’a ingile ki siido Madiyan, yi lekkiyo angenno, a siido gette yi d’ehe inni kuuli sire\*.

<sup>30</sup> Adda siido gette Muusa yi likke ozzine ada pide. Saŋ onniyo soo man yon adda balda goppon ti mukkolo sundutu Sinayi, maaleeka ki Raa yi di gize tuddi adda beyga k’undumu oggiyo uwo dala dala. <sup>31</sup> A munda k’armika Muusa yi wulle geŋ, y’a zida giggiri. Wo y’a d’iide goppon, y’a wolle koduwo, y’a iide man y’ollige golla Galmeega Raa, t’ede: <sup>32</sup> “Nun Raa ki mongidaga, Raa k’Ibirayim, k’Isaaka wo ki Yakup.” Muusa orgiso t’a yi zida baadan, y’a iise nonjirso, yi k’aane yi k’ambe edayi, y’a ki wolle munda genno ye. <sup>33</sup> Inkinno man Galmeega yi di ruute, y’ede: “Tofiyaga ki t’odfipo kono ume wede kee k’ohire en, yon kamilen ki nun Galmeega. <sup>34</sup> Derec, ni wulle dabar ki donzo a siido Misir te, n’illiga soopiyadan te, wo nun n’iidoŋ kono n’an adde. Anken k’edi, n’a-k’agiba ki siido Misir†.”»

<sup>35</sup> Saŋ Etiyen y’a ruute sey, y’ede: «Yode Muusa wede don k’Izirayel an di y’giigira, an’de: “Kee wee wee i ki ziipe mozigo, wo wede dekkiyo booro me?” Geŋ saŋ Raa batum y’a y’igibe, y’a

\* **7:29** 7.29 Kun wollo adda mattup ki Egzod 2.11-15,21-22; 18.3-4.

† **7:34** 7.34 Kun wollo adda mattup ki Egzod 3.1-10.

t'ize mozigayan, wo y'a t'ize wede k'adfiyadan. Raa yi y'igibe t'urzi maaleeka wede an ikkima adda k'undumu gozzibor genno. <sup>36</sup> Yode Muusa gen y'an udfdo don k'Izirayel ti siido Misir, t'urzi k'isiyo suldi don i ceeriyo eego ti suldi k'armika adda siido Misir batum, wo son aame kane an doopide Bar Teezowo, wo aame kane adda balda ozzine ada pide‡. <sup>37</sup> Yode Muusa sey y'an di ruute a don k'Izirayel, y'ede: "Raa yi d'adfa ti diine zembagun nebi aa nuunoŒ." <sup>38</sup> Wo aame don k'Izirayel an t'ugiyee a balda ton man, yode Muusa sey a guune a diine mongidagin ti maaleeka me, yode gen yi di rootiyo a Muusa t'ekki morkolo Sinayi. Injino yode Muusa sey yi-t'ollige ono Raa don i d'eliyo lekkiyo, y'in d'ettiyo y'in di kaza\*. <sup>39</sup> Wo mongidagin an ki d'illiga ye onami me, an di y' giigira, wo adda k'addan an dehu an di-kime ki siido Misir. <sup>40</sup> An i-di ruute a Aroŋ, an'de: "K'in okkon raayagi a ozira a daanadin, kono in ki suune ye munda i iide a yode Muusa wede y'in di'n udfdo ti siido Misir me." <sup>41</sup> Injino man a onniytagi gen an d'ikkima ulo buru go longusizan, man an i d'ele sedeke a yode gen me, ulban unse an d'ize tarnaape a naabo ere an ize ti beezan gette†. <sup>42</sup> Wo Raa y'an gime dar y'an di'n iili, an d'ottilso a moldali a kandaane, aa an riije ti kaaga adda mattup ki

---

‡ **7:36** 7.36 Kun wollo adda mattup ki Egzod 2.14; 7.3; 14.21 wo Nombire 14.33. § **7:37** 7.37 Kun wollo adda mattup ki Deeterenom 18.15,18. \* **7:38** 7.38 Kun wollo adda mattup ki Egzod 19.1–20.17 wo Deeterenom 5.1–33. † **7:41** 7.41 Kun wollo adda mattup ki Nombire 14.3 wo Egzod 32.1; 32.2–6.

nebiyagi, an'de:

“Kune d’oŋ k’Izirayel no, geŋ a nuuno d’ey ko  
kun izite sedeke ki seydi wo sendikagi d’oŋ  
oŋgo kun izite,

aame kune adda balda ozzine ada pide geŋ me?  
Aha, a nuuno ye.

<sup>43</sup> Kune kun zirke boy golmodo ki raayusu sundi  
Molok,

wo ti mooliso ere ki raa wede sundi Repan.

Kane suldi geŋ kun ikkima ti beyguŋ kono kun  
an d’otile.

Inkino maŋ nuŋ n’un ti’n limma bini siido  
Babiloon, wo ti Babiloon geŋ ki daana  
sey‡.”»

<sup>44</sup> Etiyeŋ y’a ruute sey, y’ede: «Adda balda geŋ  
mongidagiŋ an d’ede Boy Raa wede an ikkima  
ki golmodo, i-boohiyo suldi d’oŋ ki taasuwa ere  
Raa yi gitte ti d’oŋzi. Boy geŋ Muusa y’a t’ikkima  
aa Raa yi ruute y’aase. Y’a t’ikkima a-t’iide a  
munda wede yi wulle i-iide aa suniye. <sup>45</sup> K’ita  
maŋ mongidagiŋ an an d’iili Boy Raa wede an  
ikkima ki golmodo geŋ a inŋizaŋ, an t’umbo  
ti kane aame geŋ Zozuwe wede dokkiyadaŋ,  
y’an d’an d’aaho ki siido ere ita d’oŋtu Raa yi’n  
ilmi ti daanadaŋ. Geŋ inkino Boy Raa geŋ y’a  
likke adda siido gettiyo bini moziko ki Dawut.‡

<sup>46</sup> Dawut y’a uune beeko ti Raa, maŋ Dawut y’a  
tunde Raa, yi d’ooziga boy a Raa ki Yakup\*. <sup>47</sup> Wo

---

‡ **7:43** 7.43 Kun wollo adda mattup ki Amos 5.25-27. § **7:45**

7.45 Kun wollo adda mattup ki Egzod 25.9,40 wo Zozuwe 3.14-17.

\* **7:46** 7.46 Kun wollo adda mattup ki 2 Samiyel 7.1-16.

miŋ a ki t'ize ye, a t'iiziga Boy Raa ulí Salamon.†  
 48 Wo Raa goole a jiire pay geŋ, yoŋ yi ki lekkiyo  
 adda boy wede duwo an oozige ye, aa Raa yi  
 ruute ti kaaga ti bize nebi soo:

49 “Galmeega y'ede: Kandaane aa ume wede ni-  
 konso,  
 ni lekkiyo wo siido aa ume wede ni d'oŋe zoŋdó  
 ni puukiyo.

De kune boy miŋ wede tuuku me, kun o ooziga,  
 wo aame tuuku n'a lekka adda me?

50 Suldi pay eŋ i zippe nuŋ ye ko‡?”»

51 Etiyeŋ y'an di ruute doŋ booro sey, y'ede:  
 «Kune doŋ i koogire Raa, kune doŋ sukkiya  
 kun ki ziipe adduguŋ a Raa ye, kun t'udde aa  
 maawuguŋ koyok, daayum kun koogire Unde  
 Kamileŋ. 52 Ti kaaga maawuguŋ nebiyagi pay  
 an di'n dibire, wo an di'n îide kane doŋ i gizite  
 ti poone aaniya k'Almasi yoŋ ki diine geŋ me.  
 Wo aame onniyo t'îide maŋ, yode toŋ kun di y'  
 giigira, kun di y'îide. 53 Raa y'un d'ele oogiradí  
 t'urzi maaleekiyagi, wo kune kun a-ki t'izire eego  
 ye.»

### *Tôwwo k'Etiyeŋ*

54 Aame doŋ booro an illiga Etiyeŋ yi ruute  
 injkino maŋ, an di-gulkuwe baadaŋ, an d'ahutu  
 bokimo. 55 Wo yo Etiyeŋ ôoniyo ti Unde Kamileŋ  
 y'a t'umbe edayí k'awwa ki kandaane maŋ, y'a  
 wulle toore daryika Raa wo Isa yi t'îhira a  
 ammade Raa. 56 Y'a ruute, y'ede: «Kun ollo  
 kay, ni wolliyo kandaane i t'ihina wo yoŋ wede

† 7:47 7.47 Kun wollo adda mattup ki 1 Mozagi 6.1-38. ‡ 7:50  
 7.50 Kun wollo adda mattup ki Ezayi 66.1,2.

an y'ehe aa ulo wede geŋ yi t'ihira a ammade Raa.» <sup>57</sup> Kane an illiga inkiŋo maŋ an zidde d'olle baadaŋ, kuwwagaŋ an aa ti ŋiyyite, kono an k'olliga onamí ye. Maŋ an d'iiziga pay kaŋ soo ki tuddí. <sup>58</sup> An di y' ziidfa t'adda geeger, an di y'udde paate, an di y'iise kakkisa ti moŋgali ki tôwwadí. Kane d'oŋ i wulle wo illiga geŋ, kallagaŋ deero an t'id'dipe, an t'ibi sirpa k'ulo obulsu sundí Sool. <sup>59</sup> Aame an yi kakkisa geŋ, Etiyeŋ yi ton-diyo Raa, y'ede: «Galmeega Isa, ki t'ambo undó.» <sup>60</sup> Saŋ y'a iire ti zibbaní, wo y'a idili ti golla awwa, y'ede: «Galmeega, a oldikadaŋ ette k'an t'iso tambobino.» Aame y'a ti ruute inkiŋo maŋ, y'a-t'ihe.

## 8

1a Wo Sool onamaŋ soo ti d'oŋ iide Etiyeŋ me.

### *Sool ti d'oŋ ogiyso ti suma k'Isa*

1b A onniyo gettiyo batum d'uwu an di'n iise dabirsa baadaŋ ki d'oŋ ogiyso ti suma k'Isa a Zeruzalem. Kane pay geŋ an di-tiipe k'adda siid'o Ziide ti Samari, a Zeruzalem i d'uupe d'oŋ zina k'Isa siidaŋ. <sup>2</sup> D'oŋ i seedu urzi Raa zakidí geŋ an t'ittiba Etiyeŋ me, wo an d'iile baadaŋ a untadí gette. <sup>3</sup> Wo ki yode Sool maŋ yi dehu y'an ise umbo d'oŋ ogiyso ti suma k'Isa me, yi d'ettiyo boy ti boy, yi di'n dehu tu yi ti'n se'dfu kuuli erayi, yi ti'n obe danŋay.

### *Pilip yo a Samari*

<sup>4</sup> Kane d'oŋ i-tiipe geŋ, an d'ettiyo borko ti borko an di kazita Rabila Majjaanawa. <sup>5</sup> Geŋ inkiŋo Pilip y'a t'iide k'adda geeger meeda ki

siido Samari, y'a iise kazita rabila k'Almasi Raa yi biire a don siido gettiyo. <sup>6</sup> Kane don siido gette pay an zaapu kuudan tak a ono don Pilip y'an kazita gen me, kono an illiga wo an wolliyo t'edayan suldi k'armika don y'isiyto gen me. <sup>7</sup> Inkinon man siitandani an t'udfite ti tukki don k'eeni baadan ti dollite ere ti golla awwa. Wo don baadan runguyun, ongon an denkiso, pay an d'uune bee. <sup>8</sup> Inkinon man don geeger pay gette ulban unse baadan.

<sup>9</sup> Aame gen i d'ede wedusu adda geeger gette sundi Simo, yon kombife ti kaagine wo a don siido Samari gen y'an d'isiyto suldi k'armika, kane pay an seedu gaggiran. Y'a-t'ize tuddi aa wede i-d'ede toogo. <sup>10</sup> Kane duwo pay iise ti innisi bini don deero gen, an di y' daaniya telele, wo an d'eesiyo: «Wede en i-d'ede toogo Raa, ere an ti waaku "toogo a jiiire baadan" gettiyo.» <sup>11</sup> Ti kaagine Simo ti kombidikadi gette, yi d'isiyto suldi k'armika duwo an seedu gaggiran, inkinon an di y' daaniya telele. <sup>12</sup> Wo anken Pilip y'iide y'an gizite Rabila Majjaanawa ki Moziko Raa wo ki suma k'Isa Almasi. Inkinon man erayi kuuli pay an d'umbe wo an ti'n zuyye batem. <sup>13</sup> Aame gen yode Simo batum ton, y'a ziipe addi a Isa wo an ti y' zuyye batem, y'a ziiida ita Pilip. Wo aame yi wulle suldi k'armika baadan ti suldi don i ceeriyo eego don Pilip y'isiyto genno man, y'a ziiida gaggiri.

<sup>14</sup> Aame kane don zina k'Isa a Zeruzalem an illiga don siido Samari an'ni ziiida ono Raa bey sire man, an an d'igibe Piyer ti Zan. <sup>15</sup> Aame



an iiney a Samari maɗ, an tunde Raa a kane Samariten ɗoɗ i ziipe addaɗ a Isa kono Raa y'an t'ele Unde Kamileɗ. <sup>16</sup> Wo aame geɗ Raa yi-k'ele Undi ye botto a wenda me, an'ni suyyiso batem ti suma Galmeega Isa ɗaɗɗal. <sup>17</sup> Inkiɗo maɗ Piyer ti Zaɗ an an di ziipe bey a eedaɗ wo an d'uune Unde Kamileɗ. <sup>18</sup> Aame Simo yi wulle Unde Raa ti ɗiigo a tukki ɗoɗ geɗ t'urzi ɗoɗ zina k'Isa an an ti ziipe beezaɗ a eedaɗ maɗ, yi dehu y'an t'ele soɗko a Piyer ti Zaɗ me. <sup>19</sup> Wo y'an di ruute, y'ede: «Toogo gette kun o eeli kay kono n'a zaape bey a tukki ɗuwo, an t'oone Unde Kamileɗ.» <sup>20</sup> Maɗ Piyer yi di ruute, y'ede: «Kee ti soɗkaɗa pay Raa y'unni dagga, kono k'elkiyo ti soɗkaɗa gette k'aane ki t'owila munda wede Raa y'eliyo ti mozuwo me. <sup>21</sup> Adda naabadey ette kee adda ye, aggaɗa umbo ti kaye me, kono a ɗaana Raa biza k'ulba ki diine ye. <sup>22</sup> Ki-kama lekkiyaɗa, naabaɗa ere oldo gette ki t'oolo, wo k'a tondo Raa koo y'ay t'isa tambobino maɗ a elkisaɗa ere oldo gette. <sup>23</sup> Nuɗ ni wolliyo maɗ kee adda i-k'aadumu a sulɗi eɗ me, wo kee bule k'oldfiko.» <sup>24</sup> Inkiɗo maɗ Simo y'an di ruute, y'ede: «I tondo Galmeega kune batum kono nuɗ me, kono munda wede kun rootiyo geɗ oo ki d'aana ye.» <sup>25</sup> Saɗ maɗ Piyer ti Zaɗ geɗ an an t'iide taaya a ɗuwo, a munda wede kane an wulle a urzi k'Isa, wo an di gizite ono Galmeega. Saɗ maɗ an di-gime ki Zeruzalem, a kamadaɗ geɗ a urzi an di gizite Rabila Majjaanawa a borkiyagi baadaɗ ki siido Samari.

*Pilip ti wede ti siido k'Etiyopi*

<sup>26</sup> Saŋ maaleeka ki Galmeega Raa yi di ruute a Pilip, y'ede: «Ki t'oozo, k'odo k'urzi wede ki d'andí, urzi wede ti Zeruzalem i d'ambu geeger Gaza, urzi geŋ yonŋ t'adda balda.» <sup>27</sup> Inkiño maŋ kesiko Pilip y'a t'iiziga, y'a ingile, yi sooru sooru. A sooruzí gette yi wolliyo bibiraw wedusu a daanadí. Wede'ŋ geŋ yonŋ wede goole wo kokkiso ti siidfo k'Etiiyopi, yi naabiya ti Kandas mohita k'Etiiyopi, wede yeeriyo korbite tode, yi t'iide Zeruzalem ottilso a Raa. <sup>28</sup> Konso adda puusadí yi-kime ki siidfadí, wo yi gariya mattup ki nebi Ezayi. <sup>29</sup> Unde Raa ti di ruute a Pilip, t'ede: «K'a naara, ki y'oonoy wede puus geŋ me.» <sup>30</sup> Maŋ Pilip y'a-niire, y'iide'ŋ y'a yi ziidfa wede suma adda puusadí geŋ me, y'ollige yi gariya mattup ki nebi Ezayi, maŋ y'a yi tunde, y'ede: «Ki gariya geŋ, munda ki yi suuniyo deŋ ko?» <sup>31</sup> Wede yi di'n gime onamí, y'ede: «De n'a suune mummino, wenda y'a ki'n ziipe urzi ye maŋ?» Maŋ wede yi di ruute Pilip, y'ede: «K'edi, k'a ti koli adda puus, k'a-koono a sirpa nuuno.» <sup>32</sup> Enŋo ume wede yi gariya an riinŋe ti kaaga adda mattup ki Raa me:  
 «Yonŋ aa damu wede an arkuđu ki tówwo,  
 wo aa ulo ki damu wede an dekkiso ilalí wo yi  
 ki mólolo ye,  
 inkiño kay yode tonŋ bizí yi k'ihina ye.  
<sup>33</sup> An di-d'ele sukiyagi, derec ki yode an i-ki t'ele  
 ye,  
 wee wee a roota suma k'inŋizí me,  
 lekkiyadi a siidfo an i-ti dikke\*.»

\* **8:33** 8.33 Kun wollo adda mattup ki Ezayi 53.7-8.

<sup>34</sup> Wede suma geɗ y'a tunde Pilip, y'ede: «Kee k'ollo do, nebi yi rootiyo injkino t'aaye ti yode batum kunuɗ, ti wenda doolo ko?» <sup>35</sup> Injkino maɗ Pilip y'a t'ihina bizi, wo t'urzi gariya mattup gette yi di gizite Rabila Majjaanawa k'Isa. <sup>36</sup> An iide kee maɗ, an d'uune ahu. A ume geɗ wede suma y'a ruute, y'ede: «Ki wollo kay eɗ ahu, de moo sey aa biite k'a ti'n suyye batem me?» [ <sup>37</sup> Pilip yi di ruute, y'ede: «Aame kee ki ziipe adda'ɗ pay a Isa maɗ, n'a ki ti suyye batem.» Maɗ wede yi di'n gime onami, y'ede: «N'umbe, Isa Almasi yon Ulo Raa.»] <sup>38</sup> Injkino maɗ Pilip yi di ruute a wede tuuliyo, y'ede: «Puusada ki-t'ohor.» Maɗ Pilip kane ti wede suma an di-d'iige t'ekki puus me, an di-d'iige k'adda k'ahu, Pilip y'a ti y' zuyye batem. <sup>39</sup> Aame an t'udde t'adda k'ahu maɗ, Unde Galmeega t'a ti y' nukkide Pilip me. Wo yo wede suma geɗ yi ki y' wulle ye baa, injkino y'a ingile ki daanadi ti unsuwo. <sup>40</sup> Wo yo Pilip yi woliyo'ɗ yo a Azot, maɗ yi d'ettiyo geeger ti geeger, yi kazita Rabila Majjaanawa adda geegiryagi pay bini y'a d'iiney Sezare.

## 9

### *Sool ti Isa*

<sup>1</sup> Wo aame geɗ Sool yi dehu daayum y'a dabire wo y'a t'ide sanalliyagi ki Galmeega. Injkino maɗ y'a iide, y'a uuney mozigo goole don sedeke <sup>2</sup> kono yi di t'ele mattup. Wo ti mattup gette y'a t'ooney deero boydi don Yawudiyagi ge dooyiso a Damas, wo aame don i daaniya urzi wede aware ki Galmeega kuuli ti erayi ede maɗ, y'a

ti'n sefdo y'an d'an t'etto ki Zeruzalem, an di'n obey dangay.

<sup>3</sup> Aame yi uune mattup man, y'a ingile ki Damas. Y'izire kee y'iiney goppon ti geeger man, a kaamiki i diigo toore ti kandaane, wiliṅ a tuure a tukki yode. <sup>4</sup> Y'a iire a siido wo y'ollige golla ti rootiyo, t'ede: «Sool, Sool, de moo me ki ni dabirsa me?» <sup>5</sup> Man Sool y'a tunde, y'ede: «Galmeega, de kee wee wee?» Man golla gette t'a ruute, t'ede: «Nuṅ Isa wede kee ki di y' dabirsa. <sup>6</sup> Wo ki t'oozo, k'eṅgilo k'adda geeger, anṅen an aa di kizey munda wede Raa yi dehu k'aasey me.» <sup>7</sup> Wo kane doṅ ti Sool soo ṅen an t'ihira, munda an di roote an ki suune ye, orgiso t'anni ziida kono golla an di-t'ollige wo wenda an ki y' woliyo ye. <sup>8</sup> Man Sool y'a t'iiziga, edayí kargigal wo i ki woliyo ye. Aame ṅen doṅ iide ti yode an i ziida beezí, an ti y' dukke k'adda geeger Damas. <sup>9</sup> Onniyo ado Sool edayí i ki woliyo ye, wo yi lekkiyo daa k'ombo daa sofo.

### *Sool edayí i t'ihina*

<sup>10</sup> A Damas ṅen i d'ede wedusu sundí Ananias, yode ṅen sanallusu k'Isa. I-d'iide munda aa suniye Galmeega yi di gize tuddí, wo y'a yi wiike, y'ede: «Ananias!» Man Ananias yi di'n gime onamí, y'ede: «Galmeegó, nuṅ enṅo n'ollige.» <sup>11</sup> Galmeega yi di ruute, y'ede: «Ki t'oozo, k'odo k'adfo ti urzi wede an yi waaku urzi defele, ki t'odoy adda boy Ziidas, k'a tondoy wede ede sundí Sool ki Tarsi. Ankenṅo yi tondiyo Raa, <sup>12</sup> wo adda munda i-iide aa suniye ṅen y'a wulle wedusu sundí Ananias, yoṅ yi-t'iide di yode, yi

di ziipe beezí a edayí, maŋ edayí a t'ihina.» <sup>13</sup> Wo Ananiyas yi di'n gime onamí, y'ede: «Galmeegó, wede eŋ rabiladí ni t'illiga, doŋ baadaŋ an ruute a suldí doŋ ulpi pay y'isiyo a doŋzá a Zeruzalem me. <sup>14</sup> Wo deero doŋ sedeke an i ele mattup y'a-sedde doŋ i tonɗiyo ti suma kee a enno, geŋ inkiŋo y'iido keŋno me.» <sup>15</sup> Wo de Galmeega yi di ruute, y'ede: «K'odo, ki y'oonoy wede geŋ me, kono nuŋ ni y' biire, n'a-y'isa wede a kiza sundó a duwo doŋ Yawudiyagi ye, a mozagaŋ wo a doŋ k'Izirayel. <sup>16</sup> Wo nuŋ batum ni di kizita suldí doŋ pay y'a dabira kono sundó.» <sup>17</sup> Inkiŋo maŋ Ananiyas y'a t'iiziga y'a ingile, y'iiney maŋ yi-t'iide adda boy Ziidas, Sool toŋ adda. Y'iide'ŋ yi di ziipe beezí a yode wo yi di ruute, y'ede: «Sool leema ki nuŋ, Galmeega i n'igibo me, yode Isa wede y'a di gize tuddí aame kee a urzi k'ettiyo keŋno, yi n'igibo ki tukki kee kono edayá a wolle sey, wo Raa yi-ki ti k'ône t'Unde Kamileŋ.» <sup>18</sup> A kaamiki gaŋgiragi aa ki puuni a iise soldite ti edayí, maŋ edayí a iise wolliso sey. Y'a t'iiziga, wo Ananiyas y'a ti y' zuyye batem. <sup>19</sup> Saŋ yi d'iimi, toogadí t'a iido.

### *Sool yo a Damas*

Sool y'a likke onniyto miibi ti sanalliyagi k'Isa a Damas me. <sup>20</sup> Wo tiŋ geŋ miŋ y'a iise kazita baa adda boydi doŋ Yawudiyagi ge dooyiso, yi d'eesiyo: «Isa yoŋ Ulo Raa.» <sup>21</sup> Kane doŋ pay i y'ollige geŋ an ziida giggeraŋ, wo an di rootiyo diinayaŋ, an'de: «Eŋ miŋ yo wede i-dabirsa baadaŋ kane doŋ i tonɗiyo ti suma k'Isa a Zeruzalem ye ko? Wo ettiyadi keŋno ette

y'iido'ŋ toc miŋ seɗɗuzan, wo y'an di'n t'eley bey deero ɗon seɗeɗe ye ko?» <sup>22</sup> Yo Sool a kazita k'onamí geŋ, i di t'ele toogo yi kazita i ceeriyo ki ceeriyo t'addí pay, y'an di rootiyo kereŋ Isa yoŋ Almasi Raa yi biire. Injino kane Yawudiyagi ɗon i lekkiyo a Damas geŋ, an i di roote munda an ki suune ye.

<sup>23</sup> Saŋ bini maŋ kane Yawudiyagi geŋ, kaŋ soo an di-ruute ti diinayan ki tówwadí Sool me. <sup>24</sup> Injino a rootiyadan gette wedusu yi di gize a Sool me, kono kane Yawudiyagi an t'ikkima tuddan, an di boohiyo boha bumbiyagi geeger onnu wo diddo kono Sool y'udfa maŋ ki tówwadí. <sup>25</sup> Injino maŋ onniyo soo a diddo, kane sanalliyagi Sool an di-t'iide, an ti y' ziipe adda geɗɗe, an ti y' zuuye ti waaya moŋgali ti nee.

### *Sool yo a Zeruzalem*

<sup>26</sup> Saŋ ti Damas geŋ Sool y'a iiney Zeruzalem. Aame y'iiney maŋ, y'a dihe y'a di keyye ti sanalliyagi k'Isa. Wo kane pay an orgiso a yoŋ me, kono an k'ambu ye ki kotto yi t'ize sanallusu k'Isa me. <sup>27</sup> Injino maŋ Barnabas y'a iyye, y'a ti y' wiike, wo y'a-di t'iide k'ume ɗon zina k'Isa. Aame geŋ y'an t'iide taaya mummino Sool yi wullo Galmeega aame yo a urzi ki Damas me, mummino Galmeega yi ruutito me, wo soŋ mummino Sool yi gizito ti suma k'Isa daa k'orgiso a Damas me. <sup>28</sup> Injino maŋ t'ume geŋno Sool y'a-t'iide ti kane a Zeruzalem, an d'ambu keŋno keŋno kaŋ soo wo yi kazita ti suma Galmeega daa k'orgiso. <sup>29</sup> A kane Yawudiyagi ɗon orbe ono

Girek toŋ y'an di kazita wo yi niikiyto pay ti kane me, wo kane an di dihe urzi ki tōwwadí. <sup>30</sup> Aame kane zemba doŋ i ziipe addaŋ a Isa geŋ an illiga inkiŋo maŋ, Sool an di d'ingile ki geeger Sezare, wo an ti y' diipida y'a ingile ki geeger Tarsi.

<sup>31</sup> Inkiŋo maŋ kane doŋ ogiyo ti suma k'Isa a siido Ziide, a siido Galile wo a siido Samari pây geŋ, an di lekkiyo ti toose. Kane an t'ize doŋ toogo a urzi Raa, an di lekkiyo ti ottilso a Galmeega, wo Unde Kamileŋ ti di'n noogiyō an d'aagulu k'aagulu.

### *Piyer ti Ene*

<sup>32</sup> Aame geŋ Piyer daayum yi sooru adda siido pay, yi d'ambu keŋŋo keŋŋo. Onniyo soo maŋ y'a t'iide woliyo ki doŋ ki Raa i lekkiyo a geeger Lidda. <sup>33</sup> A ume geŋ i d'ede wedusu sundi Ene yoŋ ruŋguyun, ozzine gessire yi lekkiyo moone ekk'onjali. Aame Piyer y'iiney a ume geŋŋo maŋ, wede geŋ yi y'uuney, <sup>34</sup> wo yi di ruute, y'ede: «Ene, Isa Almasi y'a ele bee. Ki t'oozo'ŋ, kee batum ki t'olbo suldi moonizá me.» A kaamiki Ene y'a t'iizi, y'a t'ihira. <sup>35</sup> Aame kane doŋ pay a geeger Lidda wo a bere ki siido Saron geŋ an wulle inkiŋo maŋ, an di-gime lekkiyadaŋ a urzi Galmeega.

### *Piyer ti Tabita*

<sup>36</sup> I d'ede erewo adda geeger Zoppa tod'te sanallawa k'Isa, sundutú Tabita (i-kaza Dorkas\* t'ono Girek). Tode gette a duwo t'an isiyo beehiye, doŋ umbadaŋ toŋ t'an d'eeliyo munda

---

\* **9:36** 9.36 Suma Dorkas t'ono Girek i-kaza ahisa.

me. <sup>37</sup> Aame Piyer yoŋ daayum a geeger Lidda geŋ, Tabita gette ti t'iire eeni wo t'a inda. T'inda maŋ an ti-zuyye, nuune an ti y' gili biino ere t'awwa t'ekki bakatú, an ti y' duwwe. <sup>38</sup> Lidda gette goppon ti Zoppa me, kane sanalliyagi k'Isa a Zoppa an illiga Piyer yoŋ anŋenno maŋ, an d'igibe kuuli sire an i di ruuto, an'de: «Leema ki nuŋ k'ayn'olliga maŋ, k'edi kesiko, in t'ette di kaye.» <sup>39</sup> Piyer y'a t'iiziga, kesiko y'a ingile ti kane. Aame y'iiney maŋ, kane an di ti gili biino ere t'awwa t'ekki bakatú. Kane mandaydayi pay an di y'uuna ti zumari a edayan, wo an i di kazita kallagi doŋ Tabita ti giniti aame t'a t'inda botto. <sup>40</sup> Piyer y'an di ruute a duwo an t'adde t'adda boy. An t'udde maŋ, yo y'a-dikke, y'a iise tondiyo Raa. Saŋ maŋ y'a-gime edayí k'ume nuune, wo y'a ruute, y'ede: «Tabita koŋ mi t'oozo'ŋ.» Maŋ t'a t'ihina edatú, wo aame ti wulle Piyer maŋ, t'a-guune. <sup>41</sup> Piyer yi ziida beytú t'a-t'iiziga, maŋ mandaydayi ti doŋ ki Raa onŋon y'anni wiiko, wo y'an ti-gize an di wulle tod' ti lekkiyo zeere. <sup>42</sup> Injino maŋ doŋ pay adda geeger ki Zoppa an d'illiga rabila gette, wo doŋ baadan an di ziipe addan a Galmeega. <sup>43</sup> Wo a Zoppa geŋ Piyer y'aa likke onniyo baadan di wede k'odige golmidagi sundí Simo.

## 10

### *Korney ti Piyer*

<sup>1</sup> I d'ede wedusu sundí Korney, yi lekkiyo a geeger Sezare. Yoŋ goole ki asigiryagi meeda ki Romen, ti diine k'asigiryagi meeda zoot an'ni



waaku sundaŋ «Italiyeŋ». <sup>2</sup> Wede geŋ yoŋ yi seedfu urzi Raazí zakidí, yode ti d'ofŋ adda boozí pay an ottilso a Raa. Yawudiyagi d'ofŋ an k'ede munda ye toŋ y'an d'isiyo beehiye, wo yi tondiyo Raa daayum. <sup>3</sup> In'kino maŋ onniyo soo a peedo lohe Korney i-d'iido munda aa suniye. Y'a yi wulle kereŋ maaleeka Raa me yi d'iidiba itadí, yi d'ettiyo di yode wo y'a yi wiike, y'ede: «Korney!» <sup>4</sup> Wo yoŋ yi di y' wolliso maaleeka tebeŋ, maŋ orgiso t'a yi ziida wo yi di ruute, y'ede: «Galmeega, de moo me?» Maaleeka yi di ruute, y'ede: «Kee tondiyadá Raa y'illiga ti beehiyko ere k'isiyo a duwo te, in'kino yoŋ yi ki k'elkiyo. <sup>5</sup> Wo aŋkeŋ ki agiba duwo an d'ette ki Zoppa, an di waako wede soo sundí Simo, sundí soo te Piyer, y'a etto. <sup>6</sup> Yo wede geŋ torgusu yi lekkiyo di wede sundí Simo kay, wede k'odige golmidagi, boozí a biza bar.» <sup>7</sup> Aame maaleeka wede i ruute a Korney geŋ y'ingile maŋ, Korney yi wiiko d'ofŋ sire ti diine d'ofŋ naabadí, wo asugursu soo wede i seedfu urzi Raazí zakidí, ti diine k'asigiryagí. <sup>8</sup> Korney y'an t'iide taaya a munda wede ize, saŋ y'an igibe ki Zoppa.

<sup>9</sup> In'kino maŋ kane an d'ingile, soggo toŋ kane daayum a urzi goppon an a-t'ette ki Zoppa, wo peedo t'ize diine. In'kino a peedo gettiyo batum, Piyer y'a-ti gili t'ekki boy t'awwa, y'a tonde Raa. <sup>10</sup> Aame geŋ mosogo t'a yi ziida, yi dehu yi d'oomi. Koore an i-d'isa ombo geŋ, i-d'iido munda aa suniye, <sup>11</sup> wo yi wolleyoŋ kandaane a t'ihina wo munda aa booyo goole kettiso a bohaní pide, i-deegu ki siido aa dara. <sup>12</sup> Wo adda

k'addí i d'ede ita seydi don zondan pide pide, ita seydi don i morkimso a siido wo ita k'embi don oppiyso a kandaane pây. <sup>13</sup> Aame gen y'a illi golla ti di ruute, t'ede: «Piyer, ki t'oozo'ŋ! Seydi en ki soddo, k'a t'ôodo, k'a t'aada.» <sup>14</sup> Wo Piyer y'a ruute, y'ede: «Galmeegó aha! Nuŋ munda wede k'ombo ulu, yon ganigi a daanada gen kan soo ton ni k'iimi ye.» <sup>15</sup> Maŋ golla gette ki sirwe sey Piyer y'a t'illiga, t'ede: «Munda wede Raa y'ede yo en kamilen gen, ki k'elke aa munda k'ombo ulu ye.» <sup>16</sup> Golla gette Piyer y'a t'illiga ti rootiyo onamtú min kane dey tan ado, san a kaamiki munda gen a-gili ki kandaane.

<sup>17</sup> Piyer gen y'a zida gggiri a munda wede i-iide aa suniye, wo munda i-kaza yi ki y' suuniyo ye gen me. Koore gen kane duwo don Korney yi'n igibe gen, boy Simo an di y' dihite, an y'uune, anken kane a biza bumbu. <sup>18</sup> Kane an di wiike don boy, an iido maŋ an di'n tunde, an'de: «Simo wede an yi waaku son Piyer gen, yon a enno ko?» <sup>19</sup> Piyer gen yon daayum y'elkiso a munda wede i-iide aa suniye genno, aame Unde Raa ti rootiyo, t'ede: «K'ollo, i d'ede don ado an ki dehu ton maŋ. <sup>20</sup> Ki t'oozo'ŋ, ki ti deego, k'engilo ti kane daa k'orgiso, kono duwo en i'n igibo nuuno.» <sup>21</sup> Inkino maŋ Piyer yi-ti diigo, y'an di'n uuney kane duwo gen me, wo y'an di ruute, y'ede: «En min nuŋ wede kun dehu. Ki moo me kun n'iido me?» <sup>22</sup> Maŋ an i di'n gime onami, an'de: «Kaye en ayn'igibo Korney, yode wede goole k'asigiryagi meeda ki Romen, yon wede ki diine y'ottilso a Raa, wo

kane Yawudiyagi pay an yi giyye. Yoŋ maaleeka Raa yi ruuto, kee k'a ette di yode kono ki di rootey ono y'a-k'olligey.» <sup>23</sup> Inŋkino maŋ ɗuwo geŋ Piyer y'a ti'n wiike k'adda boy, an d'inne di yode.

Ti soggatú maŋ kane ɗuwo geŋ an t'iiziga ti Piyer an d'inŋgile kaŋ soo. Wo zemba miibi an ziipe addaŋ a Isa ki Zoppa, an aa di'n igibo. <sup>24</sup> Saŋ onniyo ki ɗaana maŋ Piyer ti kane ɗuwo geŋ an d'iiney Sezare. Koore geŋ yo Korney y'a t'ugiye ɗoŋ boozí ti laŋziyagi ɗoŋ kuc an di'n delliyo. <sup>25</sup> Aame Piyer y'iiney wo y'ette k'adda boy maŋ, Korney y'a iide y'a y'ikkimo, y'a iire a zoŋdí kono yi-d'ottille. <sup>26</sup> Maŋ Piyer yi di ruute, y'ede: «Aha, ki t'oozo'ŋ!» Wo yi ziida beezí, y'a y'iiziga, y'ede: «Nuŋ wede tudde aa kee pây.» <sup>27</sup> Maŋ Piyer yi pelkiyo ti Korney, y'a-t'iide k'adda boy. A ume geŋ yi wolleiyo ɗoŋ baadaŋ i t'ugiye a ɗaanadí. <sup>28</sup> Y'an di ruute, y'ede: «Kune kun ti suune oogoro Yawudiyagi te, urzi ti k'ele ye a Yawudusu y'a ette boy wede Yawudusu ye, y'a lekke ti yode me. Wo ɗe nuŋ Raa y'o ruute kereŋ, koduwo ye a ɗaanadí wede tuuku toŋ n'a yi wolle yoŋ ganigi wo ulsu me. <sup>29</sup> Geŋ inŋkino, aame kun iide kun ni wiiko geŋ, ni ki ruuto ye munda me wo n'a inŋgilo miŋ ti kune baa. Anŋeŋ ni dehu n'a suune, ki moo me kun ni wiiko n'a iido me.» <sup>30</sup> Maŋ Korney yi di ruute, y'ede: «I d'ede onniyo aɗo, a peeɗo ere ki lohe gettiyo batum, ni tonɗiyo Raa adda boozó. A kaamiki geŋ miŋ wedusu ti kallagí i ralita wic wic yi-t'òhire a ɗaanadó, <sup>31</sup> wo y'o

di rootiyo: “Korney, kee tondiyadá Raa y’illiga, wo y’elkiyo a beehiyko ere kee k’isiyo a d’oñ an k’ede munda ye me. <sup>32</sup> Ankeñ ki agiba d’uwo an d’ette ki Zoppa, an di waako wede soo sundí Simo, sundí soo te Piyer, y’a etto. Yo wede geñ torgusu yi lekkiyo di wede sundí Simo kay, wede k’odige golmidagi, boozí a biza bar.” <sup>33</sup> Aame geñ kesiko ni d’igibe d’uwo ki tuddá, wo kee k’aaze adde kod’uwo k’a iido. Wo ankeñ kaye pay enño a daana Raa kono ay d’olliga suldí d’oñ pay Galmeega y’a ruuto k’ay di roote.»

### *Ono Piyer adda boy Korney*

<sup>34</sup> Inkiño mañ Piyer y’a iise kazita k’ono, y’ede: «Ankeñño ni suune ki kotto Raa geñ y’inni wolliyo kine d’uwo pay eñ miñ kan soo. <sup>35</sup> Ti ita d’uwo pay, wede tuuku y’ottilso a Raa wo y’isiyo munda ki diine mañ, yoñ geñ lekkiyadi i di t’ise unse a Raa me. <sup>36</sup> A d’oñ k’Izirayel Raa y’igibo onamí, Rabila Majjaanawa ere ki toose t’urzi k’Isa Almasi, yode wede Galmee’ki d’uwo pay.

<sup>37</sup> Kune kun suune Zañ yi kazita a d’uwo, y’ede: “Kun ti suygo batem”, wo soñ munda wede iina ki poone a siido Galile wo adda siido Ziide pay. <sup>38</sup> Wo kun suune mummino Raa yi biiro Isa wede ti geeger Nazaret, yode wede yid’ele Unde Kamileñ ti toogo ere yi d’isiyo armika me. Isa geñ y’an izire omagi pay, a d’uwo y’an d’isiyo beehiye, kane d’oñ an d’ede toogo Meeda siitandani a eedañ toñ y’an d’eliyo bee kono Raa ti yode.

<sup>39</sup> Wo kaye ay wulle t'edayey suldi don pay Isa y'ize adda siido Yawudiyagi wo a Zeruzalem me. Yon gen deero Yawudiyagi an ti y' tiike ekk'undumu, an di y'iide. <sup>40</sup> San onniyo sire k'aduwe man Raa y'a ti y' bilde ti diine don unto, wo yi d'ele urzi y'an di gize tuddi. <sup>41</sup> A baldiyadi gette i y' wulle Yawudiyagi pay ye, i y' wulle kaye don Raa yi biire ti poone kono ay di roota taayadi, kaye don ay d'iimi wo ay d'iibe ti yode aame Raa yi ti y' bilde ti diine don unto gen me. <sup>42</sup> San Isa y'ay ruute ay di kizite Rabila Majjaanawa a kane Yawudiyagi wo ay di roote Isa yon wede Raa yi biire y'a deka booro a tukki don zeere wo don i t'inda pay. <sup>43</sup> Kane nebiyagi pay an rootiyo ti yode Isa, an'de: "Wede tuuku yi ziipa addi a yode man, y'a t'ona tambobino k'oldikadi t'urzi toogo ere ki sundi."»

### *Unde Kamilen ti don Yawudiyagi ye*

<sup>44</sup> Aame Piyer y'an kazita botto gen, a kaamiki Unde Kamilen t'a diigo a tukki kane don pay ollige onami genno. <sup>45</sup> Man kane Yawudiyagi don i ziipe addan a Isa iido ti Piyer gen an ziida giggiran, wo an di zuune kane don Yawudiyagi ye ton, Unde Kamilen ere Raa y'elo gette ti diige a tukki kane pay. <sup>46</sup> Kane Yawudiyagi gen an ollige don Yawudiyagi ye ton, an orbe t'ono don doolo wo an tamma tan miibi Raa yon goole a jiiire me. Injino Piyer y'a ruute, y'ede: <sup>47</sup> «Anken kane duwo en an uune Unde Kamilen aakede kaye, gen ay k'aane ay gi di-tooge ye an di suyye batem t'ahu me.» <sup>48</sup> Man Piyer y'an di ruute, y'ede: «Duwo en kun ti'n suyyo batem ti suma k'Isa

Almasi.» Injino maɗ Piyer an di y' tunde y'a lekke onniyto miibi ti kane.

## 11

### *Ono Piyer a ɗaana zemba a Zeruzalem*

<sup>1</sup> Doɗ zina k'Isa ti zemba ɗoɗ i ziipe addan a Isa a siido Ziide geɗ, an illiga kane ɗoɗ Yawudiyagi ye toɗ ono Raa an uune. <sup>2</sup> Wo aame Piyer yi-gime ki Zeruzalem maɗ, kane Yawudiyagi ɗoɗ i ziipe addan a Isa an di y'irba, <sup>3</sup> wo an i ruute, an'de: «Ki moo me kee k'ize injino, ki-t'iide di ɗoɗ i ki walɗu ponde ye\* wo k'a iimo ti kane me!» <sup>4</sup> Injino maɗ Piyer y'an d'iise t'owwo taaya, yi-t'iise t'ume k'eesiyo soo ti soo a munda wede ize.

<sup>5</sup> Y'an di ruute, y'ede: «Aame nuɗ a geeger ki Zoppa ni tonɗiyo Raa geɗ, munda o d'iido aa suniye. Ni wolliyon munda i ɗeegu ti Raa ki tuddó, yode geɗ yi deeyiso aa boojo goole kettiso a bohaní pide, munda geɗ yi ɗeegu ti kandaane bini a iina aame sirpadó. <sup>6</sup> Wo ni wolliyon teben k'adda k'adde munda geɗno, n'a wulle seyɗi booze, seyɗi balɗa, seyɗi ɗoɗ i morkimso a siido wo embi ɗoɗ oppiyso a kandaane pây. <sup>7</sup> Maɗ n'ollige golla t'o-di ruute, t'ede: "Piyer, ki t'oozo'ɗ! Seyɗi eɗ ki soɗɗo, k'a t'ôodo, k'a t'aada." <sup>8</sup> Wo n'a ruute, n'ede: "Galmeegó ato! Nuɗ munda wede k'ombo ulu, yoɗ ganigi a ɗaanadá geɗ kaɗ soo toɗ ni k'iimi ye." <sup>9</sup> Golla gette n'a t'illiga ki sirwe ti kandaane, t'ede:

---

\* **11:3** 11.3 Doɗ i ki walɗu ponde ye: I-kaza ɗoɗ Yawudiyagi ye.

“Mundfa wede Raa y’ede yo enj kamilenj genj, ki k’elke aa mundfa wede k’ombo ulu ye.” <sup>10</sup> Golla gette t’a ruute ruute tanj ado, sanj a kaamiki mundfa genj a-gili ki kandaane sey. <sup>11</sup> Kaciñ aame genj minj a kaamiki d’oñ ado an o igibo ti Sezare, an iido an di n’uuna adda boy wede kaye’ñ adda. <sup>12</sup> Unde Kamilenj t’o di ruute n’a injile ti kane daa k’orgiso. Kane zemba d’oñ zoot i ziipe addanj a Isa ni wiiko kenno genj, an di n’igibo a Sezare, wo nunj ti kane pay ay t’iide k’adda boy Korney. <sup>13</sup> Yonj y’ay t’iide taaya mummino maaleeka y’iide k’adda boozí y’a yi wulle, wo yo maaleeka yi di ruute, y’ede: “Ki agiba duwo ki geeger Zoppa, an di waako Simo wede sundí soo an yi waaku Piyer, y’a etto. <sup>14</sup> Yonj y’a di roota ono a urzi wede sanj kun t’ooney uttiyo, kee ti d’oñ boozá pay.” <sup>15</sup> Aame Korney y’a ti d’inge taayadí wo n’a t’eesse tôwwo taayadó botto genj, Unde Kamilenj t’a d’iige a tuddanj aa ti d’iige a tukki kaye t’ume k’eesiyo. <sup>16</sup> Injino manj n’a ilke a ono Galmeega yi ruute, y’ede: “Zanj duwo yi’ni zuyyite batem t’ahu, wo de kune’ñ Raa y’un ti’n suyya batem t’Unde Kamilenj†.” <sup>17</sup> Ni wulle kane tonj Raa y’an ele Undí aa y’ay ele a kaye, aame ay ziipe addey a Galmeega Isa Almasi. Injino manj, nunj wee wee n’a aane n’a t’eegire Raa a mundfa yi dehu y’aase me?» <sup>18</sup> Sanj ono genj duwo an ti’n illiga manj, kane pay an d’inniga wo an d’iise tamma Raa, an’de: «Ki kotto Raa a d’oñ Yawudiyagi ye tonj, urzi y’an ele an di-kime lekkiyadanj wo an t’oona lekkiyo ere ki kotto.»

† **11:16** 11.16 Kun wollo adda mattup ki Naabo d’oñ zina 1.5; Lik 3.16 wo Zanj 1.33.

### *Don ogiyso ti suma k'Isa a Antiyos*

<sup>19</sup> Aame Etiyeṅ an y'îide maṅ, an d'iise dabirsa ḏoṅ i ziipe addaṅ a Isa. Inkiṅo maṅ kane geṅ an di-tiipite ki siidiyagi doolo. Don oṅgo ti diinayaṅ an d'ingile ki siido Pinisi, ki siido Siipire, wo ki geeger k'Antiyos<sup>‡</sup>, wo an di kazita ono Raa a ḏoṅ Yawudiyagi ḏaṅṅal. <sup>20</sup> Aame geṅ ḏoṅ miibi ti diine kane ḏoṅ i ziipe addaṅ a Isa iido ti Siipire wo ti siido Sireṅ geṅ, an d'ingile ki Antiyos, wo an di gizite kay Rabila Majjaanawa ki Galmeega Isa a ḏoṅ Yawudiyagi ye. <sup>21</sup> Toogo Galmeega ti kane, inkiṅo ḏoṅ baadaṅ an di-gime lekkiyadaṅ, wo an di ziipe addaṅ a Galmeega. <sup>22</sup> Don ogiyso ti suma k'Isa a Zeruzalem geṅ rabila gette an t'iire kuudaṅ, maṅ an d'igibe Barnabas ki Antiyos kono y'a ette y'a wollo. <sup>23-24</sup> Barnabas geṅ yoṅ wede beehiye, yi ziipe addi pay a Isa wo addiṅ ôoniyo ti Unde Kamileṅ. Aame y'iiney a Antiyos wo yi wulle ḏoṅ i ziipe addaṅ a Isa geṅ Raa y'an ti ziipe beeko maṅ, ulbi i-d'ize unse baadaṅ, wo y'an d'eele kooke pay kono an di lekke kettiyo ti Galmeega. Wo aame geṅ ḏoṅ baadaṅ an a-ti giyye ti Galmeega.

<sup>25</sup> Saṅ maṅ Barnabas y'a ingile ki Tarsi kono y'a waako Sool. <sup>26</sup> Aame yi y'uuno maṅ, y'a ti y' wiiko an t'iido k'Antiyos. Maṅ kane sirwaṅ ozzine an di y'iidfiba ti ḏoṅ ogiyso ti suma k'Isa anṅeṅṅo, wo an di duuye ḏoṅ baadaṅ a urzi zaapu k'addaṅ a Isa. Geṅ a Antiyos geṅṅo sanalliyagi k'Isa an di'n wiike waaku ere ki poone «ḏoṅ k'Almasi».

---

<sup>‡</sup> **11:19** 11.19 Geeger k'Antiyos: Antiyos gette geeger meeda ki siido Siiri.



### *Zemba don a Antiyos ti zemba don a Ziide*

<sup>27</sup> Aame geɗ i d'ede nebiyagi an diigo ti Zeruzalem an t'iide ki Antiyos. <sup>28</sup> Nebi soo ti diinayan sundi Agabus, Unde Raa ti di ruute adda k'addi, y'a t'iiziga y'a ruute, y'ede: «San i d'isa mosogo baadan adda siidiyagi don pay don Romen ge dokkiyo.» Wo kun suune mosogo gette ize aame Kilood yon mozigo goole ki Romen. <sup>29</sup> Aame kane sanalliyagi k'Isa an illiga injino man, an di dihe an tusse munda wede tuuku ton a toogadi, an di-t'igibe ki noogiyo zemba i lekkiyo a siido Ziide. <sup>30</sup> Injino man an tusse, an an d'ele a bey Barnabas ti Sool, an d'iide an an d'ele a bey don dokkiyo ki zemba don a Ziide.

## 12

### *Unto ki Zak, wo Piyer adda dangay*

<sup>1</sup> Aame geɗ mozigo Erod y'a iise dabirsa zemba ongon ti diine don ogiyso ti suma k'Isa. <sup>2</sup> Y'an d'ele urzi a asigiryagi, Zak leema Zan an di y'iide ti sebir. <sup>3</sup> Wo aame Erod yi wulle a Yawudiyagi an t'ize unse man, y'an d'ele urzi Piyer ton an ti y' seedo a onniytagi don ki tarnaape wede an d'ombo mappa daa k'orme. <sup>4</sup> Aame an ti y' ziido man, an di y'ele adda dangay, wo Erod y'a-ti zippe asigiryagi koomat makumu zoot, y'a ti'n dikkifa omagi pide, an di y' boohe. Yi dehu y'a defka booradi a daana duwo pay aame tarnaape Pak ki Yawudiyagi yi t'ingila man. <sup>5</sup> Injino man Piyer yi lekkiyo dangay wo kane don ogiyso ti suma k'Isa geɗ an ton diyo Raa daa puukiyo wo t'addan pay kono yode.

### *Adɗiya Piyer ti dangay*

<sup>6</sup> A diddo ere soggo Erod y'a deƙka booro ki Piyer a ɗaana ɗuwo pay gette, Piyer geɗ yi moone a diine k'asigiryagi sire, beydii'ŋ kettiso ti zinjiri sire, wo a biza dangay ummey asigiryagi sey an boohiyo. <sup>7</sup> A kaamiki maaleeka ki Galmeega Raa y'a diige adda dangay, biino ere Piyer adda gette a-tuure kereŋ. Maŋ maaleeka y'a yi butte Piyer a sirpadii kono y'a-t'inne, wo yi di ruute, y'ede: «Kesiko ki t'oozo!» Maŋ zinjiri ti beydii a tiipe. <sup>8</sup> Saŋ maaleeka yi di ruute, y'ede: «Ki-ketto tooná wo ki t'osso tobiyagá.» Piyer y'a t'ize aa maaleeka yi ruute, wo yi di ruute sey, y'ede: «Ki t'osso kallayá goole wo k'a ni daani.» <sup>9</sup> Inƙino maŋ Piyer y'a diine maaleeka, t'adda dangay y'a t'udde, wo a elkiyadi yi ki zuune ye munda wede maaleeka y'isiyo geɗ derec me, y'elkiyo i-iido munda aa suniye. <sup>10</sup> An t'udde t'ume k'asigiryagi ɗoŋ ki poone, ti ɗoŋ ki sirwe toŋ an a-t'udde pây, an d'iiney a biza wede ki maala k'a-t'adde k'adda geeger. Biza geɗ a t'ihina siidii a ɗaanadan me, wo an t'udde maŋ an d'izire kaŋ soo a urzi, saŋ a kaamiki nokkot maaleeka yi y'iili Piyer me.

<sup>11</sup> Inƙino maŋ Piyer eedii t'a iido, y'a yi zuune munda wede i-iido me, wo y'a ruute, y'ede: «Ankeŋ ni zuune baa geɗ derec, Galmeega Raa y'igibo maaleeka y'a-n'udde ti bey k'Erod wo ti munda wede ulsu Yawudiyagi an dehu an oo d'ise me.»

<sup>12</sup> Aame yi zuune inƙino maŋ, y'a inƙile ki boy k'erewo sundutu Mariyam mekki Zaŋ, sundii soo Markus. Adda boy geɗ ɗoŋ baadan an t'ugiye

an tondiyo Raa. <sup>13</sup> Piyer y'iide'η yi koppiyo biza yi-t'ette, wo i d'ede ere naabo sundutú Rood, t'a iido t'a-t'ihina biza. <sup>14</sup> Aame t'illiga'η golla ki Piyer t'a ti zuune, wo tod'te ulbutú a ûune t'un̄suwo baadaŋ. In̄kino maŋ t'a-t'ihina biza umbo, t'a-gime kaŋ okko, t'an di ruuto, t'ede: «Piyer yo eŋŋo a biza.» <sup>15</sup> Kane an i-di ruute, an'de: «Koŋ mi t'okko maade ko?» Wo de tod' t'a ruute, t'ede: «Ki kotto yo a biza.» In̄kino maŋ kane an di ruute, an'de: «Geŋ maaleekayí koo maŋ.» <sup>16</sup> In̄kino yo Piyer geŋ yi koppiyo biza pi bini an d'iido, an i-t'ihina. An yi wulle maŋ, an ziida giggiraŋ. <sup>17</sup> Maŋ y'an d'ize likuw ti beezí kono an d'anniga, wo y'an t'iide taaya mummino Galmeega yi-y'ud̄fo ti dan̄gay me. Y'an di ruute sey, y'ede: «A Zak\* wo a zemba oŋgo toŋ, kun an t'ôodoy taaya.» Saŋ t'ume kane y'aa t'ud̄fe, y'a in̄gile k'ume doolo.

<sup>18</sup> Ume i t'umpile maŋ asigiryagi an wolliyo Piyer umbo, undaŋ a t'ud̄fe, an d'iise tondiso, an'de: «De Piyer a y'ihe moo me?» <sup>19</sup> Mozigo Erod y'a igibe duwo ki dehuzí, wo an ki y'uuno ye. Maŋ y'anni wiike kane asigiryagi doŋ i yi boohiyo me, y'anni tundite ti kulkuwo, y'ede: «De Piyer kun i ize mummino!» In̄kino maŋ y'an di ruute a asigiryagi doolo an ti'n ôodo. Saŋ maŋ Erod y'a t'iiziga ti siido Ziide, y'a-lekko a geeger Sezare onniyto miibi.

### *Unto ki mozigo Erod*

---

\* **12:17** 12.17 Zak: Zak wede eŋ leema k'Isa.

<sup>20</sup> Injino mañ kane ñon geegiryagi Tir ti Sidon geñ, an ooniyo ombó ti siido ki mozigo Erod, wo aame geñ yon yi ti gulkuwe baadan ti kane ñon siido geñ me. Mañ kane ñon pay geñ an t'iide onamañ kan soo, an t'oone urzi ki toose ti Erod. Mañ an d'uuney wede soo sundí Bilastus, yon geñ wede boohiyo biino mozigo. Kane an iide an ti y' njiya, y'an d'an t'ette k'ume mozigo Erod. <sup>21</sup> Injino mañ Erod y'an d'ele onniyo, wo aame onniyo gette t'iina mañ yi-t'usse kallayí ki moziko, y'a-guune kaakido booro, y'a iise rootiyto a ñaana ñuwo pay. <sup>22</sup> Ñon ollige geñ an d'iise ñollite, an'de: «Enño en i rootiyto wedusu ye, en raayusu!» <sup>23</sup> Aame Erod y'illiga ono ñuwo geño mañ, ulbí unse tuddí y'a ti-gili, tamma gette yi-k'iili a Raa ye. Injino mañ a kaamiki, maaleeka ki Galmeega Raa y'a yi diine ti eeni, ondirfagi adda k'addí an di y'iimi, y'a inda.

<sup>24</sup> Tin geñ ono Raa i-teepiyo ki ñaana ki ñaana, wo ñon baadan an di ziipe addan a Isa. <sup>25</sup> Aame Pool ti Barnabas a zina ere an an igibe ki noogiyo ñuwo a Zeruzalem an aa ti-ñinge mañ, an a-ti y' wiike ti kane Zan wede sundí soo Markus, an di-gime ki Antiyos.

## 13

### *Barnabas ti Sool wo ñon dokkiyo a Antiyos*

<sup>1</sup> T'adda diine ñon ogiyso ti suma k'Isa a Antiyos geñ, i d'ede nebiyagi wo ñon dooyiso: Barnabas, Simeyon an yi waaku sundí soo Bakulu, Lisiyus ti siido Siren, Manayen wede an iiziga kan soo ti Erod wede mozigo a siido

Galile, wo Sool. <sup>2</sup> Onniyo soo, an t’ugiyee an ottilso a Galmeega wo an di lekkiyo daa k’ombo, aame geŋ Unde Kamilenŋ t’an di ruute, t’ede: «Barnabas ti Sool geŋ kun oo ti’n ooyo siidanŋ ki naabo ere nuŋ ni’ni wiike.» <sup>3</sup> Inŋkino maŋ aame an ti likke daa k’ombo wo an tunde Raa geŋ, zemba an an di ziipe beeko wo an di’n iili Barnabas ti Sool, an d’ingile.

### *Barnabas ti Sool a Siipire*

<sup>4</sup> Inŋkino maŋ Barnabas ti Sool Unde Kamilenŋ ti’n agisa naabo geŋ, an d’ingile an t’iide ki geeger Selusi. Tiŋ geŋ an d’uune tooko, an di-gili an d’ingile ki Siipire, siido ere a diine k’ahu. <sup>5</sup> An iiney a geeger Salamin a Siipire maŋ, an d’iise kazita k’ono Raa adda boydi d’oŋ Yawudiyagi ge dooyiso. Aame geŋ Zaŋ Markus toŋ yoŋ ti kane y’an di’n noogiyo. <sup>6</sup> Aame an ti diipida siido Siipire maŋ, an d’iiney geeger Papos. A ume geŋ an d’ikkima ti Yawudusu soo sundi Bar-Zezu, yode geŋ kombide, yi ti t’isiyo tuddi aa nebi, <sup>7</sup> yoŋ yi lekkiyo a sirpa goole ki Romenŋ adda siido gettiyo. Wede goole siido geŋ sundi Serziyus Poolus, yoŋ wede eedi soodo a elkiso. Yode geŋ y’anni wiike Barnabas kane ti Sool di yode kono yi dehu y’a olliga ono Raa. <sup>8</sup> Wo kombide geŋ sundi soo t’ono Girek an yi waaku Elimas geŋ, y’an di-tuuge a Barnabas ti Sool me kono yi ki dehu ye goole siido y’a zaape addi a Isa me. <sup>9</sup> Inŋkino maŋ Unde Kamilenŋ ti-t’uune adda k’adde Sool sundi soo Pool, yi di y’ wolleyo wede’ŋ geŋ yerere adda k’edayi, <sup>10</sup> wo yi di ruute, y’ede: «Kee wede adda uune ti metiŋko

wo ti bundiko! Kee ulo Meeda siitandani! Kee adu ki suldi don pay ki diine, ki dehu daayum urziyagi don delele ki Galmeega ki di ti'n lette. <sup>11</sup> Wo anken k'ollo, Galmeega y'a ki daana, k'a koosa suma k'onniyo miibi toore peedo ki ki y' wolla ye.» A kaamiki y'a-guuse, yon aa adda zimolo, yi-kama kenno kenno yi dehu wenda yi seeda a bezi y'a ti y' dokke. <sup>12</sup> Aame goole siido gen y'i wulle munda wede i iina a Elimas genno man, y'a ziipe addi a Galmeega kono dooyiso gette i y' ziida baadan.

### *Pool a Antiyos siido Pizidi*

<sup>13</sup> Wo Pool ti don a itadi an t'iiziga ti Papos, an di-gili adda tooko, an d'ingile ki geeger Perz a siido Pampili, wo aame an iiney man Zan Markus y'i'n ili, y'a-gime ki Zeruzalem. <sup>14</sup> Man ti Perz gen kane an t'iiziga, an d'ingile ki geeger k'Antiyos siido Pizidi. An iiney Antiyos gen, a onniyo ere ki puukiyo Yawudiyagi an t'iide adda boy wede Yawudiyagi ge dooyiso, an digundite. <sup>15</sup> Aame kane duwo gen an gire adda mattup k'oogoro Muusa ti ono don ki nebiyagi man, don deero ki boy gen an an di ruute, an'de: «Zemba ki nun, aame un ede ono ki kooke a duwo enno man, kun an eelo.» <sup>16</sup> Inkiyo man Pool y'a t'iiziga, y'an d'ize likuw ti bezi kono an d'anniga, man y'a ruute, y'ede: «Kune don k'Izirayel, wo kune don Yawudiyagi ye don ottilso a Raa, kun n'ollo. <sup>17</sup> Raa wede ki kine don k'Izirayel y'a biire mongidagin. Y'an iigila aame kane an lekkiyo a siido Misir, san ti toogadi y'an uddo ti siido gette. <sup>18</sup> Adda k'ozzine ette suma

k'ada pide, Raa y'anni mudufe adda balda me. <sup>19</sup> Saŋ maŋ ita d'uwu sarat adda siidfo Kanahaŋ gette Raa y'a-t'uute, y'an d'ele siidfo kane gette aa korbite a d'onzí. <sup>20</sup> Suldi pay geŋ i t'ingile a iide ozzine suma meeda pide uto ada paat.

Maŋ Raa yi biire doŋ dekkiyo booro a ekki mongidagin, an di wolliyo onamaŋ bini nebi Samiyel. <sup>21</sup> Aame Samiyel yoŋ nebi geŋ, mongidagin an tunde Raa y'an t'eele mozigo. Maŋ Raa y'an d'eele Sayul ulo Kis ti biza bumbu Benzamen, y'iimi mozikadi ozzinagi ada pide. <sup>22</sup> Saŋ maŋ Raa y'a ti d'iige Sayul me, y'a di ziipe Dawut mozigo me, yoŋ geŋ wede Raa y'a ruute sundí, y'ede: "Ni uune Dawut ulo Zeese, yoŋ geŋ wede aa addó i dehu, y'aasa naabo ere pay aa ni dehu." <sup>23</sup> Ti ita k'inŋi Dawut geŋ Raa yi d'iidiba wede soo sundí Isa, yoŋ Wede k'Uttiyo ki doŋ k'Izirayel. Geŋ inokino Raa y'a-ti d'inge ono doŋ yi ruute y'aasa me. <sup>24</sup> Ki poone Isa y'a aana geŋ, Zaŋ Batis y'a iido y'a gizite a doŋ k'Izirayel pay kono an di-kime lekkiyadaŋ wo y'a ti'n suyve batem. <sup>25</sup> Aame Zaŋ yi zuune naabadi goppon ti d'anga maŋ, y'a ruute, y'ede: "Kune kun elkiyo nuŋ wee wee? Nuŋ Almasi wede kun delliyo geŋno ye. Wo de wede ettiyo k'itadó geŋ, yoŋ nuŋ batum ni k'iide n'a ki t'eeze sibe tobiyagi ye\*."

<sup>26</sup> Zemba ki nuŋ, kune doŋ ti ita k'inŋi k'Ibirayim wo kune doŋ ottilso a Raa, ono doŋ k'uttiyo eŋ Raa yi'n elo a kine. <sup>27</sup> Aame Isa y'iina

---

\* **13:25** 13.25 Kun wollo adda mattup ki Matiye 3.11 wo Zaŋ 1.20,26-27.

maŋ, dɔŋ Zeruzalem ti deerizaŋ an ki y' zuune ye Isa wede Raa y'igibo me, wo ono nebiyagi dɔŋ an gariya daayum a onniyo ere ki puukiyadiŋ geŋŋo toŋ, itadaŋ an ki'n zuune ye. Wo de an d'ize kono booro t'a yi ziida ki tɔwwo, a-t'iide a ono nebiyagi an ruute ti kaaga. <sup>28</sup> Kane duwo geŋ munda wede an t'oone a tukki yode a t'ide ki tɔwwadi umbo, wo toŋ maŋ an di tunde Pilat y'a t'ele urzi ki tɔwwadi. <sup>29</sup> Inkiŋo a munda wede kane an ize geŋ a-t'iide a ono dɔŋ pay an riine ti kaaga adda mattup ki Raa a tukki yode, maŋ kane Yawudiyagi an ti y' d'iige t'ekk'undumu me, wo an di y'eele adda muuzo. <sup>30</sup> Wo de Raa y'a ti y' bilde ti diine dɔŋ unto me. <sup>31</sup> Saŋ maŋ y'an di gize tuddi taŋ baadaŋ a enno enno, a dɔŋzi dɔŋ an gilo kaŋ soo ti siido Galile ki Zeruzalem, wo ankeŋ kane geŋ an di rootiyo taayadi a daana Yawudiyagi pay. <sup>32-33</sup> Inkiŋo maŋ ono dɔŋ Raa yi ruute y'aasa a mongidagiŋ ti kaaga geŋ, ankeŋ y'a ti'n diŋge a kine inŋizaŋ, aame Isa yi ti y' bilde ti diine dɔŋ unto geŋ me. Wo ankeŋ Rabila Majjaanawa gette kaye batum ay iido, ay un di kizite. Raa y'ize inkiŋo aa an riine ti kaaga adda mattup ki Soom sire, an'de:

“Kee ulo nuŋ me,

wo ti anki duwo an di suune nuŋ Meegá†.”

<sup>34</sup> Wo Raa yi ruute ti kaaga, yoŋ y'a ti y' balda ti diine dɔŋ unto kono y'a ki ruuma ye. Geŋ Raa yi ruute inkiŋo, y'ede:

“N'un di zaapa beeko ere kamileŋ

---

† **13:32-33** 13.32-33 Kun wollo adda mattup ki Soom 2.7.



wo suldí dɔŋ dɛrec ni ruute ni-t'ela a Dawut‡.”

<sup>35</sup> Kono kamo Dawut y'a ruute sey adda mattup ti doolo, y'ede:

“Ki oola tudde ki wedizá kamileŋ i-ruuma adda muuzo ye§.”

<sup>36</sup> Wo Dawut yoŋ a koduwadí y'a niibe naabo Raa wo saŋ y'a inda, an di y'ele adda muuzo aame moŋgidagí, wo tuddí a ruume. <sup>37</sup> Wo yode wede Raa y'a ti y' bilde ti diine dɔŋ unto geŋ, tuddí i ki ruume adda muuzo ye. <sup>38-39</sup> Zemba ki nuŋ, ni dehu kun di suune, t'urzi k'Isa an un di kazita kun d'ooniyo tambobino k'oldíkagun. Wo t'urzi yode, wede tuuku yi ziipe addí a yode maŋ, yoŋ geŋ Raa yi y' wolliyo ki diine a dfaanadí me. Dɛrec, oogoro Muusa ti k'iine t'un gi di'n ize dɔŋ ki diine a dfaana Raa ye. <sup>40</sup> Inŋkino kun koono mentikagi, kono un ki d'aana ye munda wede nebiyagi an riine ti kaaga, an'de:

<sup>41</sup> “Kun ollo bee kune dɔŋ okko maade Raa geŋ, kun soodo giggirgun wo kun di nokkido, kono a lekkiyagun ette ni d'isa munda wede kun d'addira, wo munda geŋ aame wenda y'un ruuta toŋ maŋ, kun k'amba ye\*.”»

<sup>42</sup> Aame Pool ti Barnabas an adfiya ti boy wede Yawudiyagi ge dooyiso geŋ, kane dɔŋ duuru an di'n tunde, an'de: «Soŋŋo a onniyo ere ki puukiyo kun di kami, kun ay kizita sey ono eŋ me.» <sup>43</sup> Aame ti ogiyo an ti tiipe maŋ,

---

‡ **13:34** 13.34 Kun wollo adda mattup ki Ezayi 55.3. § **13:35** 13.35 Kun wollo adda mattup ki Soom 16.10. \* **13:41** 13.41 Kun wollo adda mattup ki Abakuk 1.5.

ɗoŋ baadaŋ Yawudiyagi, ti ɗoŋ Yawudiyagi ye an ti t'ize tuddaŋ Yawudiyagi an d'ottilso a Raa pây, an di diine Pool kane ti Barnabas. Kane geŋ an an di kazita ono Raa, wo an an d'eliyo kooke an di lekke ki diine a urzi beeko ere ki Raa.

*Pool ti Barnabas wo ɗoŋ Yawudiyagi ye*

<sup>44</sup> Onniyo ere ki puukiyo Yawudiyagi t'iina maŋ, ɗoŋ baadaŋ ti diine ɗoŋ adda geeger gette an t'ugiye, an d'ollige ono Galmeega ɗoŋ Pool ti Barnabas an kazita. <sup>45</sup> Wo aame kane Yawudiyagi an wulle ɗoŋ duuru geŋno maŋ, kolbiso t'a jiire eedaŋ, an d'iise kalɗita Pool an'de, onamî yi rootiyo geŋ lohito. <sup>46</sup> Inkiŋo maŋ Pool ti Barnabas an an di ruute daa k'orgiso, an'de: «Ki kotto, ki poone'ŋ a kune Yawudiyagi ay un di kizite ono Raa me. Wo ɗe kune kun ti-tuuge k'ollige k'ono Raa geŋ, aa kune batum kun ɗikke booro a eggun, lekkiyo ere ki daayum kun ki ti t'oona ye. Inkiŋo kaye ay d'ambe ki tukki ɗoŋ Yawudiyagi ye, <sup>47</sup> kono enno munda wede Galmeega y'ay ruute ay d'ise me, y'ede: "Nuŋ ni ki ziipe aa toore ki ita ɗuwo pay, kono k'an d'etta t'uttiyo ere ki Raa bini ɗanɗu siido pay†."»

<sup>48</sup> Aame kane ɗoŋ Yawudiyagi ye an illiga ono geŋno maŋ, an tamma Raa wo an di ruute, an'de: «Ono Galmeega eŋ unse baadaŋ.» Wo kane ɗoŋ pay Raa yi biire an t'oona lekkiyo ere ki daayum geŋ, an di ziipe addaŋ a Isa. <sup>49</sup> Inkiŋo maŋ ono Galmeega a-tiipe adda siido gette pay. <sup>50</sup> Wo kane Yawudiyagi geŋ an an t'elite ono a erayi

† **13:47** 13.47 Kun wollo adda mattup ki Ezayi 49.6.

ɗonɗon sundaɗ ti m̄olo wo an ottilso a Raa, ti ɗon deero adda geeger. Kane pay geɗ an an t'elite ono a ɗon duuru, an di dibire Pool ti Barnabas, wo ti siidafaɗ an di'n ilmi. <sup>51</sup> Kane sire geɗ odde zoɗɗaɗ an an ti y' tuttige‡, wo an d'ingile ki geeger k'Ikoniyoɗ. <sup>52</sup> Wo kane sanalliyagi k'Isa a Antiyos siido Pizidi geɗ, an di lekkiyo addaɗ ôoniyo t'Unde Kamileɗ wo ulbaɗ unse.

## 14

### *Pool ti Barnabas a Ikoniyoɗ*

<sup>1</sup> Aame Pool ti Barnabas an iiney a Ikoniyoɗ maɗ, an d'ingile an t'iide adda boy wede Yawudiyagi ge dooyiso, aa an d'izo a Antiyos. Aame an iise kazita k'ono Raa geɗ, Yawudiyagi baadaɗ ti ɗonɗon Yawudiyagi ye an di ziipe addaɗ a Isa. <sup>2</sup> Wo ɗe kane Yawudiyagi ɗonɗon i-tuuge ki zaapu k'addaɗ a Isa geɗ, an an t'elite ono a kane ɗonɗon Yawudiyagi ye kono an di-kime elkisadaɗ, an di kulkuwe ti kane zamba geɗɗo. <sup>3</sup> Wo toɗ maɗ Pool ti Barnabas an di likke onniyo baadaɗ adda geeger gette. An di gizite ono Raa t'adde soo, orgiso adda k'addaɗ umbo kono Galmeega ti kane. Wo yoɗ y'an d'eliyo toogo k'isiyo sulɗi k'armika ti sulɗi ɗonɗon i ceeriyo eego, i-kaza onamaɗ a urzi beeko Galmeega geɗ ɗerec. <sup>4</sup> Kane ɗonɗon geeger an t'ihinte omagi sire, ɗonɗon soɗ a ita Yawudiyagi, wo ɗonɗon soɗ a ita ɗonɗon zina k'Isa. <sup>5</sup> Saɗ kane Yawudiyagi miibi ti ɗonɗon Yawudiyagi

---

‡ **13:51** 13.51 Tottiso k'odde zoɗ: Geɗ i-kaza «oofibe sibe ti golla.» Pool ti Barnabas an iidfiba sibe ti golladaɗ, aame ki poone an gizite ono a Yawudiyagi wo an ki d'umbe ye.

ye wo ti deerizan, an di ruute an an d'ise ulsu a dɔŋ zina k'Isa, an ti'n kakkite ti monɔali an ti'n t'ide. <sup>6</sup> Wo aame Pool kane ti Barnabas an illiga inɔkino maŋ, an t'umbe an d'umbe k'urzi Listire ti Derbe, geegiryagi ki siido Likayuni, ti illiyagi dɔŋ i ti-d'uule. <sup>7</sup> Aame an ibey a siido gettiyo maŋ, anɔŋɔŋo toŋ an d'iise kazita Rabila Majjaanawa.

*Pool ti Barnabas a siido Listire*

<sup>8</sup> A geeger ki Listire gette i d'ede wedusu zoŋɔfi unto t'ume an ti y'ehe too, kaŋ soo toŋ umbo yi k'izire ye. <sup>9</sup> Onniyo soo Pool yi kazita ono Raa maŋ, yo wede geŋ yi d'ollige. Pool yi di y'wolliyi tebeŋ, maŋ y'a zuune wede geŋ yi ziipe addi, yi dehu y'a utte t'eenizi me. <sup>10</sup> Inɔkino maŋ Pool yi di ruute ti golla awwa, y'ede: «Ki t'oozo, ki t'ohor kaŋ ohire!» Wede y'a ilde k'awwa, y'a t'ihira, y'a iise sooru. <sup>11</sup> Aame kane dɔŋ duuru an wulle munda wede Pool y'ize geŋno maŋ, an d'iise d'ollite t'ono ki Likayuni, an'de: «Raayagi an t'umbo tukki duwo, an di-d'iigo diinayin!» <sup>12</sup> Inɔkino maŋ Barnabas an i-d'ele suma ki raazaŋ Zewus\*, wo Pool an i-d'ele suma ki raazaŋ Ermes† kono yoŋ wede k'eesiyo k'ono. <sup>13</sup> Boy raayusu Zewus geŋ yoŋ a biza geeger. Inɔkino maŋ wede sedefe ki Zewus geŋ y'iide'ŋ, yi zidde buŋgari, y'an d'izite dogoro ki bobbo k'inda, wo y'an d'an t'iide ki biza boy geŋno, kono yi dehu ti kane dɔŋ duuru geŋ an an d'ise

\* **14:12** 14.12 Suma Zewus: I-kaza mozigo raayagi ki dɔŋ Girek.

† **14:12** 14.12 Suma Ermes: I-kaza wede zina raayagi ki dɔŋ Girek.

sedefe akka Pool ti Barnabas. <sup>14</sup> Wo aame kane dɔŋ zina sire geŋ an illiga in̄kino maŋ, addaŋ a k'ize un̄se ye, kallagaŋ an di zittite, maŋ an d'ukke an t'iide diine dɔŋ duuru geŋŋo, an di dɔllite, an'de: <sup>15</sup> «Wayya, kune d̄uwo eŋ, kun isiyo in̄kino moo me? Kaye miŋ d̄uwo aa kune pay! Kaye ay un̄ kazita urzi Rabila Majjaanawa kono loŋgayi dɔŋ ki bita geŋ kun di'n ooli, wo kun di-kimo ki tukki Raa zeere, wede ikkima kandaane ti siido wo bar, ti suldi dɔŋ adda pay. <sup>16</sup> Ti kaaga Raa y'an iili d̄uwo adda siidiyagi pay, dɔŋ tuuku toŋ an ad̄diya urzizaŋ k'eedaŋ k'eedaŋ. <sup>17</sup> Wo toŋ maŋ y'an di kaza daayum a d̄uwo yoŋ Raa wede beehiye, ti kandaane y'un d'eliyo mizzi, y'un d'eliyo suldi dɔŋ ki derku, kun d'aydu aame onniyo ti t̄owwo maŋ. Eyye, yoŋ y'un d'eliyo ombo baadaŋ wo addugaŋ y'un di'n ōoniyo t'un̄suwo.» <sup>18</sup> Ti onamaŋ geŋŋo toŋ, ti ooŋe baadaŋ Pool ti Barnabas an d'iine dɔŋ duuru an di'n ihira t'isiyo sedefe a kane me.

<sup>19</sup> Saŋ maŋ kane Yawudiyagi ti Antiyos siido Pizidi wo ti Ikoniyoŋ an d'iina a Listire, an di'n irga dɔŋ duuru ki tukki kane. In̄kino maŋ Pool an ti y' gikkite ti moŋgali ki t̄owwadi, saŋ an t'irga t'adda geeger ki paate, an elkiyo y'inda. <sup>20</sup> Wo kane sanalliyagi geŋ an di-t'ugiye a eedi, saŋ Pool y'a t'iiziga, y'a-gime k'adda geeger gettiyo. Soggo maŋ ti Barnabas an d'in̄gile ki geeger Derbe.

### *Pool ti Barnabas a Antiyos siido Siiri*

<sup>21</sup> Pool ti Barnabas an iiney a Derbe maŋ, an di gizite Rabila Majjaanawa wo dɔŋ baadaŋ an di

ziipe addan a Isa, an t'ize sanalliyagi. San man an di-gime k'adda geegiryagi ki Listire, Ikoniyon wo Antiyos siido Pizidi. <sup>22</sup> Adda geeger son an an d'eeliyo kooke kooke a sanalliyagi me, an di seeda zakidi a urzi zaapu k'addan a Isa, an d'eesiyo: «In t'oonaa dabar baadan doo min, in t'etta ki Moziko Raa kollo.» <sup>23</sup> Wo t'adda diine don ogiyso ti suma k'Isa gen a ume son an di beeriyo don dokkiyo dokkiyo, wo aame gen an di lekkiyo onniyo muno daa k'ombo ti tonduyo Raa, san kane zamba gen an i-di'n ele a bey Galmeega wede an ziipe addan kono y'anni boohe.

<sup>24</sup> San man Pool ti Barnabas an d'ingile an di diipida ki Pizidi, an d'ingile ki siido Pampili. <sup>25</sup> An di gizite ono Raa a geeger ki Perz, san man an di-diige ki biza bar ki geeger k'Atali. <sup>26</sup> Tin gen an di-gili adda tooko, an di-gimo ki Antiyos siido Siiri, ume wede ti poone zamba an an di'n ele kane a beeko ere ki Raa, a naabo ere an d'ise wo anken an ti dinge. <sup>27</sup> Aame an iiney a Antiyos man, an di'n ugiye don ogiyso ti suma k'Isa gen pay, wo an an t'iide taaya a munda wede Raa y'ize t'urzi kane, wo son mummino Raa y'ize y'an t'ihina urzi a kane don Yawudiyagi ye ton, an ziipe addan a Isa me. <sup>28</sup> Aame gen Pool ti Barnabas an di likke onniyo baadan ti sanalliyagi me.

## 15

### *Ogiyso meeda a Zeruzalem*

<sup>1</sup> I d'ede don ede kane a siido Ziide, an d'ingile ki Antiyos an di dooyiso zamba, an'de: «Kune

kun ki ti wilda ponde aa oogoro Muusa ti ki rootiyo ye man, Raa y'un ki'n utta ye.» <sup>2</sup> Wo Pool ti Barnabas an ki d'iyye ye a onaman gen me, an di niikite baadan ti kane me. Inkinno man an di dihe Pool ti Barnabas an di-kili Zeruzalem ti zamba ongo kono an di wollo ono gen ti don zina k'Isa wo ti don dokkiyo. <sup>3</sup> Inkinno man don ogiyo ti suma k'Isa a Antiyos an an d'eele munda ki torguwadan me, wo an di'n igibe an d'ingile. An di diipida ki siido Pinisi wo ki siido Samari, a ume gen an an t'iide taaya mummino don Yawudiyagi ye an di ziipe addan a Isa me, wo kane zamba pay gen addan a uune t'unso.

<sup>4</sup> Aame kane an iiney Zeruzalem man, don ogiyo ti suma k'Isa, don zina k'Isa wo don dokkiyo pay gen, an di'n ziida bey sire. Wo Pool ti Barnabas an an t'iide taaya a suldi don pay Raa y'ize t'urzi kane. <sup>5</sup> Wo don ede ti diine Pariziyen don i ziipe addan a Isa gen, an t'iiziga an d'iise rootiyo, an'de: «Don Yawudiyagi ye an ziipe addan a Isa gen i dehu an di walda ponde, wo kun an di roote an di daane oogoro Muusa.»

<sup>6</sup> Inkinno man kane don zina k'Isa ti don dokkiyo an t'ugiyi kono an di wolle urzi k'ono genno. <sup>7</sup> Aame an niikite kee man, Piyer y'a t'iiziga y'an di ruute, y'ede: «Zamba ki nun, kun suune nun Raa yi ni biire ti diine kune ti kaagine, kono n'an di kizite Rabila Majjaanawa a don Yawudiyagi ye, kono ono en an di'n olliga wo an zaape addan a Isa. <sup>8</sup> Wo yo Raa yon wede yi suune adde duwo pay, gen y'an di gize kono kane ton yi'ni dehu y'an t'ele Unde Kamilen aa y'in ele a kine kay. <sup>9</sup> Raa y'inni wolliyo kine ti

kane pay miŋ kaŋ soo: kono kane an ziipe addaŋ a Isa, Raa yi'n ize addaŋ kamileŋ a dfaanadí me. <sup>10</sup> Wo aŋkenj moo me kun dehu kun di lette adde Raa, kun an di zaape attidí ki daaniya k'oogoro Muusa a ekki sanalliyagi k'Isa me, attidí wede moŋgidaginj toŋ an k'iine sarkiya ye, wo kine toŋ maŋ in k'aane ye kay? <sup>11</sup> Aha, i k'ise ye injino me. In ambo miŋ t'urzi beeko ere ki Galmeega Isa kine Yawudiyagi in uune uttiyo, wo a kane toŋ injino pây.»

<sup>12</sup> Aame kane doŋ duuru pay geŋ an illiga injino maŋ, an d'inda kuy, wo an d'ollige Pool ti Barnabas an tôwwo taaya a suldí k'armika ti suldí doŋ i ceeriyo eego Raa y'ize t'urzi kane a diine doŋ Yawudiyagi ye.

<sup>13</sup> Aame onamaŋ i diŋge maŋ, Zak y'a iise rootiyo, y'ede: «Zemba ki nuŋ, kun ollo kay! <sup>14</sup> Simo y'in ruute mummino t'ume k'eesiyo Raa y'a buuhe doŋ Yawudiyagi ye me, kono yi-beere ti diine kane an t'ise doŋ ti suma yode. <sup>15</sup> Wo ono nebiyagi toŋ a-t'iide a suldí geŋno, kono ono eŋ an riŋe ti kaaga adda mattup ki Raa, an'de:

<sup>16</sup> “Galmeega y'ede: Saŋ maŋ nuŋ n'a kimo n'a y'ooziga boy Dawut wede iire me, suldí pay i litte geŋ n'an okkima n'a y'ooziga a umayí.

<sup>17</sup> Injino maŋ doŋ pay ti doolo toŋ an di deha nuŋ Galmeega,  
eyye ita doŋ siido pay ni wiiko an t'isa doŋzó.  
Eŋno ono doŋ Galmeega yi ruute me.



18 Suldfi geŋ yoŋ y'an ti'n gize t'ume ti kaaga too\*.”»

19 Zak y'a ruute sey, y'ede: «Enno munda wede ni wolleiyo beehiye me, in an ki t'ise ye mukkolo morkiye a kane doŋ Yawudiyagi ye igime ki tukki Raa. 20 Wo in an raana mattup kono in an di roote, an k'aadi ye sey wede an eliyo sefeke a loŋayi me, kono a daana Raa yoŋ ganigi, boliyo toŋ ulu an d'ooli, an k'aadi ye sey wede ki seysu inda puuzadi ti k'udde ye me, ise puuzo toŋ ulu an k'oomi ye. 21 In an raana inkiŋo kono ti kaagine duwo an kazita urzi k'oogoro Muusa adda geegiryagi pay, wo an gariya adda boydi doŋ in di dooyiso a onniytagi doŋ ki puukiyadiŋ me.»

### *Mattup a zemba doŋ Yawudiyagi ye*

22 Inkiŋo maŋ doŋ zina k'Isa, doŋ dokkiyo ti doŋ pay ogiyo ti suma k'Isa, kaŋ soo an di biire ti diinayan duwo an ti'n t'igibe a ita Pool ti Barnabas ki Antiyos siido Siiri. Maŋ an t'iidiba Ziid sundi soo Barsabas, wo Silas, kane geŋ doŋ suma, zemba pay an'ni suune. 23 An an d'ele mattup gette a beezan, wo adda mattup an riije, an'de:

«Kaye doŋ zina k'Isa, doŋ dokkiyo ti zemba pay ay un t'ize toose a kune zemba doŋ Yawudiyagi ye i lekkiyo a geeger k'Antiyos, a siido Siiri wo a siido Silisi. 24 Ay illiga doŋ ede ti diinayey, an t'iide di kune. Kane doŋ geŋ an un ti-digge eggun te, wo an un di'n ele adda

---

\* **15:18** 15.18 Kun wollo adda mattup ki Amos 9.11-12.

k'elkiso ti onamanj genj me, biza k'ulbugunj a-gime. Wo de kaye ay an ki ruute ye an d'ise injkino me. <sup>25</sup> Injkino manj kaye pay ay di ruute kanj soo ay biire duwo ay di'n t'igibe ki tukki kune a ita zamba donj ki geyyiso Barnabas ti Pool, <sup>26</sup> kane donj ele tuddanj k'unto tonj manj kono an daaniya suma Galmeejinj Isa Almasi. <sup>27</sup> Injkino ay un t'igibe Ziid ti Silas, an un di rootey ti biza nj munda wede ay un riine adda mattup ette. <sup>28</sup> Genj injkino t'urzi k'Unde Kamilenj, kaye batum ay un ki zaape attidi ti doolo ye, wo kun daano munda wede ay un riine adda mattup: <sup>29</sup> Sey wede an eliyo sedeke a longayi kun aadi ye, puuzo tonj ulu kun oomi ye, sey wede ki seysu inda puuzadi ti k'udde ye kun aadi ye, ise boliyo tonj ulu kun d'ooli. Aame suldi pay genj kun iila manj, a kune beehiye. Kaye zembaganj a enno ay un t'ize toose baadanj.»

<sup>30</sup> Mattup gette an an d'ele a donj an biire, manj kane an d'ingile ki Antiyos. An iiney manj an di'n ugiye donj i ziipe addanj a Isa genj pay, mattup gette an an d'ele. <sup>31</sup> Aame mattup gette an ti gire manj, onamtuj genj zamba an d'eele kooke wo ulbanj an t'ize unse baadanj. <sup>32</sup> Ziid ti Silas genj kane nebiyagi, a zamba an an d'eele kooke t'urzi baadanj kono an di koone zakidi a urzi zaapu k'addanj a Isa. <sup>33</sup> An di likke onniyto baadanj an genj me, sanj manj zamba an di'n igibo wo an di ruute, an'de: «Kun di-kama ti toose k'ume donj un igibo me.» [ <sup>34</sup> Wo Silas genj i-di t'ize unse, y'a lekke me.] <sup>35</sup> Aame genj Pool ti Barnabas an d'uupo a Antiyos, ti zamba baadanj ongo an di

dooyiso wo an di kazita Rabila Majjaanawa a urzi k'ono Galmeega.

### *Âhuntu ki Pool ti Barnabas*

<sup>36</sup> Onniyto miibi k'ita maŋ Pool yi di ruute Barnabas, y'ede: «In ti kime k'ita, in di wollo zemba adda geegiryagi pay doŋ in an gizito ono Galmeega, an isiyo mummino koo maŋ a urzi Raazaŋ me.» <sup>37</sup> Barnabas yi dehu y'a di waake Zaŋ wede sundí soo Markus ti kane. <sup>38</sup> Wo de ki Pool maŋ yi ki dehu Zaŋ yi k'ette ye ti kane me, kono yoŋ ti siido Pampili y'an di'n iilo, a naabadaŋ y'an ki'n nuugo ye. <sup>39</sup> A ume geŋ niikiytadaŋ t'a guune zakidí, in kino an a-t'ihinte. Barnabas y'a wiike Markus an di-gili adda tooko, an d'ingile ki siido Siipire. <sup>40</sup> Wo Pool y'a-wiike Silas, maŋ zemba an tunde Galmeega kono beekadí t'a koone kane, saŋ an d'ingile. <sup>41</sup> Pool y'an izire siido Siiri ti Silisi pay, y'an d'eeliyo kooke a doŋ ogiysito ti suma k'Isa a ume tuuku toŋ maŋ.

## 16

### *Pool y'a-ti wiike Timote ti kane*

<sup>1</sup> Saŋ maŋ Pool y'a t'iide Derbe wo soŋ ki Listire. A ume geŋ i d'ede sanallusu k'Isa sundí Timote, meedí tod'te Yawudowo ti ziipe addutú a Isa, wo meegí yoŋ Girek. <sup>2</sup> Yo Timote zemba doŋ i lekkiyo a Listire ti Ikoniyoŋ an yi tamma. <sup>3</sup> Pool yi dehu y'a ti y' waake ti yode. In kino maŋ yi di wilda ponde kono Yawudiyagi doŋ i lekkiyo a siidiyagi geŋno geŋ an zuune pay meegí yoŋ Girek me. <sup>4</sup> Aame Timote yi-ti wilda ponde

maɲ, an d'ettiyo geeger ti geeger, an an di kazita a zemba doɲ i ziipe addaɲ a Isa, munda wede kane doɲ zina k'Isa ti doɲ dokkiyo a Zeruzalem an dihe, wo kane an an di rootiyo an d'ozire eego a munda geɲ me. <sup>5</sup> Wo kane doɲ ogiysito ti suma k'Isa geɲ an d'ooniyo toogo baadaɲ a urzi zaapu k'adde a Isa me, wo onniyo ti onniyo an d'aagulu k'aagulu.

### *Pool i iide munda aa suniye*

<sup>6</sup> Saɲ maɲ tinj geɲ an dehu an t'ette ki siido k'Aazi an kizitey ono Raa, miɲ Unde Kamilen t'an t'iigire k'ettiyo me. Inkiɲo an d'ingile, an di diipida siido Pirizi ti Galat. <sup>7</sup> Aame an iiney gopponj ti siido Mizi maɲ, an dehu an t'ette siido Bitini, wo ki ume geɲɲo tonj Unde k'Isa t'an di-tuuge k'ettiyo me. <sup>8</sup> Inkiɲo maɲ siido Mizi an ti diipida, an d'ingile ki biza bar ki geeger Tirowas. <sup>9</sup> An di-d'iige angeɲɲo, a diddo maɲ Pool i-d'iide munda aa suniye, yi wolliyo wedusu ti siido Maseduwan yi t'ihira a daanadi wo yi di y' tondiyo t'obe bey, y'ede: «Ki ti doopidi t'enno ki siido Maseduwan, k'ay di-noogey kotok!» <sup>10</sup> Aame Pool yi wulle munda wede i-iide aa suniye geɲɲo maɲ, kesiko kaye\* ay dihe urzi k'ettiyo ki Maseduwan kono kaye ay zuune Raa y'ayni waaku ay di kizitey Rabila Majjaanawa a doɲ siido gettiyo.

### *Pool yo a geeger ki Pilip*

<sup>11</sup> Ti Tirowas geɲ ay d'uune tooko ay di-gili, ay d'ingile delele ki siido ere a diine k'ahu sundutu

---

\* **16:10** 16.10 A ume wede Lik yi riinje kaye kaye geɲ, i-kaza yode tonj adda.

Samotiras, wo soggo maŋ ay d'iiney a biza bar ki geeger Nayapoli. <sup>12</sup> Ti Nayapoli ay d'ingile ki Pilip, tod'te geeger meeda ki siido Maseduwan, doŋ Romen baadaŋ an lekkiyo adda. Adda geeger gette ay di likke onniyto. <sup>13</sup> A onniyo ere ki puukiyo Yawudiyagi maŋ t'adda geeger ay t'udfe, ay d'ingile biza k'ooye, ay elkiyo ay t'ooney ume Yawudiyagi ge d'ogiyso ki tonديو Raa. A ume geŋ ay d'uuney erayi an t'ugiye, kaye toŋ ay di gundite ti kane wo ay an di gizite ono Raa. <sup>14</sup> Erewo soo ti diinayaŋ sundutú Lidi, tod'te ti geeger Tiyatir, tod' t'isiyo suuk ki juwa zooyatú oŋe wo tod' t'ottilso a Raa. T'ay di'n ollige kofec kofec wo Galmeega yi-d'ize adda k'addutú, ono Pool geŋ itadaŋ t'anni zuune, t'a ziipe addutú a Isa. <sup>15</sup> Saŋ tod' t'a-zuyye batem ti doŋ boytú pay, maŋ t'ay di'n wiike kino, t'ede: «Aame kun zuune nuŋ ni ziipe addó a Galmeega ki kotto maŋ, kun t'edi kun lekka di nuuno.» Wo tod' t'a ziida zakidi, ay d'iyye.

### *Pool ti Silas adda dangay a Pilip*

<sup>16</sup> Onniyo soo ay t'ette k'ume tonديو Raa maŋ, i d'ede uto koŋso bulowo t'ay di'n uuna, tode gette i-d'ede siitan ettú ti di kazita suldi doŋ etto. A munda wede t'an oofibe ita a duwo geŋ, galmaawutú an d'ooniyo soŋko baadaŋ. <sup>17</sup> T'a iise daaniya Pool ti kaye, ti rootiyo ti golla awwa, ti d'eesiyo: «Doŋ eŋ kane doŋ naabo ki Raa goole a jiiire pay! An un kaza urzi wede Raa yi dehu y'un di'n utte.» <sup>18</sup> Onniyto baadaŋ tod'tiŋ a ita kane, maŋ onniyo soo Pool addí a-tiire, y'a-gime k'ita wo yi-di ruute a siitan ere

a ekki erewo gette, y'ede: «Ti suma ere k'Isa Almasi ni di rooto, mi t'addfo t'ekk'erewo te!» A kaamiki siitan t'a t'udfde t'ekk'erewo te. <sup>19</sup> Aame galmaawutú an wolliyo munda wede an ziipe elkiyadan ekki tode an k'ooniyo ye baa man, an ti'n zidde Pool ti Silas, an d'an t'iide ki bere don duuru a daana don booro. <sup>20</sup> An d'an t'iide k'ume don deero booro Romen, an di ruute, an'de: «Kane duwo en Yawudiyagi wo an ti lettiyo siifadey. <sup>21</sup> An dooyiso urzi k'oogiradan, suldi don kaye Romen ay k'ede urzi ay ki d'oyye, ay ki daane ye.»

<sup>22</sup> Wo kane don duuru pay i t'ugiye gen an d'iizi gulkuwo ti Pool wo Silas, wo kane deero booro Romen an an di ruute, an'de: «Kallagan kun t'odfipo wo kun'ni kosso ti karre.» <sup>23</sup> Aame an ti'n girpipe man, an di'n ibi dangay, wo an i-di ruute a wede boohiyo don dangay, an'de: «Don en ki'ni booho koduwo.» <sup>24</sup> Aame wede boohiyo an i ti ruute inkino man, kane gen y'an d'an t'iide k'adda dangay ere k'adda wo zonfan yi-t'ele adda poole.

### *Wede boohiyo don dangay yi ziipe addi a Isa*

<sup>25</sup> A didfo meeda man Pool ti Silas an ton-diyo Raa, an d'oro an tamma Raa, wo don dangay ti doolo an di'n ollige. <sup>26</sup> A kaamiki, siido t'a iise nonjirso, mongali don k'eesiyo boy dangay a nunjire, wo boha bindani pay ton a kaamiki a t'ihinte wan wan, wo zinziiri a zon don dangay pay a-dimbe. <sup>27</sup> Man wede boohiyo gen y'a iddira, y'a t'inne, yi wolliyo boha ohinte wan wan, y'elkiyo don dangay an t'umbe. Inkino

man y'aa t'iidfiba seebir, yi dehu y'a-kiira tuddí.  
<sup>28</sup> Wo Pool y'a idili ti golla awwa, y'ede: «Ay! K'oolo, ki k'iira tuddá ye. Kaye pay ede.»  
<sup>29</sup> Inkino man wede geŋ y'a tunde, y'ede: «Kun oo k'eeli biŋge d'fo.» An i eelo man, kesiko yi-t'iide k'adda, yi ŋoŋŋirso burbur, y'a iire a zoŋ ki Pool ti Silas. <sup>30</sup> Saŋ man t'adda dangay y'an di'n ud'de wo y'anni tunde, y'ede: «Kune'ŋ, n'aase mummino n'a t'oone uttiyo te?» <sup>31</sup> Kane an i-di ruute, an'de: «Ki zaapo addá a Galmeega Isa wo k'a t'oona uttiyo, kee ti doŋ boozá pay.» <sup>32</sup> Man an i-di gizite ono Galmeega a yode wo a doŋ adda boozí pay. <sup>33</sup> A peedo gettiyo batum a did'do meeda, wede boohiyo y'a ti'n wiike y'an t'upile kundayzan, man a kaamiki an ti y' zuyye batem, yode ti doŋ adda boozí pay. <sup>34</sup> Saŋ man Pool ti Silas y'an d'an d'aahe boozí y'an d'eele ombó, wo yoŋ ulbí unse baadan ti doŋ boozí pay kono an ziipe addan a Raa.

<sup>35</sup> Wo aame ume i t'umpile man, deero booro Romen an d'igibo guumiyagi an i-di ruute wede boohiyo, an'de: «Ti dangay k'an ad'de Pool ti Silas me.» <sup>36</sup> Man wede boohiyo y'a iide yi di ruute a Pool, y'ede: «K'ollo, deero booro an igibo an'de, n'un ti'n ad'do. Anken kun t'ad'do, kun engilo ti toose.» <sup>37</sup> Wo Pool y'an di ruute guumiyagi, y'ede: «An ay di'n gusse a daana d'uwo pay daa k'ollige k'onamey min, para man kaye'ŋ doŋ ti siidfo Romen. An ay di'n ibi dangay, wo anken an dehu an ay d'eeze kan ombide man, i k'ise ye. Inkino man edi kane batum an ay di'n ad'da.» <sup>38</sup> Man guumiyagi an

iide'η, an an di ruute a deero booro in̄kino. Aame an zuune kaciη Pool ti Silas kane d̄oη ti siido Romen̄ too maη, orgiso t'anni ziida. <sup>39</sup> In̄kino kane batum an d'iide an an t'ize tambobino, maη ti dan̄gay an di'n ud̄de wo an an di ruute, an'de: «T'adda geeger kun t'addo.» <sup>40</sup> Aame ti dan̄gay an t'ud̄de maη, Pool ti Silas an t'iide ki boy Lidi, a ume geη an ti'n wulle zemba d̄oη i ziipe addaη a Isa wo an an d'eele kooke, saη an t'iiziga an d'in̄gile.

## 17

### *Pool ti Silas a geeger Tessaloni*

<sup>1</sup> Pool ti Silas an in̄gile ti geeger Pilip maη, an t'ud̄de ti geeger k'Ampipoli ti Apoloni. Maη an d'iiney a geeger Tessaloni, a ume geη i d'ede boy wede Yawudiyagi ge dooyiso. <sup>2</sup> Wo Pool aa yi d'isiyo daayum, y'a t'iide k'adda boy geηno. Adda suuk ādo geη a onniyo ere ki puukiyo Yawudiyagi maη, an di niikutu ti kane d̄oη adda a urzi k'ono d̄oη an riije ti kaaga adda mattup ki Raa. <sup>3</sup> Pool y'an di kazita y'an di sekiηso kereη, yi d'eesiyo: «Mattup ki Raa ti ruute, i dehu Almasi y'a dabira, y'a t'inda, wo y'a-balda ti diine d̄oη unto me. Wo Almasi Raa yi biire geη, yoη Isa wede n'un kazita.» <sup>4</sup> I d'ede Yawudiyagi ongo ono geη an'ni ziida, an a-t'iide a ita Pool ti Silas. Wo d̄oη Girek baadaη an ottilso a Raa, ti erayi baadaη d̄oη sundaη ti m̄olo toη maη, an a-t'iide ti kane.

<sup>5</sup> Wo de kane Yawudiyagi d̄oη i ki ziipe addaη a Isa ye, an di gulbika baadaη. In̄kino maη an



iide'η an di wiiko d'ofη bita i derilsito a urziyagi gen, an d'iide baadan, an an t'elite ono an d'iise tarkuuse. Saη an t'iide ki boy Zason kono Pool ti Silas an ti'n sed'fe, an an di'n t'ette ki daana d'ofη duuru. <sup>6</sup> Wo d'e an ki'n uune ye, in'kino maη an di ziida Zason ti zemba miibi d'ofη i ziipe addan a Isa. An d'an t'iide daana d'ofη deero ki geeger, wo an d'iise d'ollite, an'de: «Kane d'uwo eη d'ofη duniya pay an ti'n digge, an'ken an iina di kine! <sup>7</sup> Zason y'a ti'n ziida di yode, wo kane d'ofη pay gen an ki dehu an ki daane oogoro ki mozigo goole ki Romen ye, an'de i d'ede mozigo goole ti doolo ede, sundi Isa.» <sup>8</sup> Aame d'ofη duuru ti d'ofη deero ki geeger an illiga ono genno maη, addan a litte. <sup>9</sup> In'kino maη kane d'ofη deero gen an di tunde munda, maη Zason ti zemba ongo an d'iidi beezan an an d'ele doo miη, an an d'iize kollo.

### *Pool ti Silas a geeger Beere*

<sup>10</sup> A did'fo maη kesiko zemba an di'n unzile Pool ti Silas me, an d'ingile ki geeger Beere. Aame an iiney maη an t'iide k'adda boy wede Yawudiyagi ge dooyiso. <sup>11</sup> Kane Yawudiyagi d'ofη a Beere gen elkisadan ede a jiire d'ofη a Tessaloni, an d'ollige Rabila Majjaanawa t'adde soo. Onniyo ti onniyo an di gariya ono d'ofη an riije ti kaaga adda mattup ki Raa, kono an dehu an di suune ono Pool yi rootiyo gen d'erec kunuη, mummino me. <sup>12</sup> D'ofη baadan ti diinayan an di ziipe addan a Isa, wo erayi d'ofη Girek sundan ti mōolo ti kuuli baadan pây, an di ziipe addan a Isa.

13 Wo de aame Yawudiyagi don ki Tessaloni an illiga Pool yi kazita ono Raa a geeger Beere man, an d'iido an an t'elite ono a don duuru, an d'iise tarkuuse angenno ton man. 14 Kesiko zemba don i ziipe addan a Isa an di y'igibe Pool ki biza bar, wo Silas ti Timote an d'uupe a Beere. 15 Zemba don iide agisa ki Pool gen, an aa y'igibo bini geeger ki Aten. Wo aame an iiney man, y'an di ruute a don k'agisadi, y'ede: «Aame kun ti gima man, kun an di rootoy an kan Silas ti Timote gen, kesiko an di'n t'oono a enno.» Man kane an digime ki Beere.

### *Pool yo a geeger ki Aten*

16 Aame Pool yi delliyo Silas ti Timote a Aten gen, yi woliyo man geeger gette i t'uune ti longayi danjal, man i ki d'ize unse ye, addi a litte. 17 Inkinno man yi d'ettiyo k'adda boy wede Yawudiyagi ge dooyiso, an di niikiyto ti Yawudiyagi wo ti don Yawudiyagi ye an ottilso a Raa. Wo a bere don duuru ton, an di niikiyto daayum ti duwo don i lekkiyo angenno. 18 A ume gen i d'ede don ede kane don suuniyo k'ono, ongo an daaniya ita wede suuniyo k'ono sundi Epikuris\*, ongo a ita wede suuniyo k'ono sundi Zeno†, an di niikiyto ti Pool. Wo yo yi kazita Rabila Majjaanawa k'Isa wo a urzi baldiyadi.

---

\* **17:18** 17.18 Epikuris: Yon wede suuniyo k'ono Girek y'inda a ozzine 270 ki poone Isa an di y' t'eha fotto, a itadi sanalliyagi baadan. Kane a lekkiyadan dabar gette an ki ti dehu ye, wo an elkiyo munda wede ettiyo a morkiye genno i dokkiyo duniya me. † **17:18** 17.18 Zeno: Yon wede suuniyo k'ono Girek y'inda a ozzine 265 ki poone Isa an di y' t'eha fotto.

Aame ɗuwo an illiga in̄kino maŋ, ɗoŋ oŋgo an di ruute, an'de: «Yi bakkiya toŋ moo me?» Wo ɗoŋ oŋgo an'de: «Yi kazita ono raayagi ɗoŋ a siido kine ye.» <sup>19</sup> In̄kino maŋ an ti y' wiike an di-t'iide k'ekki mukkolo ere daayum ɗoŋ deero siido an tōwwo onamaŋ, wo an di ruute, an'de: «Urzi k'onamá ki dooyiso aware eŋ, kaye ay di suune itadaŋ ko?» <sup>20</sup> Kee k'ay kazita sulɗi ɗoŋ ay ki'n suune ye, wo aŋkeŋ ay dehu ay di suune koduwo i-kaza munda me.» <sup>21</sup> An rootiyo in̄kino kono ɗoŋ geeger k'Aten pay ti torgagi ɗoŋ i lekkiyo adda siido toŋ, an lekkiyo ti tōwwo taaya ɗaŋŋal wo a ollige ki rabila ere aware.

<sup>22</sup> In̄kino maŋ Pool y'a t'iiziga a ɗaana deero ɗoŋ siido, wo y'an di ruute y'ede: «Kune ɗoŋ geeger k'Aten no, a sulɗi pay geŋ ni wolliyo maŋ kun seedu zakid'i miŋ a urzi raayaguŋ. <sup>23</sup> Aame ni sooru adda geegirguŋ ette ni wolliyo sulɗi baadaŋ aa raayaguŋ ɗoŋ kun d'ottilso eego, wo ni wulle ume seɗeke soo geŋ raaniya eego'ŋ: "Ki raayusu wede in ki y' suune ye." In̄kino maŋ kun ollo, nuŋ n'un di kaza ono ki raayusu wede kun i-d'ottilso wo kun ki y' suune ye eŋŋo. <sup>24</sup> Raa wede ikkima duniya ti sulɗi pay ɗoŋ adda geŋ, yoŋ Galmeega ki kandaane ti siido. Yoŋ yi ki lekkiyo ye adda boyɗi ɗoŋ ɗuwo an okkime ti bezaŋ me. <sup>25</sup> Wo yi ki dehu ɗuwo an i gi di naabe ɗo ye, yoŋ munda tuuku toŋ yi ki dehu ye, kono yode ɗaŋŋal wede in eliyo puukiyo ere in di lekkiyo ti sulɗi ɗoŋ pay me.

<sup>26</sup> Wo yoŋ Raa yi d'ikkima wedusu soo, wo t'urzi yode geŋ ita ɗuwo pay ette t'a iido kono an

di lekke a siido pay. Ozzine y'a ti y' d'ikkida, wo y'an t'ihinte yirwagi ki siidiyagi don an di lekka.

<sup>27</sup> Raa y'ize inkino kono duwo an di y' dehe, kan totirso ton man an di y' t'oone, kono gen ki kotto yon dokki ye ti wede tuuku ti diinayin me. <sup>28</sup> Gen ono en in suune:

“T'urzi yode kine in di puukiyo, in di sooru, wo in di lekkiyo‡.”

Aakede don suuniyo k'ono ongo ti diinagan ton an'de:

“Kine in iido ti Raa§.”

<sup>29</sup> Inkino aa kine in iido ti Raa gen, in ki d'elke Raa aa yon longusu wede duwo an okkime ki dap, ki maala gurus ise ki mongali ti tirdikadan genno ye. <sup>30</sup> Aha inkino ye, ti kaaga duwo Raa an ki y' suune ye, wo y'a dihe yi-ki ti'n t'ele dangay ye. Wo anken yi waaku duwo pay t'ume tuuku ton man an di-kime lekkiyadan. <sup>31</sup> Gen Raa yi biire onniyo soo y'a-d'ekka booro a don duniya pay, wo y'isiyo inkino t'urzi wede ede yi biire a d'ekka booro ere ki diine me. Yon gen wede y'a ti y' bilde ti diine don unto, gen munda wede i-kaza yode gen wede Raa yi y' biire.»

<sup>32</sup> Aame don i t'ugiye gen an illiga Pool yi ruute a urzi k'unto ti baldiya man, don ongo an d'iise okko maadayi wo don ongo an i di ruute, an'de: «Kaye ay dehu sonno man onaman gen ay di'n olliga ki koduwo kollo.» <sup>33</sup> Inkino man Pool don i t'ugiye yi'n iili, y'a ingile. <sup>34</sup> Wo don ongo an aa

---

‡ **17:28** 17.28 Ono en i'ni ruute'η wede i-d'ede ooro adda k'addi, yon Girek sundi Epimenid. § **17:28** 17.28 Ono en i'ni ruute'η wede i-d'ede ooro adda k'addi, yon Girek sundi Aratos.

t'iide ti yode, an di ziipe addan a Isa. Ti diinayan Denis, yon wede ti diine deero siido, wo erewo sundutu Damaris, wo don ti doolo ton ede.

## 18

### *Pool yo a geeger Korent*

<sup>1</sup> San man Pool ti Aten y'a t'iiziga, y'a t'iide geeger Korent. <sup>2</sup> A Korent gen yi d'uune Yawudusu sundi Akilas an y'ehe a siido Pontus, wo y'aaniya ti siido k'Itali kane ti eddi sundutu Pisisil, kono Kilood mozigo goole ki Romon yi d'ize oogoro a Yawudiyagi pay an t'adde ti geeger Room te. Man Pool y'a-ti giyye ti kane. <sup>3</sup> Wo yon naabadi aa ki Akilas gen, yi lekkiyo ti kane an di naabiya yeppiyo tanda ki bindani ti kane kan soo. <sup>4</sup> Daayum a onniyo ere ki puukiyo Yawudiyagi man, Pool yi-t'ettiyo yi kazita adda boy wede Yawudiyagi ge dooyiso, yi niikiyto ti Yawudiyagi wo ti don Girek, wo yi dehu an dikimo a urzi k'ono Raa.

<sup>5</sup> Aame Silas ti Timote an iina ti Maseduwan man, Pool y'a iili peefadi pay a kazita k'ono Raa, y'an di kazita a Yawudiyagi, y'ede Isa yon Almasi Raa yi biire. <sup>6</sup> Wo kane Yawudiyagi an di-tuuge, an d'iise kalditadi. Inkiyo man Pool y'a-rittige kallagi wo y'an di ruute, y'ede: «Nun sibe ti gollado ni ti y' dikke puuzagan t'ooa a eggun, nun adda ye. Ti anki en nun ni t'ette ki tukki don Yawudiyagi ye.» <sup>7</sup> Man Pool ti ume gen y'a t'udde, y'a t'iide di wede sundi Titiyus Zistus, yon gen y'ottilso a Raa, boozu ita waaya ti boy wede Yawudiyagi ge dooyiso me. <sup>8</sup> Aame gen

goole boy wede Yawudiyagi ge dooyiso, sundí Kirisipus, y'a ziipe addí a Galmeega ti dɔŋ boozí pay. Doŋ geeger Korent dɔŋ illiga ono Pool toŋ, baadaŋ an di ziipe addaŋ a Isa wo an di zuyye batem.

<sup>9</sup> Onniyo soo a didɔɔ maŋ Pool i-d'iido munda aa suniye, wo Galmeega yi di ruute, y'ede: «Kee k'orgide ye a dɔŋ eŋ me, ki kazita ono Raa me k'anniga ye. <sup>10</sup> Nuŋ ti kee, wenda soo toŋ y'a-ga da botta ye k'isiyo k'ulsu me, kono adda geeger ette nuŋ dɔŋzó'ŋ baadaŋ.» <sup>11</sup> Inkiŋo maŋ Pool y'a likke adda geeger Korent ozzine ti tere zoot, y'a duuyite ono Raa a dɔŋ pay.

### *Pool a daana goole siido Galiyoŋ*

<sup>12</sup> Aame Galiyoŋ yoŋ Romen goole siido ki Akayi geŋ, kane Yawudiyagi an di gitte onamaŋ kaŋ soo an di seeda Pool. An yi ziiɔa maŋ, an di-t'iide k'ume deero booro, <sup>13</sup> wo an di ruute, an'de: «Wede eŋ yi ti'n argu duwo an d'ottile a Raa t'urzi wede ti doolo aa ki oogoro ti ki rootiyo ye.» <sup>14</sup> Para'ŋ Pool yi dehu y'a t'ihina bizi y'a roote, miŋ Galiyoŋ y'an di ruute, y'ede: «Kune Yawudiyagi no, aame wede eŋ y'ize munda wede ulsu, koo ise yi ti daggiya duwo maŋ, kesiko booro n'un t'ise. <sup>15</sup> Wo de kun niikiyto a urzi dooyiso, a sumbiyagi duwo wo a urzi k'oogiraguŋ maŋ, geŋ a wollo kune baa, nuŋ ni k'aane ni ki koone booro ki sulɔi geŋno ye.» <sup>16</sup> Wo t'ume booro Galiyoŋ y'an di'n igibe. <sup>17</sup> Inkiŋo maŋ kane dɔŋ duuru geŋ, goole boy wede Yawudiyagi ge dooyiso sundí Susten, an di

y' ziidfa, an di y' gusse a daana don booro, wo de Galiyon y'a t'iidiba eedí.

*Kama ki Pool k'Antiyos siido Siiri*

<sup>18</sup> Pool y'a likke onniyto baadan sey a Korent me, san zemba yi'n iili, y'a t'iide biza bar ki geeger Sanjire, an a-giyye ti Pirisil wo Akilas. A ume gen eedí y'a-gúuke, kono yi ruute yi-d'isa munda a Raa wo anken y'a ti dinge baa\*. San an di-gili adda tooko, an d'engile ki siido Siiri.

<sup>19</sup> An iiney a geeger k'Epez man, Pirisil ti Akilas Pool yi'n iili angenno, wo yon y'a t'iide k'adda boy wede Yawudiyagi ge dooyiso, an di niikiyto ti kane Yawudiyagi. <sup>20</sup> Kane an di y' tunde y'a-lekke ti kane, miñ yon y'ede: «Aha, nuñ ni ki lekka ye.» <sup>21</sup> Wo y'an di'n iili, y'a ruute y'ede: «Raa yi dehu man, san n'a kimo.» Wo y'a ingile k'Epez ti tooko. <sup>22</sup> Aame Pool y'iiney a geeger Sezare man, y'a t'iide ki poone ki Zeruzalem y'a t'eeso don ogiyo ti suma k'Isa, san y'a-diige ki geeger k'Antiyos siido Siiri. <sup>23</sup> A Antiyos yi likke onniyto miibi, san y'a-gime yi t'udde ti siido Galat, y'a tûukey siido Pirizi, y'an d'eelite kooke a kane pay sanalliyagi k'Isa.

*Apolos a geeger k'Epez ti Korent*

<sup>24</sup> A ume gen i d'ede Yawudusu sundí Apolos, yon an y'ehe a geeger k'Alegzandiri, y'a iina Epez. Yon ono don an riine ti kaaga adda mattup ki Raa, yi'ni suune koduwo wo yi rootiyto beehiye. <sup>25</sup> A urzi Galmeega gen duwo an yi duuye baadan, yi kazita t'adde soo, yi dooyiso ti

---

\* **18:18** 18.18 Kun wollo adda mattup ki Nombire 6.1-21.

derec a urzi k'Isa me, wo yi suune suyyiso batem ere ki Zaŋ d'aŋŋal. <sup>26</sup> Adda boy wede Yawudiyagi ge dooyiso, yi kazita daa k'orgiso ono Raa me. Wo aame Piriŋil ti Akilas an y'illiga maŋ, an ti y' wiike ti kane, an i-di gizite koduwo derec ki Raa te. <sup>27</sup> Saŋ maŋ Apolos y'a dihe y'a t'ette ki siido k'Akayi, iŋkino maŋ zamba an i-d'eele kooke, wo an an di riŋe mattup a sanalliyagi k'Isa a siido k'Akayi kono an di y' seeda bey sire. Aame y'iiney a ummey maŋ, an t'ize beehiye baadaŋ a kane doŋ i ziipe addaŋ a Isa t'urzi beeko ere ki Raa me. <sup>28</sup> Ti Yawudiyagi an di niikiyto, y'an di gize kereŋ t'urzi k'ono doŋ an riŋe ti kaaga adda mattup ki Raa: Isa yoŋ Almasi Raa yi biire. Iŋkino maŋ a elkisadaŋ gette y'an di ruute a daana duwo pay, y'ede: «Kune kun digge.»

## 19

### *Kama ki Pool ki Epez*

<sup>1</sup> Aame Apolos yo a Korent geŋ, Pool yi-t'udde ti siido k'Aazi ere adda moŋgali, y'a iiney Epez. Angeŋ an d'ikkima ti sanalliyagi k'Isa oŋgoŋ, <sup>2</sup> wo y'anni tunde, y'ede: «Aame kun ziipe addugun a Isa geŋ, Unde Kamileŋ kun uune d'ey ko?» Maŋ kane an di'n gime onamí, an'de: «Kaye ay k'illiga ye Unde Kamileŋ ede toŋ maŋ.» <sup>3</sup> Iŋkino maŋ Pool y'anni tunde, y'ede: «Suyyiso batem ere tuuku kun uune te?» Kane an di'n gime onamí, an'de: «Ay uune suyyiso batem t'urzi dooyiso ere ki Zaŋ.» <sup>4</sup> Pool y'an di ruute, y'ede: «Ti kaaga Zaŋ yi zuyye batem doŋ k'Izirayel kono a kize an di-kime lekkiyadaŋ, wo



son y'an di rootiyo an zaapo addan a wede etto k'itadi, yon Isa.» <sup>5</sup> Aame an illiga inokino man, an di zuyye batem ti suma Galmeega Isa. <sup>6</sup> Pool y'an di ziipe bey a eedan, wo an d'uune Unde Kamilen. Inokino man an d'iise orbe t'ono don doolo, wo an di rootiyo ono don Raa y'igibo. <sup>7</sup> Kane pay don i zuyye batem gen kuuli suma koomat makumu sire.

<sup>8</sup> Adda tere ado gen, daayum Pool yi-t'ettiyo k'adda boy wede Yawudiyagi ge dooyiso, yi rootiso daa k'orgiso. Yi kazita urzi Moziko Raa, yi dehu y'an ti'n kimo k'urzi genno don i y'ollige me. <sup>9</sup> Wo de Yawudiyagi ongo an ki dehu an ki y'olliga ye, an di-tuuge ki zaapu k'addan a Isa me, a dooyisadi ere a urzi Galmeega gette an di y'okko maade a daana duwo pay. Inokino man Pool y'an di'n iili, y'a wiike kane sanalliyagi k'Isa, yi di'n dooyiso daayum adda boy ki lokkon ki wede soo sundi Tiranus. <sup>10</sup> Gen y'anni duuye ozzine sire, inokino man kane pay don siido k'Aazi, Yawudiyagi ti don Yawudiyagi ye, an d'illiga ono Galmeega me.

### *Inni Seba kane sarat*

<sup>11</sup> Raa yi d'isiyo suldi k'armika don k'a seeda giggera t'urzi Pool. <sup>12</sup> Inokino man an d'ambu kalle koo ise buude koo man i butte tukki Pool, san an'tiyo an an bottiyo a tukki don k'eeni, man kane gen an d'ooniyo bee, wo kane siitandani ton an t'adfiya ti eedan me. <sup>13</sup> A ume gen i d'ede Yawudiyagi an sooru ti zindan an d'ettiyo ume ti ume, an di lommite siitandani ti tukki don k'eeni. Inokino an di'n nime lommite ti suma

Galmeega Isa pay, a siitandani wede tuuku ton yi d'eesiyo: «Ti suma k'Isa wede Pool yi-kazita, ni rootiyo kun t'addo!» <sup>14</sup> Doŋ isiyo injino geŋ kane inŋi sarat ki Seba, yoŋ Yawudusu ti diine deero doŋ sedefe. <sup>15</sup> Onniyo soo siitan t'an di ruute, t'ede: «Isa ni y' suune, wo Pool ton ni y' suune, wo de kune miŋ kune aŋ wee wee?» <sup>16</sup> Wo wede i-d'ede siitan a eedí geŋ y'a t'iiziga, y'anni zikke, y'iide y'an ti'n tiiza pay kono yoŋ yi jiiire kane, y'an d'ize ulsu, an d'ukkite bontiliŋ t'adda boozí me, tuddaŋ kundayi jerem. <sup>17</sup> A munda wede ize geŋ, doŋ pay k'Epez, Yawudiyagi ti doŋ Yawudiyagi ye an illiga maŋ, orgiso t'anni ziida pay wo an d'imme gooliko ere ki suma Galmeega Isa. <sup>18</sup> Doŋ baadaŋ ti diine doŋ i ziipe addaŋ a Isa an d'ettiyo an t'oodibe addaŋ, wo an tondiyo tambobino a daana duwo pay a oldikadaŋ ere an ize gette. <sup>19</sup> Wo ti diine doŋ i sokiyo d'indoriyo geŋ, doŋ baadaŋ an di ziki mattupiyagi ki d'indoriyagaŋ, an t'igge a daana duwo pay. An di-gize zooye mattupiyagi geŋ suma tamma dupu ada paat\*. <sup>20</sup> Geŋ injino ti toogo ere ki Galmeega, ono Raa i d'ettiyo daana ki daana ti toogo ere i ceeriyo baadaŋ.

### *Tarkuuse baadaŋ a Epez*

<sup>21</sup> Aame sulfi geŋ i t'ingile maŋ, Pool t'urzi k'Unde Raa y'a dihe y'a t'ette Zeruzalem, wo ki poone y'a adde ti siido Maseduwan, y'a tookey Akayi. Wo y'a ruute, y'ede: «N'iiney

---

\* **19:19** 19.19 Aŋki tamma dupu ada paat i-kaza soŋko ŋoŋo ŋoŋo, suma soŋko naabo ki doŋ meeda uto adda piŋe adde k'ozzine.

Zeruzalem maṅ, i dehu n'a aaney a geeger Room pây.» <sup>22</sup> Injino maṅ yi d'igibe ki d'aanadí d'ofɔ noogiyadí sire, Timote ti Erasta an d'ingile ki Maseduwan, wo yode batum y'a likke onniyo miibi a siidɔ k'Aazi me.

<sup>23</sup> Aame geṅ d'ofɔ k'Epez an d'iiziga tarkuuse baadaṅ ki kulkuwo a urzi Galmeega. <sup>24</sup> A ume geṅ i d'ede wede sundí Demetirus, yoṅ wede naabo maala yi d'okkimte boydɔ sunni sunni ki maala gurus, i deeyiso boy wede goole ki raayawa sundutú Artemis†, d'ofɔ pay an d'ottilso. Injino maṅ Demetirus ti d'ofɔ naabadí an d'ooniyo soṅko baadaṅ ti naabadaṅ gette. <sup>25</sup> Onniyo soo y'an ugiye d'ofɔ naabadí ti d'ofɔ an naabiya kaṅ soo geṅ, y'an di ruute, y'ede: «Lanziyagi ki nuṅ, kun suune kine in t'ize d'ofɔ bey miṅ ti naabadiṅ ettiyo. <sup>26</sup> Wo ankeṅ kun ollige wo kun wolliyo munda wede isiyo eṅ me. Yo Pool geṅ d'ofɔ baadaṅ yi'n ti'n kama k'urzi yode, y'an di rootiyo, y'ede: “Raayagi d'ofɔ d'uwɔ an okkime ti beezaṅ geṅ, kane raayagi ye.” Y'isiyo injino a enno d'aṅṅal ye, wo a omagi baadaṅ ki siidɔ k'Aazi pay. <sup>27</sup> Naabo yode gette t'iida ki d'aana maṅ, d'uwɔ an di-kiigira naabadiṅ te, wo naabo kine d'aṅṅal ye, an di kiigira boy raayawa ere meeda sundutú Artemis, a t'isa aa munda ki bita. Injino maṅ meedikatú t'a dagga, tod'te raayawa ere d'uwɔ pay adda siidɔ k'Aazi an i-d'ottilso, wo adda duniya pay ette.»

---

† **19:24** 19.24 Artemis: Tod'te raayawa a geeger k'Epez. Duwo an i di sappa bere kono suldi d'ofɔ an derku geṅ t'an di'n ehiyo beehiye, erayi an d'ehiyo wo maaladaṅ tonṅ ti d'aagulu.

28 Aame kane don naabo pay an illiga ono don Demetirus yi ruute genno man, an di kulkuwe, an d'iise dollite, an'de: «Raayawa Artemis ki don k'Epez, tod'te meeda!» 29 Tan boolon man don duuru eedan t'a iide, kane don geeger pay gen an di gulkuwe, wo an ti'n zidde Gayus ti Aristarko me, kane ti Maseduwan, an iido ti Pool kan soo. An d'an t'iide ki bere don duuru‡. 30 Inkinon man Pool yi dehu y'a ette ki daana don duuru y'a rootey ono, wo kane sanalliyagi k'Isa an i di-tuuge. 31 Wo kane lanziyagi Pool gen, don deero ki naabiyagi adda siido k'Aazi ton, an i-d'igibo a yode an'de, y'etta ye ki bere don duuru me.

32 A ume gen a iizi tarkuuse baadan sey adda diine don duuru me, don ongo an dollite kenno, don son an dollite k'ummey, wo don ongo baadan urzi an ugiye ki munda ton an ki suune ye. 33 Inkinon man i d'ede wede sundi Alegzandire, yo kane Yawudiyagi ongon an di y'naayu ki daana y'a roote ono a duwo, wo don ongo ti diine don duuru an i di t'iide taaya a urzi k'ono genno. Inkinon y'an d'ize likuw ti beezi, yi dehu y'an di roote a don duuru gen me. 34 Wo de aame kane don k'Epez gen an zuune Alegzandire Yawudusu man, an d'iise dollite pay onaman kan soo suma peedo sire, an'de: «Raayawa Artemis ki don k'Epez, tod'te meeda!»

35 An idilti kee man, i d'ede wedusu yon wede raaniya ki suldi pay adda geeger gen, y'a iine y'an inniga, wo y'an di ruute, y'ede: «Kune don

‡ 19:29 19.29 Bere don duuru k'Epez yon goole, y'ambe duwo suma dupu ada sire makumu pide.

k'Epez geŋ, d'uwu pay an suune kine d'oŋ geeger k'Epez, kine d'oŋ boohiyo boy k'Artemis tod'te meeda, wo ki mukkilsatú ere iiro ti kandaane. <sup>36</sup> Geŋ wenda soo toŋ a niike umbo, in'kino maŋ kun t'asso wo kun t'elko kod'uwu a munda wede kun dehu kun d'ise me. <sup>37</sup> Duwo eŋ kun ti'n zid'do keŋŋo, an un k'uugiro munda t'adda boy raayawa ye, wo an ki gildite raayawa kine ye. <sup>38</sup> Wo aame Demetirus ti d'oŋ an naabiya kaŋ soo geŋ an d'ede ono a tukki wenda maŋ, onniyo booro ede, an d'ette k'ume d'oŋ dekkiyo booro, an an di t'ide taaya. <sup>39</sup> Wo un d'ede munda ti doolo toŋ maŋ, an di tonde d'oŋ duuru d'oŋ i woliyo urzi k'oogoro, an di'n okkima ono me. <sup>40</sup> Aame kun k'ooli ye maŋ, in t'oona ono, Romenŋ an t'eesa kine in kulkiso ti kane a ogiyo ere aŋki ette. In'kino a ogiysadiŋ ette urzi in ki t'oona ye, in an di roota addaŋ a-t'assa me.» Aame wede geŋ y'a ti diŋge onamí maŋ, y'an di ruute a d'oŋ duuru, y'ede: «Kun ti teepo.»

## 20

### *Pool yo a Maseduwan wo a siido Gires*

<sup>1</sup> Aame d'oŋ k'Epez kulkuwadaŋ i t'isse maŋ, Pool sanalliyagi k'Isa y'an ugiye y'an d'eele kooke. Maŋ y'an t'ize toose, yi'n iili, y'a ingile ki siido Maseduwan. <sup>2</sup> Aame yi doopid'e Maseduwan geŋ, sanalliyagi d'oŋ y'ooniyo a daanadí, y'an d'eeliyo kooke baadaŋ. Saŋ y'a iiney a siido Gires, <sup>3</sup> aŋgeŋ y'a likke tere ad'o. Saŋ maŋ y'a dihe yi di kili adda tooko, y'a eŋgile ki siido

Siiri, wo maŋ y'a illiga kane Yawudiyagi an i-t'ikke a urzi. Inŋkino maŋ y'a dihe y'a-tooye y'a adde ti Maseduwan. <sup>4</sup> Kane d'ɔŋ a itadí geŋ, kane Sopater ulo ki Pirus ti geeger Beere, Aristarko wo Segondus ti geeger Tessaloni, Gayus ti geeger Derbe, wo Timote, Tisik wo Tiropim kane adɔ geŋ ti siido k'Aazi. <sup>5</sup> Kane geŋ an ay d'uugume, an d'ingile an ay di'n delley a geeger Tirowas.

### *Pool yo a geeger Tirowas*

<sup>6</sup> Wo kaye'ŋ tarnaape mappa daa k'orme ay d'ize a geeger Pilip. Aame onniyto tarnaape mappa daa k'orme ti t'ingile maŋ, ay di gili adda tooko, ti geeger Pilip ay d'ingile. Onniyo paat ki daana maŋ, saŋ d'ɔŋzey ay di'n uuney a Tirowas, aŋgeŋ ay d'ize onniyo sarat. <sup>7</sup> A onniyo ere ki puukiyo Yawudiyagi a tukki lohe maŋ, ay t'ugiye ay d'iimi kaŋ soo mappa wede i-kaza tudde k'Isa me. Wo kono soggo yo Pool y'engila geŋ, y'an di gizite ono a zemba, y'a gizite bini didɔ meeda. <sup>8</sup> Adda biino ere t'awwa t'ekki bakatú kaye ay t'ugiye geŋ, lampiyagi baadaŋ oyyisito. <sup>9</sup> Aame geŋ i d'ede ulo sundí Itus yi-guune a pineetir, y'ollige Pool yi kazita. Wo yo Pool geŋ yi k'ohire ye, yi kazita yi kazita, maŋ ulo geŋ edayí i ziiɔa moone, y'a udige kuy. Inŋkino t'awwa ti boy wede k'aduwe geŋ yi-t'uubo, y'a iire siido. Wo i d'ede wede ede yi y'iiziga maŋ, y'inda. <sup>10</sup> Inŋkino maŋ kesiko Pool yi-ti d'iige, y'a iide k'ume k'ulo geŋŋo, y'aa d'uttile y'a ti y' ziiɔa giggiri, wo y'a ruute, y'ede: «Ulbuguŋ un t'oodɔ ye, ulo'ŋ puukiyadí to ede.» <sup>11</sup> Saŋ maŋ Pool y'a-gili k'awwa k'umayí, y'a t'umbe mappa, y'an di burkite an t'iimi, wo

Pool y'a iise kazita sey bini ume y'a t'umpile. Saŋ maŋ y'a ingile. <sup>12</sup> Wo yo obulsu geŋ aame an ti y'umbe zeere yi biygile maŋ, an di y'igibe a boozí, wo kane d'uwu pay geŋ addaŋ a t'udige kollo.

*Pool ti Tirowas y'ambe ki Mile*

<sup>13</sup> Saŋ maŋ kaye ay yi-d'uugume a Pool me, ay di-gili adda tooko, ay d'ingile ki geeger k'Assos, ume ay di y' delley aa yoŋ yi dihe, kono yi dehu y'a ozire ti zoŋdí. <sup>14</sup> Geŋ a Assos Pool y'ay di'n uuney, maŋ pay kaŋ soo ay di-gili adda tooko, ay d'ingile geeger Mitilen. <sup>15</sup> Ti Mitilen ay d'ingile, soggo ay d'iiney a siido ere a diine k'ahu sundutú Kiyos. Onniyo sirwe maŋ ay d'iiney a siido ere a diine k'ahu sey sundutú Samos, wo onniyo k'aduwe ay d'iiney a geeger ki Mile. <sup>16</sup> Urzi k'Epez ay d'iili, ay d'ingile t'urzizey kono Pool yi ki dehu yi k'ôhira a Epez, kono yi gi di t'ôssa a siido k'Aazi ye. Yi dehu y'a aaney kesiko a Zeruzalem, y'a d'aaney a tarnaape Pantekot ki Yawudiyagi.

*Toose ki Pool a d'oŋ dokkiyo ti Epez*

<sup>17</sup> Aame ay iiney a Mile maŋ, Pool yi d'igibe wedusu ki Epez y'an di kizo a d'oŋ dokkiyod'oŋ ogiyo ti suma k'Isa, y'ede: «Kun'do, kun di t'oonaa a Mile.» <sup>18</sup> Aame d'oŋ dokkiyo an iina a sirpadí maŋ, Pool y'an di ruute, y'ede: «Kun ollo, kune kun ti suune lekkiyo ere ki nuuno te, kono nuŋ ni likke a diinaguŋ ti onniyo ere ki poone n'iina adda siido k'Aazi me. <sup>19</sup> Nuŋ ni niibe a Galmeega a diinaguŋ me ti ottilso baadaŋ, ti môolo wo ti dabar ere ki Yawudiyagi kane

an o koniyo eego. <sup>20</sup> Kun suune nuɗ n'un ti gizite, wo n'un ti'n duuye pay, munda umbo n'un k'inɗa ye, wede aase beehiye a kune me, ise a ɗaana ɗuwo pay, ise adda boyɗugun toɗ maɗ. <sup>21</sup> Nuɗ n'an gizite a Yawudiyagi wo a ɗoɗ Yawudiyagi ye, an di-kime lekkiyadaɗ a ɗaana Raa wo an zaape addaɗ a Galmeegin Isa Almasi. <sup>22</sup> Wo aɗkeɗ n'engile ki Zeruzalem, kono nuɗ i ni dokkiyo Unde Kamileɗ ni d'oyyiso, wo ni ki suune ye munda wede a ummey o aaney a eedó me. <sup>23</sup> Wo adda geegiryagi ɗoɗ pay n'ettiyo geɗ, Unde Kamileɗ t'o kaza ɗaɗgay ti dabar baadaɗ an ni delliyo. <sup>24</sup> Wo nuɗ lekkiyadó a duniya ette i ki n'ooɗiso ye. Munda wede i n'ooɗiso'ɗ, naabo ere Galmeega Isa y'o ele gettiyo, n'a ti naabe bini ɗaɗgutú: n'a kizite urzi Rabila Majjaanawa, mummino i-kaza Raa yoɗ wede beeko me.

<sup>25</sup> Derec, kun suune ni likke a diine kune pay, n'un di gizite urzi Moziko Raa, wo ti aɗki ki ɗaana eɗ nuɗ ni-suune kun ki n' wolla ye baa. <sup>26</sup> Kono kamo kun ollo koɗuwo ti aɗki n'un di rooto, aame wede yi digga t'urzi Raazí maɗ, nuɗ adda ye, <sup>27</sup> kono n'un ti gizite pay munda wede Raa y'ilke ti poone y'aasa me, munda umbo n'un k'inɗa ye. <sup>28</sup> Inkiɗo maɗ kun koona mentikagi a urzi lekkiyagun, wo a tukki torɗo pay ere ki Raa ogiyso ti suma k'Isa. Tode gette Unde Kamileɗ t'un t'ele kun di'n dokke, kun t'elso aa dambami ɗoɗ Raa y'iwila t'urzi puuzo k'Ulí Isa. <sup>29</sup> Nuɗ ni suune, aame n'un iza umbo maɗ ɗoɗ ulpi an t'etta diinagun, an un d'isa ulsu aa sullibagi an t'ettiyo adda diine torɗo. <sup>30</sup> Wo ɗoɗ oɗgo ti diinagun toɗ an di dooya rabila ere k'a t'eeese



derec, an di rooṅa adde sanalliyagi oṅgo, an di'n daana. <sup>31</sup> Injkinō maṅ kun lekko zeere, wo kun elko: aame nuṅ di kune adda k'ozzine aḍo geṅ, did'ḍo wo oṅṅu n'a-t'īile toṅ ni k'iili ye, wede tuuku ti diinaguṅ t'eeliyo kooke me.

<sup>32</sup> Wo aṅkeṅ nuṅ n'un di'n oolo a bey Raa, wo a onamí ḍoṅ a urzi beekadí. Kane ono Raa geṅ an un di'n isa ḍoṅ toogo a urzi zaapu k'addugun a Isa, wo t'urzi k'ono Raa kun t'ooney sulḍi ḍoṅ Raa yi boohiyo a ḍoṅzí pay. <sup>33</sup> Nuṅ ni ki ziipe ye addó a maala gurus, a dap, ise a kalle wenda soo toṅ maṅ. <sup>34</sup> Kune batum kun suune, nuṅ ni niibe ti beezó, ni d'ooniyo munda a lekkiyadó te wo ti ḍoṅ pay a itadó. <sup>35</sup> A sulḍi ḍoṅ pay n'ize geṅ, n'un gizite beehiye in di naabe in di nooge ḍoṅ an k'ede munda ye, wo in elko a ono ḍoṅ Galmeega Isa yi ruute, y'ede: "Uṅsuwo baadan a jiiire a wede y'eliyo munda, ti wede an i eliyō munda."»

<sup>36</sup> Aame Pool y'a ti ḍiṅge onamí maṅ, y'a dikke ti kane pay wo y'a tunde Raa. <sup>37</sup> Injkinō maṅ kane pay an d'iise mōolo, wo wede tuuku toṅ yi di y' seefu giggirí yop, yi-d'eeziyo d'eeziyo kono an ki t'ikkima ye baa. <sup>38</sup> Kane an t'ize sommagi donḍoṅ a onamí ḍoṅ yi ruute, y'ede: «Ti aṅki ki ḍaana eṅ, nuṅ kun ki n' wolla ye baa» geṅ me. Saṅ maṅ an aa di y'igibe bini y'a di-gili adda tooko.

## 21

### *Kama ki Pool ki Zeruzalem*

<sup>1</sup> Aame zemba ay'n iilo maṅ, ti tooko ay d'iṅgile dfelele ki geeger Kos. Soggo maṅ ay

d'ingile ay d'iiney a geeger Rood, wo tinj gen ay di d'iige biza bar ki geeger Patara. <sup>2</sup> Anjen ay d'uune tooko ti doolo t'ambe ki siido Pinisi, ay di-gili adda tooko gettiyo, ay d'ingile. <sup>3</sup> A engilsadey gette, siido ere a diine k'ahu sundutu Siipire gette, ay di wulle ki kese beezey geelo, injkino man ay d'ingile ki siido Siiri. Ay iiney a geeger Tir man, ay di d'iige kono an di-deggite suldi suuk don adda tooko angenno. <sup>4</sup> A ume gen ay d'uune sanalliyagi, ay di likke ti kane onniyo sarat. Unde Kamilen t'an di gize a munda wede i-aaney a Pool a Zeruzalem me, injkino man a Pool an i di ruute, an'de: «Kee k'ette ye ki Zeruzalem me.» <sup>5</sup> Aame iide onniyo sarat man ay t'iiziga, wo zamba ti erayzan ti innizan pay an ay di'n igibe bini ay t'udde ti geeger. Man ay d'iiney biza bar, anjen ay t'uttile ay tunde Raa. <sup>6</sup> San ay a-ti zidde bey ti tuddey, man ay di-gili adda tooko, wo kane an di-gime ki boydizan.

<sup>7</sup> Kaye torquwadey ere adda k'ahu ti Tir ay a-ti dinge a geeger Petolmayi. Anjen zamba ay di'n iisite, wo di kane ay d'inne onniyo soo. <sup>8</sup> Soggo man ay d'ingile, ay d'iiney a geeger Sezare, anjen ay t'iide a boy ki Pilip wede kazita Rabila Majjaanawa, ay di d'iige di yode, ay di likke angenno. Yode wede ti diine don sarat an biire a Zeruzalem\*. <sup>9</sup> Yo wede gen i-d'ede inni konazi pide, kane gen an rootiyto ono don Raa y'agisa.

<sup>10</sup> Anjen ay likke onniyto baadan, man nebi sundi Agabus y'a d'iina ti siido Ziide. <sup>11</sup> Y'iido

---

\* **21:8** 21.8 Kun wollo adda mattup ki Naabo don zina 6.5.

y'ay di'n uuna, y'a t'umbe ser wede ki Pool geɗ, y'a-gitte zoɗ ti bey ki yode batum, wo y'a ruute, y'ede: «Enno ono don Unde Kamileɗ ti rootiyo: Wede ser en, Yawudiyagi an ti y' kettey kino a Zeruzalem me, wo an an di y' t'eley a bey don Yawudiyagi ye.»

<sup>12</sup> Aame kaye ti zamba don a Sezare pay ay illiga inkinno man, ay yi d'obe bey a Pool kono ki Zeruzalem y'a k'ette ye. <sup>13</sup> Inkinno Pool y'a ruute, y'ede: «Ki moo me kun molo me, geɗ kun oo ti dekkiyo biza k'ulbo? Nun n'iyye ki kettisado danjal ye, wo soɗ n'iyye n'a t'indey a Zeruzalem kono suma Galmeega Isa geɗ me.»

<sup>14</sup> Kaye onamey yi-tuuge geɗ, inkinno man ay gi di gidfima ye, wo ay'de: «Galmeega yi t'iso munda wede yi dehu me.»

<sup>15</sup> Aame ay inne onniyo miibi a Sezare man, ay t'ikkima tuddey, ay t'iizigo ay di-gili ki Zeruzalem. <sup>16</sup> Sanalliyagi miibi ti Sezare an ayn'igibe, an ay di'n t'iide di wede sundi Nanson, yoɗ ti siido Siipire, ti diine don ti poone i ziipe addan a Isa too. Geɗ di yode ay di d'iige, ay d'inne me.

### *Pool di Zak a Zeruzalem*

<sup>17</sup> Aame ay iiney a Zeruzalem geɗ, zamba an ay di'n ziida t'ulbe unse. <sup>18</sup> Wo soggo man Pool ti kaye pay ay t'iide wolliyo Zak a boozí, wo di yode geɗ ay di'n uune kane pay don dokkiyo ki don ogiyo ti suma k'Isa an t'ugiye. <sup>19</sup> Aame ay ti'n iisite man, Pool y'an t'iide taaya soo soo a suldi don pay Raa y'ize t'urzi naabo yode a diine don Yawudiyagi ye.

<sup>20</sup> Aame an t'illiga onamí mañ, kane pay an d'imme Raa. Sañ an i di ruute a Pool, an'de: «Leemadey, kee ki wollo dfo, Yawudiyagi dupiyagi miibi dfoñ i ziipe addañ a Isa wo i seedu zakidi a urzi k'oogoro Muusa me. <sup>21</sup> Kaciñ kane an illiga oniyapi a tukki kee me, an'de kee ki kazita a Yawudiyagi pay dfoñ i lekkiyo a diine dfoñ Yawudiyagi ye, an d'ooli urzi k'oogoro Muusa me. Kee k'ede ponde a inñizañ an ki walda ye, wo urzi k'oogoro Yawudiyagi an ki daane ye. <sup>22</sup> Ankeñ in d'ise mummino? Derec, daa niiku kane an d'olliga kee a enno me. <sup>23</sup> Inkinno mañ munda wede ay a roota geñ, k'a t'iso. I d'ede a eñ kuuli kane pide an ruute an i-d'isa munda a Raa. <sup>24</sup> K'a t'odo k'ume k'aade ti kane, tuddugun kun ti t'isoy kamilen a daana Raa, wo k'an d'eloy sonkadan ere ki sedefe te, kono an di kookey eedan. Inkinno mañ fuwo pay an suuna ono dfoñ pay an rootiyo a tukki kee geñ derec ye, wo kee toñ lekkiyada a-t'ette a urzi k'oogoro Muusa kay. <sup>25</sup> Wo kane Yawudiyagi ye dfoñ an ziipe addañ a Isa geñ, ay an riine mattup a munda wede ay dehu me: an ki d'aadi ye sey wede an eliyo sedefe a longayi me, puuzo toñ ulu an k'oomi ye, sey wede ki seysu inda puuzadi ti k'udde ye an k'aadi ye, ise boliyo toñ ulu an d'ooli.»

<sup>26</sup> Inkinno Pool y'a iyye a onaman, soggo mañ kane kuuli pide geñ y'a ti'n wiike, an t'iide k'ume k'aade kono an ti t'iso tuddan kamilen a daana Raa. Mañ yi-t'iide booro Boy Raa, y'an di rooto dfoñ sedefe onniyo ere tuddan t'a t'isa kamilen a daana Raa t'a danga, wo wede tuuku toñ y'a t'ela sedikadi sedikadi me.

### *Seedu ki Pool a Boy Raa*

<sup>27</sup> A dangu k'onniyo sarat geŋ Pool yo a booro Boy Raa, wo kane Yawudiyagi doŋ iido ti siido k'Aazi an di y' wulle, maŋ an an t'elite ono a doŋ duuru pay, wo Pool an di y' ziida. <sup>28</sup> An d'iise dollite, an'de: «Kun okki kune doŋ k'Izirayel geŋ me! Enno wedusu wede i kazita munda wede ulsu me, a ume tuuku wo a wede tuuku toŋ maŋ, a tukki kine Yawudiyagi, a tukk'oogoro Muusa wo a tukki boy enno. Wo ankeŋ doŋ Yawudiyagi ye toŋ y'an d'an t'iido ki Boy Raa enno, in kino ume kamileŋ eŋ an ti y'ize ganigi a daana Raa me.» <sup>29</sup> Kane an rootiyo in kino kono an wullo Tiropim k'Epez ti Pool adda geeger gettiyo, an elkiyo Pool yi ti y'ele adda booro Boy Raa.

<sup>30</sup> Adda geeger pay gette doŋ an d'iise tarkuuse gordon, doŋ t'ume tuuku toŋ an d'okko k'adda, Pool duwo an di y' ziida an di y'udde t'adda booro Boy Raa me, wo kesiko boha an a-t'ippite.

<sup>31</sup> An dehu an di y' t'ide, maŋ doŋ soŋ an d'ukke an i-di gizo a goole k'asigiryagi meeda zoot ki Romen, an'de: «Doŋ pay ki Zeruzalem an isiyo tarkuuse.» <sup>32</sup> Kesiko yo goole geŋ yi wiiko deero k'asigiryagi ti doolo, ti asigiryagi a itadan an d'ukke k'ume doŋ duuru. Aame an wulle goole k'asigiryagi pay wo ti asigiryagi a itadi maŋ, Pool an di y'iili ti kossiyadi me.

<sup>33</sup> In kino maŋ goole k'asigiryagi pay y'aa d'iide sirpa Pool, y'a yi ziida wo y'an di ruute a asigiryagi an ti y' kettito ti zin ziri sire, wo y'a tunde, y'ede: «Wede eŋ yoŋ wee wee, wo y'ize moo me?» <sup>34</sup> Wo de adda diine doŋ duuru geŋ wede tuuku toŋ yi dollite k'eedi, k'eedi. Wo

goole k'asigiryagi pay geŋ yi-ki t'ollige ye munda an rootiyo me, kono tarkuuse baadaŋ. Inŋino y'an di ruute a asigiryagi, Pool an di-t'odo k'adda boy wede zakidi. <sup>35</sup> Aame Pool y'iiney a biza boy aame koliyto maŋ, kane asigiryagi an a-ti y'umbe kono doŋ duuru an dehu an i-d'ise ulsu. <sup>36</sup> Wo kane doŋ duuru pay geŋ an yi daaniya ti d'ollite, an'de: «Ki y'ôodo! Ki y'ôodo!»

### *Pool a daana doŋ duuru*

<sup>37</sup> Aame Pool an dehu an ti y' t'ele adda boy wede zakidi geŋ, yi di ruute a goole k'asigiryagi pay, y'ede: «Tambobino doo, n'a-deege bizó kay ko?» Maŋ yo goole geŋ y'a yi tunde, y'ede: «Ono Girek ki suune ko? <sup>38</sup> Kee ti siido Misir ye ko? Kee wede goppo goppon eŋ ki t'udde balda ti doŋ dupu pide a itadá, kee ye ko?» <sup>39</sup> Pool yi di ruute, y'ede: «Nuŋ Yawudusu an ehe a Tarsi siido Silisi, nuŋ wede ti siido ki geeger ere i-d'ede suma. K'o t'ele urzi maŋ, n'an di roote a doŋ duuru.» <sup>40</sup> Inŋino maŋ goole k'asigiryagi pay yi-d'ele urzi. Pool y'a t'ihira a ume koliyto, y'an d'ize likuw ti beezí kono d'uwu an d'anniga. Doŋ pay an d'inniga, maŋ Pool y'an d'iise rootiyo t'ono doŋ k'Eber, y'ede:

## 22

<sup>1</sup> «Maawi ki nuŋ, zemba ki nuŋ, aŋken kun ollo munda wede n'a roote me, kono tuddó geŋ bizó n'a ti y' deege kay.» <sup>2</sup> Aame an illiga Pool y'an rootiyo t'ono doŋ k'Eber maŋ, an d'inda kuy. Inŋino maŋ yo Pool y'a ruute, y'ede: <sup>3</sup> «Nuŋ Yawudusu an n'ehe a geeger Tarsi siido Silisi,

n'ihira a Zeruzalem enno, wo wede i ni duuye Gamaliyel, y'a ni duuye mummino n'a daane koduwo urzi k'oogoro mongidagin me. Kono kamo urzi Raa n'a yi ziida zakidi baadan aa kune anki pay. <sup>4</sup> Don i daaniya urzi Galmeega n'anni dibire bini ongon an t'inda, kuuli erayi ni-ti'n kettiso, ni-ti'n obe adda dangay. <sup>5</sup> Mozigo goole don sedefe ti don i dokkiyo Yawudiyagi pay, kane batum ton an di roote derec onamo ni rootiyo en me, kono o ele mattup kane a zamba Yawudiyagi don a geeger Damas me. Wo n'a ingile Damas kono n'a-sedfo don i ziipe addan a Isa a ummey, n'an d'an t'etto ki Zeruzalem kono n'anni dabire.»

*Mummino Isa yi wiike Pool me*

<sup>6</sup> «Nun n'a ingile wo a urzi peedo t'ize diine n'iina goppon ki Damas man, a kaamiki ni woliyo toore baadan ti kandaane a dfiigo wiliin a tuure a tuddo. <sup>7</sup> N'a iire tul a siido wo n'a illiga golla t'o rootiyo, t'ede: "Sool, Sool, de moo me ki ni dabirsa me?" <sup>8</sup> Man n'a tunde, n'ede: "Galmeega, de kee wee wee?" Injino man golla t'a ruute, t'ede: "Nun Isa wede ti geeger Nazaret, wede kee ki dabirsa." <sup>9</sup> Kane don ti nun gen toore an di y' wulle, wo golla ere o rootiyo gette an ki ti t'illiga ye. <sup>10</sup> Injino man n'a tunde, n'ede: "Galmeega n'aase mummino?" Wo Galmeega y'o di ruute, y'ede: "Ki t'oozo k'engilo Damas, wo angen an a di kizey munda wede Raa yi dehu k'aasey me." <sup>11</sup> Wo ni ki woliyo ye, kono toore gen o d'ibbira edayo. Injino man don ti nun gen an oo ziida beezo, an di n'irkide, an o di-t'iide ki Damas.

<sup>12</sup> Anḡen i d'ede wede sundí Ananiyas, yon ḡen yi seedfu zakidí a urzi k'oogoro Muusa me, Yawudiyagi pay adda Damas ḡen an yi tamma. <sup>13</sup> Yo y'a iido y'a n'uuna, wo y'o di ruute, y'ede: "Sool leema ki nuḡ, edayá i t'ohon!" Wo a kaamiki edayó a t'ihina ni wolliyo, wo Ananiyas n'a yi wulle kereḡ. <sup>14</sup> Wo y'o di ruute sey, y'ede: "Raa ki mongidagiḡ yi ki biire ti kaagine too kono k'a suuna munda wede yon yi dehu, k'a wolle yode danḡal wede ki diine me, wo k'a olliga ono don adfiya ti bizí. <sup>15</sup> ḡen kee k'a kizita taayadí a dwo pay, a munda wede ki wulle wo k'illiga. <sup>16</sup> Wo anḡen ki delliso moo sey me? Ki t'oozo, an ki ti suyyo batem wo ki tondo suma Galmeega, y'a di booye oldikadá."»

### *Zina Pool di don Yawudiyagi ye*

<sup>17</sup> «San maḡ n'a-gime ki Zeruzalem. Onniyo soo maḡ ni-t'iide adda Boy Raa ni tondiyo Raa, aame ḡen o d'iide munda aa suniye, <sup>18</sup> Galmeega n'a yi wulle, wo y'o di ruute, y'ede: "Kesiko ki t'addo ti Zeruzalem me, kono don siido en an k'oyya ye taayadá ere k'an kizita a urzi nuḡ me." <sup>19</sup> Nuḡ ni di ruute, n'ede: "Galmeeki nuḡ, kane ton an suune ni sooru k'adda boyd'i don Yawudiyagi ge dooyiso miḡ, kono ay ti'n seedfu don i ziipe addaḡ a kee, ay di'n kossiyto, ay di'n obe adda danḡay. <sup>20</sup> Wo aame an iide Etiyen wede kazita taayadá ton, nuḡ ede, nuḡ ton adda a munda wede ize ḡen me, nuḡ wede boohiyo kallagi ki don i t'iide t'owwadí." <sup>21</sup> Maḡ Galmeega y'o di ruute, y'ede: "Ton maḡ k'engilo,



ni k'agisa ki dokki ki tukki d'ofɔŋ kane Yawudiyagi ye."»

### *Pool ti goole k'asigiryagi Romen*

<sup>22</sup> Kane d'ofɔŋ duuru geŋ an di y'ollige Pool me bini a onamí d'ofɔŋ k'ita geŋno maŋ, aame geŋ an d'iise d'ollite, an'de: «Wēde eŋ kun y'ôodo! Kun y'ôodo! Kun y'oola yi lekka ye a siido ette!» <sup>23</sup> Wo an di d'ollite ki d'ollite, kallagan an t'idɔfiɛ, an d'oggiso siido i d'oozige odde k'awwa. <sup>24</sup> Inkinno maŋ goole k'asigiryagi Romen y'an di ruute a asigiryagi, y'ede: «Wede eŋ kun ti y'elo adda boy wede zakidí wo kun ti y' dekkito ti karre, kono y'a roota ono d'ofɔŋ d'erec. Ni dehu n'a suune ki moo me d'uwu an d'ollite a tukki yode me.» <sup>25</sup> Aame an y'iise kettiso ki dekkisadí ti karre maŋ, Pool yi di ruute a goole k'asigiryagi meeda a sirpadí, y'ede: «Oogoro t'ele urzi ko a wede ti siido Romen kun di y' dekkite ti karre, daa k'ollige bizí me?» <sup>26</sup> Aame goole k'asigiryagi meeda geŋ y'illiga inkinno maŋ, y'a iide, yi di gize a goole k'asigiryagi pay, y'ede: «K'a elko d'o a naabo ere k'isiyo ette, kono wede eŋ yon wede ti siido Romen.» <sup>27</sup> Inkinno maŋ goole k'asigiryagi pay geŋ y'a iide k'ume Pool, wo y'a yi tunde, y'ede: «Kee ti siido Romen kotto ko, k'o ki ti rooti d'o?» Pool y'a ruute, y'ede: «Eyye, nuŋ ti siido Romen.» <sup>28</sup> Inkinno goole k'asigiryagi pay yi di ruute, y'ede: «Nuŋ n'a ele soŋko baadan d'oo miŋ n'a t'ize wede ti siido Romen kollo.» Pool yi di ruute, y'ede: «Nuŋ t'ume an n'ehe miŋ wede ti siido Romen too.» <sup>29</sup> Kesiko kane d'ofɔŋ an di y' kosse geŋ an di lidɔfe ti tuddí me, wo yo goole

k'asigiryagi pay toŋ orgiso t'a yi ziida, kono yi ti gittite Pool ti zinjiri, wo anken yi zuune kacin yoŋ ti siido Romen.

### *Pool a daana doŋ deero*

<sup>30</sup> Goole k'asigiryagi pay geŋ yi dehu y'a suune urzi wede derec, munda wede Yawudiyagi an sakiysa Pool. Inkinno maŋ soggo y'an di ruute a deero doŋ sedefe wo a deero booro Yawudiyagi pay an di-t'ogiye. Saŋ Pool zinjiri an i di t'iize, an di-y'udfo, an di-t'iide ki daanadan.

## 23

<sup>1</sup> Aame Pool y'iina a daana kane deero Yawudiyagi maŋ, yi di'n wolluyo tebeŋ adda k'edayan, wo y'an di ruute, y'ede: «Zemba ki nuŋ, nuŋ daayum a sooruzó ere a daana Raa gette a elkisadó ni suune munda k'ulsuko a tuddó umbo.» <sup>2</sup> Maŋ mozigo goole doŋ sedefe sundí Ananiyas y'an di ruute a doŋ a sirpa Pool, y'ede: «Kun i-ti y' daaŋa bizí me.» <sup>3</sup> Inkinno maŋ Pool yi di ruute, y'ede: «Kee toŋ Raa y'a ki daaŋa, kee wede aa waaya lee an aa t'ele buuye tuware, at'ihina saŋ t'a oora\*. Kee ki-guune k'a defka booro a eedó a urzi k'oogoro, kacin a urzi k'oogoro ye a donzá k'an di rootiyo ki kossiyadó.» <sup>4</sup> Kane doŋ a sirpa Pool an i di ruute, an'de: «Kee mozigo goole doŋ sedefe ki Raa miŋ ki di y' kalda!» <sup>5</sup> Pool y'an di ruute, y'ede: «Zemba ki nuŋ, ni ki suune ye yoŋ mozigo goole doŋ sedefe me, kono ni suune ono en an

\* **23:3** 23.3 Kun wollo adda mattup ki Ezekiyel 13.10-15.

riiŋe ti kaaga adda mattup ki Raa, an'de: "Wede goole ki siidadá ki ki y' kildfe ye†."»

<sup>6</sup> Pool yi suune kane deero Yawudiyagi geŋ itadaŋ Saduseyeŋ wo soŋ Pariziyen. Injino maŋ y'a idili a daanadaŋ, y'ede: «Zemba ki nuŋ, nuŋ Pariziyen, maawó toŋ Pariziyen, kono kamo ni zaapu elkisadó onniyo soo Raa y'a balda doŋ i t'inda, geŋ kono k'injino an dekkiyo booro a eedó me.» <sup>7</sup> Aame kane Pariziyen ti Saduseyeŋ an illiga yi ruute injino maŋ, an d'iiziga niikiyo ti tuddaŋ, wo a ogiysadaŋ gette an t'ihinte. <sup>8</sup> Injino maŋ kane Saduseyeŋ an rootiyo doŋ i t'inda geŋ an ki ti balda ye, maaleekiyagi ti undiyagi toŋ umbo, wo ki kane Pariziyen an ambu baldiya ede, wo maaleekiyagi ti undiyagi toŋ ede. <sup>9</sup> Injino maŋ an di niikite ti tuddaŋ bini a t'iiziga tarkuuse baadaŋ, wo doŋ suuniyo k'oogoro oŋgo ti diine Pariziyen geŋ an d'iiziga, an di niikiyo ki toogo, an'de: «Kaye munda ulsu a tukki wede eŋ ay k'uune ye, naabadí ette ise unde koo maaleeka gi-ruute koo maŋ.» <sup>10</sup> Niikiyadaŋ ti koliyo ti koliyo bini goole k'asigiryagi pay toŋ i di t'ele orgiso, y'elkiyo Pool an ti y' sittita. Injino maŋ y'an di ruute a asigiryagi, y'ede: «Kun ti y' deegi, wede eŋ kun ti y'adfo ti diine deero Yawudiyagi me, ti beezaŋ kun ti y'oobo, kun di-t'odo k'adda boy wede zakidí.» <sup>11</sup> A didfo gette Galmeega y'a gize tuddí a Pool, yi di ruute, y'ede: «K'omboŋ, a Zeruzalem eŋ taayadó k'an ti gize, wo i dehu a geeger ki Room toŋ k'an di kizey kay.»

† 23:5 23.5 Kun wollo adda mattup ki Egzod 22.27.

### *Koniyo k'eego ki tôwwo Pool*

<sup>12</sup> Soggo ti soohe maŋ Yawudiyagi ongo an t'ugiye kaŋ ombiŋe, an a-ti nîime tuddaŋ a ɗaana Raa, an'de: «Ay k'ooma ye, ay ki siba ye aame Pool ay ki y'îida ye maŋ.» <sup>13</sup> Doŋ i nîime tuddaŋ inkiŋo kane kuuli ada piŋe ti makumu. <sup>14</sup> Wo kane an d'ingile, an d'uuney deero ɗoŋ seŋeke ti ɗoŋ i dokkiyo Yawudiyagi, wo an di ruute, an'de: «Kaye ay ele tuddey ay a-ti nîime tuddey ti suma Raa, aame ay-iima wo ay-iiba ki poone Pool ay ki y'îida ye maŋ, a golladey. <sup>15</sup> Inkiŋo maŋ kune ti kane deero booro Yawudiyagi pay kaŋ soo, k'un tondo goole k'asigiryagi pay y'un di y'adɗo Pool ki ɗaanagun sey, aa kun dehu kun di wolle onamí ki koduwo geŋ me. Kaye batum ay t'ikkima tuddey, ay di y' t'îida ki poone y'a aana ume kune geŋ me.»

<sup>16</sup> Wo ulo bilzi ki teema Pool geŋ, onamaŋ y'a illiga an koniyo eego a tukki Pool me. Kesiko y'a ukke k'adda ɓoy wede zakidí. Y'iiney maŋ yi di ruute a Pool ono ɗoŋ y'illigo me. <sup>17</sup> Inkiŋo maŋ Pool yi wiike wede soo ti diine deero k'asigiryagi, wo yi di ruute, y'ede: «Ulo bilzi eŋ ki di t'odo k'ume goole k'asigiryagi pay, i-d'ede ono yi di rootey.» <sup>18</sup> Goole k'asigiryagi geŋ bilzi y'a di-t'iide k'ume goolayaŋ, wo yi di ruute, y'ede: «Wede ɗaŋgay Pool y'a ni wiike, wo y'ede bilzi eŋ n'a di-t'edi k'ume kee kono i-d'ede ono y'a-di ruute.» <sup>19</sup> Yo goole k'asigiryagi pay geŋ bilzi yi ziida a beezí, wo an aa d'irga siidaŋ. Maŋ y'a yi tunde, y'ede: «Ki dehu k'o di ruute moo me?» <sup>20</sup> Inkiŋo maŋ bilzi yi di ruute, y'ede: «Kane

Yawudiyagi onaman an ti'n îide, an'de soggo man an gi di tonda Pool k'an di y'adfa, k'an di y' t'ela k'ume deero Yawudiyagi sey, aa an dehu an di wolley onami ki koduwo. <sup>21</sup> Wo kee k'amba ye onaman me, kono kane kuuli ada pide ti makumu gen ti diinayan don son an t'ombidey, an di y' delley. Kane an ele tuddan an a-ti nîime an k'ooma ye, an ki siba ye daa Pool an ki y'îida ye man. Tuddan an t'ikkima an delliyo min, kee k'an t'ele urzi k'an di y'adfo baa.» <sup>22</sup> Aame goole k'asigiryagi pay gen yi t'illiga inkino man, a bilzi'ŋ yi di ruute, y'ede: «A wenda soo ton ki rootey ye ono don k'o d'îido en me, wo anken k'enگیlo baa.»

### *Engilso ki Pool a didfo ki Sezare*

<sup>23</sup> San man goole k'asigiryagi pay gen yi wiike don sire ti diine deero k'asigiryagi, y'an di ruute, y'ede: «Kun waako asigiryagi meeda sire, asigiryagi ti punzigi ada sarat, wo asigiryagi don ti aryagi meeda sire, kun t'okkon tuddugun, kun d'enگیla ki Sezare‡ a didfo duwo an t'iima man. <sup>24</sup> Wo kun aa wollo punzigi a Pool y'a kila, kun di y' boohoy y'a d'aaney ti toose a ume Peelikis goole siido me.» <sup>25</sup> Inkino man yi di riine mattup a Peelikis, y'ede:

<sup>26</sup> «Mattup ette a-raaniya nun Kilood Liziyas, a kee Peelikis wede suma, goole siido. Ki poone n'a-t'ize toose. <sup>27</sup> Wede n'a y'agisa en, kane Yawudiyagi an di y' ziida, an dehu an di y' t'îde. Wo aame ni zuune yon ti siido Romen

---

‡ **23:23** 23.23 Sezare: Geeger meeda, ume k'asigiryagi baadan.

mañ, ti asigiryagó n'a ukke, n'a-y'udfo ti beezan me. <sup>28</sup> Wo ni dehu n'a suune munda wede Yawudiyagi an yi sakiysa ki moo me mañ, in'kino n'a-di t'iide k'ume don deero booro Yawudiyagi. <sup>29</sup> Mañ n'a zuune Yawudiyagi an yi sakiysa a urzi k'oogiradan, wo de a urzi k'oogoro Romen gen munda ulsu yi k'ize ye i di t'iide k'unto ise ki dangay ton mañ. <sup>30</sup> Wo an oo ti gize kane Yawudiyagi an ti gitte onaman an koniyo eego a tukki yode gen me, in'kino mañ kesiko n'a-di y'igibe. Wo a don i yi sakiysa'n n'an di ruute, n'ede: "Kun'do, kun di wolloy onamgun a daanada."»

<sup>31</sup> In'kino mañ kane asigiryagi an t'ize munda wede goolayan y'an ruute me, an ti y' wiike Pool an di t'iide, an d'iiney geeger Antipatiris§. <sup>32</sup> Soggo mañ kane asigiryagi don ti zondan an digime k'umayan ki Zeruzalem, wo kane ti punzigi an d'ingile ki daanadan ti Pool me. <sup>33</sup> Aame kane asigiryagi ti punzigi gen an iiney a Sezare mañ, an i d'ele mattup gette a goole siido gettiyo, wo an i-di y'ele Pool a beezí. <sup>34</sup> Goole siido gen y'a wulle mattup gette, wo y'a tunde Pool, y'ede: «Kee a siido tuuku an ki k'ehe me?» Pool y'a ruute, y'ede: «Nuñ ti siido Silisi.» Aame yo yi zuune Pool ti Silisi mañ, yi di ruute, y'ede: <sup>35</sup> «Aame don i ki sakiysa an iina mañ, n'a ki tondita kollo.» Wo y'an di ruute a asigiryagi, Pool an di y' boophe adda boy mozigo Erod.

---

§ 23:31 23.31 Antipatiris: Geeger a diine Zeruzalem ti Sezare, i d'ede boy zakidi k'asigiryagi Romen.

## 24

### *Pool a ɗaana Peelikis*

<sup>1</sup> Aame Pool yi ize onniyo paat a Sezare maɗ, mozigo goole ɗoɗ sedefe Ananiyas ti ɗoɗ i dokkiyo Yawudiyagi miibi, an aa wiiko wede k'ooniyo sundi Tertilus. Kane pay an d'iina, an t'iide ɗaana Peelikis goole siido, an i-di t'iide taaya a munda wede an sakiysa Pool. <sup>2</sup> Goole siido y'a igibe an di wiiko Pool, wo aame y'iina maɗ Tertilus y'a iise pettiyo bizi, y'ede: «Kee wede suma, goole siido, ti beeko ere ki kee kaye ay lekkiyo adda siido pay ti toose, wo t'urzi suuniyo ki dokkiyo ɗoɗza ay wolliyo suldi ɗoɗ beehiye pay k'ikkimta me. <sup>3</sup> A suldi ɗoɗ pay ay ooniyo inkiyo geɗ, a peedo tuuku ise a ume muno toɗ maɗ, kaye sunda ay gi di sedfiyo ye. <sup>4</sup> Nuɗ ni ki ti t'osse ye, inkiyo maɗ ti beeko ere ki kee, ni dehu k'ay di'n olliga ki peedo boolon ɗaɗɗal. <sup>5</sup> Kaye ay yi wulle maɗ wede eɗ yoɗ ulsu zimolo, y'ay ti'n daggiya kaye Yawudiyagi pay adda duniya me. Wo yoɗ goole ki ɗoɗ i daaniya Isa wede ti geeger Nazaret. <sup>6</sup> Y'a dihe Boy kamileɗ ki Raa toɗ y'a ti y' lette, y'a y'ise ganigi. Inkiyo ay di y' ziida, [ay di dihe ay t'ise booro a urzi k'oogiradey, <sup>7</sup> wo goole k'asigiryagi pay sundi Liziyas y'a ukko, ti toogo baadan y'a y'uube ti beezey me. <sup>8</sup> Saɗ maɗ Liziyas y'an di ruute, y'ede: "Kun'do, kun di wolley onamɗu a ɗaana kee goole siido."] Inkiyo maɗ kee batum, aame ki y'iisa tondiso maɗ, k'a suuna munda wede ay yi sakiysa ɗerec, geɗ onamo inkiyo.»

<sup>9</sup> Kane Yawudiyagi geŋ onamaŋ ti Tertilus soo, an'de: «Eyye, onamí yi ruute geŋ derec.»

*Ono Pool a ɗaana Peelikis*

<sup>10</sup> Injino maŋ goole siido y'a ize likuw ti beezí a Pool kono y'a roote, maŋ yoŋ y'a t'ihina bizí, y'a ruute, y'ede: «Nuŋ ni suune kee wede ɗekkiyo booro ki siidadey ñide ozzinagi ɓaadaŋ, injino maŋ a onamó ɗoŋ n'a-deege bizó a ɗaana kee eŋ, nuŋ ni zaapo addó a kee. <sup>11</sup> Kee batum ki wollo kay, onniyo koomat makumu sire toŋ i k'ñide ye, ni gili Zeruzalem ki ottilso a Raa me. <sup>12</sup> Adda booro Boy Raa wenda soo toŋ yi ki n'uuney, ni ki niikiyto ti wede tuuku ise n'an k'eliyto ono a ɗoŋ duuru ye, wo geŋ adda boyɗi ɗoŋ Yawudiyagi ge dooyiso, ise a omagi doolo adda geeger toŋ maŋ. <sup>13</sup> Wo kane ɗoŋ eŋ, aŋkenno munda wede an ni sakiysa, an k'aane an ki ti y' roote derec ye. <sup>14</sup> Wo munda wede n'a roote a ɗaanadá t'addó pay enno: Nuŋ ni naabiya a Raa wede ki mongidagey a urzi wede aware. Ki kane Yawudiyagi an'de urzi geŋ derec ye, wo ɗe nuŋ n'umbe a sulɗi ɗoŋ pay an riŋe ti kaaga adda mattup k'oogoro Muusa ti ɗoŋ ki nebiyagi. <sup>15</sup> Wo nuŋ toŋ ni zaapu elkisadó a Raa, aa kane Yawudiyagi batum an zaapu elkisadaŋ, kono kane ɗoŋ ki diine wo ɗoŋ ki diine ye pây, an di balɗa ti unto a onniyo k'ita maŋ. <sup>16</sup> Kono kamo ni d'eliyo tuddó, kono daayum a elkisadó ni suune munda k'ulsuko a tuddó umbo a ɗaana Raa wo a ɗaana ɗuwo me.

<sup>17</sup> Ozzinagi ɓaadaŋ nuŋ umbo, injino n'a-gimo ki Zeruzalem n'an d'iido ti soŋko ki noogiyo a ɗoŋ siidadó ɗoŋ weedayaŋ umbo, wo ni-d'ise



sendikagi a Raa. <sup>18</sup> Geŋ inċino n'iide k'adda booro Boy Raa, an di n'uuney aame ni t'ize aade ere kee wede k'a t'ise kamileŋ a daana Raa, duwo ti nuuno umbo, wo munda ki tarkuuse toŋ umbo. <sup>19</sup> Wo de i n'uuney kane Yawudiyagi miibi ti siido k'Aazi. Kane ede a daanada man, a-di roote kane munda wede n'ize ulsu aame an d'ede rootiyo a tukki nuuno man, miŋ kane umbo. <sup>20</sup> Wo inċino toŋ, kane doŋ a enno eŋ an rooto dimme wede tuuku n'ize aame an dikke booro a eedo a daana deero booro Yawudiyagi me. <sup>21</sup> Wo ni suune n'ize munda soo danjal, ni ruute ti golla awwa a daana kane, n'ede: "Nuŋ n'elkiyo baldiya ki doŋ i t'inda ede, kono kamo anki an d'o t'iido booro ki daana kune me."»

<sup>22</sup> Peelikis geŋ yoŋ y'a zuune kereŋ onaman a urzi k'Isa Almasi me, man booro y'a t'ihira k'onniyo doolo, wo y'an di ruute, y'ede: «Kun dello, aame Liziyas y'iido man, n'un di wolla on-amgun kollo.» <sup>23</sup> Yi di ruute a goole k'asigiryagi, y'ede: «Ki y' booho Pool adda dangay, ki-d'oolo urzi boolon a munda wede yi dehu y'aase, wo a lanziyagi toŋ k'an oolo urzi an d'ette an ti y' wolle.»

### *Pool ozzine sire adda dangay*

<sup>24</sup> Onniyo miibi k'ita man, Peelikis ti eddi Dirusil, tod'te Yawudowo, an d'iide k'ume Pool. Man Peelikis y'a yi wiiko, kono yi dehu y'a y'olliga a urzi zaapu k'adde a Isa Almasi. <sup>25</sup> Man Pool y'a iise kazita mummino kee wede k'a lekke ki diine, tudda k'a ti seeda, wo mummino onniyo k'ita Raa y'a dekkey booro a tukki duwo pay me. Inċino Peelikis i-di t'ele orgiso, yi di ruute, y'ede:

«Ankenj k'engilo, aame onniyo ni ki diha manj, n'a ki waaka kollo.» <sup>26</sup> Y'elkiyo sonj Pool yi di t'eela sonko, injkino yi di y' waaku daayum an di pelkiyo ti yode. <sup>27</sup> Ozzine sire genj i-t'ingile injkino, manj Peelikis an ti y' bilke ti Porsiyus Pestus. Wo yode Peelikis genj yi dehu Yawudiyagi ulbanj an d'ise unse, manj Pool y'a y'iili adda dangay.

## 25

### *Pool a daana Pestus*

<sup>1</sup> Aame Pestus y'iina a siido gettiyo manj yi d'ize onniyo ado, manj y'a-gili ti Sezare ki Zeruzalem. <sup>2</sup> Deero donj sefeke ti deero Yawudiyagi genj an d'iide, an i di t'iide taaya a tukki Pool, an di y' tunde wo an di kodfime, an'de: <sup>3</sup> «K'ay ise beeko manj, Pool k'a-di t'etto ki Zeruzalem.» Wo kane Yawudiyagi an t'ikkima tuddanj kono an di y' t'ida urzi. <sup>4</sup> Wo Pestus y'an di ruute, y'ede: «Pool yonj adda dangay a Sezare, sanj manj nunj batum ni-kima k'ummey me.» <sup>5</sup> Wo y'a ruute sey, y'ede: «Donj deero ti diinagunj an di-deega ti nuuno ki Sezare, wo aame munda wede Pool y'ize ulsu genj, on o-di t'idey taaya.» <sup>6</sup> Pestus yi d'izo onniyo gessire koo koomat danj danjal a Zeruzalem me, sanj y'a-gime ki Sezare. Ti soggatú manj y'a-guune a ume k'isiyo booro, wo y'an di ruute an di wiiko Pool. <sup>7</sup> Aame Pool y'iina manj kane Yawudiyagi donj iido ti Zeruzalem an di ti duule, an d'orbite ono baadanj wo ulpi siidanj a tukki Pool me, ono donj an orbite genj an k'aane an ki ti'n roote derec ye. <sup>8</sup> Wo Pool k'oodibe

k'eedí, y'ede: «Nuñ ni k'ize ye munda ulsu a urzi k'oogoro Yawudiyagi, a urzi Boy Raa, ise a mozigo goole ki Romenñ toñ mañ.»

<sup>9</sup> Yode Pestus geñ yi dehu Yawudiyagi ulban an d'ise unñse, injkino mañ y'a tunde Pool, y'ede: «Kunuñ ki dehu k'a ette Zeruzalem, in t'isey booro k'onamá a ðaanadó a ummey ko?» <sup>10</sup> Pool yi di'n gime onamí, y'ede: «Aha, nuñ ettin booro ere aa a ðaana mozigo goole ki Romenñ, onamó kun ti'n wollo a enño. Nuñ munda ulsu a Yawudiyagi n'an k'ize ye, aa kee batum ki suune. <sup>11</sup> Wo aame ki kotto ni suune ni t'ize oldíko wo ni t'ize munda o t'ide k'unto mañ, ni ki-tooge ye n'a t'inda. Wo ðe aame munda wede an ni sakiysa eñ ðerec ye mañ, wenda wede i-t'oone urzi an di'n t'ele a bey kane umbo. Nuñ booradó ette a aaney di mozigo goole ki Romenñ.» <sup>12</sup> Injkino mañ aame Pestus an ti ruute ti ðoñ i-d'eliyo kooke mañ, yi di ruute, y'ede: «Kee k'unte suma mozigo goole ki Romenñ geñ, k'a enñila ki ðaana yode mozigo goole ki Romenñ.»

### *Pool a ðaana Pestus ti Agiripa*

<sup>13</sup> Onniyo miibi k'ita mañ, mozigo Agiripa ti teemadí Berenis an d'iina a Sezare, an i-di t'iso toose a Pestus. <sup>14</sup> An likke onniyto baadañ angenño, aame geñ Pestus yi di t'iide taaya a mozigo kono Pool geñ me, y'ede: «A eñ i d'ede wedusu Peelikis yi iili adda ðangay. <sup>15</sup> Aame n'iide Zeruzalem geñ, deero ðoñ sedefeke ti ðoñ i dokkiyo Yawudiyagi an d'ede ono ti yode, wo an di n' tunde an'de, ni rooto yo eñ booro ti y' ziida. <sup>16</sup> Wo n'an di ruute, n'ede: “Kaye Romenñ

ay k'isiyo ye injino me, daa ki wede an i-gi d'iide k'ume booro yi ki d'iige bizí a d'aana ki d'oj i yi sakiysa ye me." <sup>17</sup> Injino mañ kane an t'iido kenno ki sirpadó, wo soggo mañ kesiko n'a-guune a ume booro wo n'an di ruute Pool an di y' wiiko ki d'aanadó. <sup>18</sup> Wo kane d'oj an yi sakiysa geñ an iina mañ, an ki ruute ye a suldi d'oj oone aa nuñ n'elkiyo y'ize me. <sup>19</sup> An d'ede niikiyto d'anjal ti yode a urzi daaniya Raazan, wo a tukki wede soo sundí Isa yon geñ y'inda wo Pool y'ede yon zeere. <sup>20</sup> Wo nuñ ni ki suune ye urzi d'ekkiyo booro a ono geñ me. Injino mañ n'a tunde Pool y'a ette Zeruzalem, an t'isey booradan a ummey a onamañ geñ me. <sup>21</sup> Wo Pool y'a-tuuge, y'a dihe y'a t'ette ki d'aana mozigo goole ki Romen, yode a wolley onamañ me. Injino mañ n'an di ruute a asigiryagi an di y' boohe a dangay bini onniyo ere n'a ti y' t'igiba k'ume mozigo goole ki Romen.» <sup>22</sup> Agiripa yi di ruute a Pestus, y'ede: «Nuñ batum ni dehu wede geñ n'a y'olliga.» Pestus yi di ruute, y'ede: «Soggo k'a y'olliga.»

<sup>23</sup> Injino mañ ti soggatú mozigo Agiripa ti teemadí Berenis an t'usso kallagi moziko, an t'iide ti deero k'asigiryagi wo deero siido adda biino ere k'ogiyso. Mañ Pestus y'an di ruute d'ojzí, Pool an di y' wiiko. <sup>24</sup> Aame geñ Pestus y'a ruute, y'ede: «Mozigo Agiripa wo kune d'oj pay ti kaye, kun wollo wede eñ, kane Yawudiyagi pay an d'iido an o di ruute ono a eedí. An di n'uuney a Zeruzalem, wo an d'iido kenno pay, an dollite wede eñ i-k'ede urzi y'a ki lekké zeere ye baa. <sup>25</sup> Wo ki nuñ, ni k'uune ye munda wede

ulsu y'ize i-di t'îde k'unto me, wo de yode batum y'ede onaman en an i dengey mozigo goole ki Romen. Inkinoman ni dihe n'a ti y' t'igibe k'ummey ki daana yode. <sup>26</sup> A tukki yode en ono don ni di raane a mozigo goole ki Romen ni ki'n suune ye. Kono kamo n'a di-t'iido ki daana kune, wo toc minj ki daana kee mozigo Agiripa. Kun ti y' tundita man, koo ni-t'oona ono don n'aana ni di raana a yode me. <sup>27</sup> Derec ye, k'a t'igibe wede dangay ki Room daa ki suuniyo munda wede ulsu y'ize me.»

## 26

### *Ono Pool a daana k'Agiripa*

<sup>1</sup> Aame gen Agiripa yi di ruute a Pool, y'ede: «Ki rooto, ki-deego bizá.» Inkinoman Pool y'a umbe beezí, wo y'a iise deegu bizí, y'ede: <sup>2</sup> «Mozigo Agiripa, anki nun ulbó unse n'aane n'a roote ono don n'a-deege bizó a daana kee, a suldi pay don zembadó Yawudiyagi an ni sakiya, <sup>3</sup> kono kee ki y' suune koduwo pay urzi k'oogoro Yawudiyagi ti niikiyadan te. Inkinoman n'a ki tonde, ono don ni roota en ki'n olliga man.

<sup>4</sup> Kane Yawudiyagi pay an ti suune lekkiyadó ere ni likke t'ume nun obulso a daana donzó a Zeruzalem me. <sup>5</sup> An ni suune ti kaagine to, lekkiyadó ni likke a urzi wede ki Pariziyen, urzi wede oone baadan ki sooru a urzi k'oogiradey me, kane batum an t'eese derec aame an dehu man. <sup>6</sup> Wo anken an dekkiyo booro a eedó kono ni zaapu elkisadó a ono don Raa y'a ruute y'an t'ela a mongidagin. <sup>7</sup> Kane boha bumbiyagi

koomat makumu sire ki donzó geɲ, an zaapu elkisadan an di wolla danɲiya ki suldi don Raa y'an ruute t'urzi naabo an isiyo daayum onnu wo diddo a yode. Mozigo Agiripa, nuɲ ton ni zaapu elkisadó inkinno, geɲno munda wede kane Yawudiyagi an ni sakiysa me. <sup>8</sup> Ki moo me kune Yawudiyagi kun elkiyo munda geɲ i ki t'ise ye, Raa y'a balda don unto me?

<sup>9</sup> Para'ɲ nuɲ ton maɲ n'ilke don umbe a suma k'Isa wede ti geeger Nazaret geɲ, t'urzi tuuku ton maɲ n'aana ni'ni deyya. <sup>10</sup> Geɲ naabo gette a Zeruzalem n'a-t'ize. T'urzi toogo ere n'uune ti deero don sefeke, don ki Raa baadan n'a ti'n zidde danɲay, wo aame an dehu towwadan ton ni d'oyyiso. <sup>11</sup> Daayum ni d'ettiyo k'ume soo me soo me, k'adda boydi don Yawudiyagi ge dooyiso, kane ni di'n dabirsa kono ni dehu ki toogo an di kilde suma k'Isa. Kono kane geɲ n'a t'ize aa gede maade, an t'ombiyo gegiryagi ki siido doolo ton ni di'n daaniya.

*Taaya Pool mummino y'a ziipe addi a Isa me*

<sup>12</sup> Geɲ inkinno onniyo soo n'ingile ki Damas ti toogo wo ti urzi naabo ere deero don sefeke an o ele. <sup>13</sup> K'ollo kay mozigo Agiripa, aame nuɲ a urzi wo peedo t'ize diine geɲ, ni woliyo toore wiliɲ i diigo ti kandaane, a jiire toore peedo, a diige tuddó wo a tukki don a itadó pay. <sup>14</sup> Kaye pay geɲ a t'ibi ramama a siido, wo n'ollige golla ti rootiyo ti ono don k'Eber, t'ede: "Sool, Sool de moo me ki ni dabirsa me? Kee ki k'aana ye, kee'ɲ aa buru a bey galmeegi yi yi kossiyo." <sup>15</sup> Maɲ n'a tunde, n'ede: "Galmeega, de kee wee wee?" Wo

yo Galmeega y'a ruute, y'ede: "Nuñ Isa, wede kee ki yi dabirsa. <sup>16</sup> Wo anken ki t'oozo, ki t'ôhor. Nuñ n'a-gize tuddó kono ni ki biire k'a t'ise wede naabadó, wo k'a rootita a ñuwo mummino ki ni wulle ankenno, wo a suldi ñon ki wolla n'a kizita sey me. <sup>17</sup> Anken n'a ki ti-k'adfa ti bey ñonza Yawudiyagi wo ti bey ñon kane Yawudiyagi ye. Ni-k'agisa ki tukki kane Yawudiyagi ye, <sup>18</sup> kono k'an di t'ihiney edayan, t'adda zimolo an t'adfo k'ume toore, wo ti moziko Meeda siitandani an t'etto k'ume Moziko Raa. Aame an ziipa addan a nuñ man, an t'oona tambobino k'oldikadan, wo an t'oona aggadan t'adda suldi ñon Raa yi boohiyo a ñonzi."

### *Ono Pool a urzi naabadí*

<sup>19</sup> Inkinno man mozigo Agiripa k'ollo bee, a munda wede o iido aa suniye ti kandaane gen, n'a ki tuuge ye. <sup>20</sup> Wo ki poone n'a iise kazita a ñon Damas ti ñon Zeruzalem, wo son a omagi pay ki siido Ziide, wo san a ñon ongo ki siidiyagi ñon kane Yawudiyagi ye. N'an gizite an di-kime lekkiyadan, an di-kime ki tukki Raa, wo an di lekke lekkiyo ere i-kaza kane an ti-gime ki tukki Raa ki kotto. <sup>21</sup> Gen inkinno kane Yawudiyagi an ni ziida adda Boy Raa, wo an dihe an di n' t'ide me. <sup>22</sup> Wo Raa y'a ni buuhe bini anki, wo daayum ni kazita taayadi a ñon pay sunni deero. Onamó ni rootiyo min, kane ñon nebiyagi ti Muusa an ruutite a munda wede san a aana genno, munda ti doolo n'a ki rootiyo ye. <sup>23</sup> Ni rootiyo min: Almasi Raa yi biire gen, y'a dibire wo y'a bilde ki poone ti diine ñon unto me, wo

y'an di kizite urzi toore wede k'uttiyo a dɔnɔɔn  
Yawudiyagi wo a dɔnɔ Yawudiyagi ye.»

### *Ono Pool a Agiripa y'a zaape addi a Isa*

<sup>24</sup> Aame Pool yi-diiige bizii inkinno man, Pestus y'a idili, y'ede: «Pool kee ki t'ukke maade! Ki duuye baadan duuru, anken kee ki t'okko maade!» <sup>25</sup> Pool yi di'n gime onami, y'ede: «Pestus kee wede suma, goole ki siido, k'ollo. Nuɔ ki maade ye, onamo ni rootiyo en d'erec wo a urzizan. <sup>26</sup> A daana mozigo Agiripa en n'a roote onamo daa k'orgiso, kono suldi ize gen yon yi suune soo soo. Nuɔ ni suune munda soo i-dand'e umbo, kono suldi ize gen kan ombide ye. <sup>27</sup> Mozigo Agiripa, k'umbe koo a ono dɔn nebiyagi an ruute me? Nuɔ ni suune kee k'umbe a ono gen me.» <sup>28</sup> Agiripa yi di ruute a Pool, y'ede: «Kee k'elkiyo min a kaamiki en n'a zaape addo a Isa ko?» <sup>29</sup> Man Pool yi di ruute, y'ede: «Ise ankenno k'ita ton man, nuɔ ni ton-diyo Raa, a zaape adde a Isa kee danɔal ye, wo kune dɔn pay anki kun n'ollige enno, kun t'ise aa nuuno wo ti zinzi kino ye!»

<sup>30</sup> Inkinno man mozigo Agiripa y'a t'iizi, goole siido y'a-t'iizi, wo Berenis ti dɔn pay ugiye an a-t'issige. <sup>31</sup> Wo aame kane gen an t'irga man, an di ruute tuddan, an'de: «Wede en oldiko ere i di t'ide k'unto, ise ki dangay ton, umbo yi k'ize ye.» <sup>32</sup> Wo Agiripa yi di ruute a Pestus, y'ede: «Para man wede en anki in i-d'eeze, aame yi ki ruute booradi t'a aaney di mozigo goole ki Roman ye man.»



## 27

### *Agisa Pool ki Room*

<sup>1</sup> Duwo an di dihe onniyo ere ay di-kila adda tooko, ay d'engila ki siido k'Itali. Aame genj Pool ti donj dangay ongo an i-di'n ele a Ziiliyus goole k'asigiryagi meeda, ti diine k'asigiryagi meeda zoot an'ni waaku sundan «asigiryagi ki mozigo goole ki Romenj.» <sup>2</sup> Ay di-gili adda tooko ki siido k'Adiramit t'ambe geegiryagi donj a zenje ki siido k'Aazi, wo ay d'ingile, Aristarko ti geeger Tessaloni siido Maseduwan ti kaye. <sup>3</sup> Soggo manj ay d'iiney a Sidonj, wo Ziiliyus genj yonj beehiye ti Pool me, aame genj yi-d'iili urzi y'a ette y'a wollo lanziyagi, kono yi seedo munda wede yi dehu. <sup>4</sup> Sanj tinj genj ay d'ingile, ay d'umbe ki kese ere maaye baata ki siido ere a diine k'ahu sundutu Siipire, kono maaye a giggirey duuru. <sup>5</sup> Ay di diipida bar ere gopponj ti siido Silisi ti Pampili, wo ay d'iiney a geeger Mina siido Liizi. <sup>6</sup> A ume genj goole k'asigiryagi yi d'uune tooko ti geeger k'Alezandiri t'ambe k'Itali, wo y'ay ti'n gili adda. <sup>7</sup> Ay d'ettiyo boolonj ti boolonj, ay d'ize onniyto baadanj, ay t'ize oone baadanj bini ay d'iiney geeger Sined. Wo de t'urzi genj ay k'aaney dokki ye kono maaye baadanj, manj ay t'udde gopponj ti siido sundutu Kap Salmone, ay d'ingile ki zenje wede maayayi baata ki siido ere a diine k'ahu sundutu Kiret. <sup>8</sup> Ay d'ettiyo ti oone baadanj ay seedu ita zenje zenje, wo ay d'iiney ume wede an yi waaku Zenje Majjaane, gopponj ti geeger Laze.

<sup>9</sup> Ay d'ize onniyto baadan̄ dfoo min̄ ay d'iiney a ume gen̄ me, wo an̄gen̄ ume a t'ize ulsu baadan̄ sey k'engilso me, kono onniyo tarnaape ki lekkiyo daa k'om̄bo\* i t'ingile. In̄kino man̄ Pool y'an di tuuke kuudan̄ d̄on̄ naabo adda tooko me, y'an di ruute, y'ede: <sup>10</sup> «Lan̄ziyagi ki nun̄, ni wolliyon̄ torguwo ette in̄ t'isa oon̄e, tooko ti suldi suuk adda pay a latta wo kine ton̄ man̄ in̄ di-t'inda, tooko d̄an̄jal ye.» <sup>11</sup> Wo goole k'asigiryagi gen̄ yi zaapu addi baadan̄ a ono wede tuuliyon̄ tooko ti wede tooko batum, a ono Pool yi-ki zaapu addi ye. <sup>12</sup> Wo son̄ zen̄ge wede gen̄ yon̄ majjaane ye ki lekkiyo a ume reele me, kono kamo d̄on̄ baadan̄ an̄ dehu ti tookiyagan̄ urzi ede man̄, tin̄ gen̄ an̄ d'engile an̄ d'aaney geeger Peeniks zen̄ge ki siido Kiret. Zen̄ge gen̄ yon̄ ki d̄and̄i ki kese peedo k'ooriyo, wo k'awwa ki kese peedo k'ooriyo. Gen̄ an̄gen̄no an̄ di dihe an̄ di lekkey ume reele me.

### *Ursino adda bar*

<sup>13</sup> Man̄ i d'iiziga maaye yi baahu pelele ti d̄and̄i wo kane an̄ elkiyo torguwadan̄ an̄ engila. Gen̄ maala ere i seedu tooko an̄ ti-t'umbo t'adda k'ahu me, wo an̄ d'ingile an̄ seedu ita zen̄ge ki siido Kiret. <sup>14</sup> Wo san̄ man̄ tan̄ boolon̄ i d'iizigo maaye baadan̄ sundi Erakilon̄ t'adda mongali ki siido ere a diine k'ahu gettiyo. <sup>15</sup> Tooko yi-di d'ingile ay k'aaniya girpiyatú ye kono maaye a giggirey, ay yi d'iili tuddey a maaye y'ay di'n dokkiyo adda bar baa. <sup>16</sup> Ay d'ud̄de ti d̄and̄i

\* **27:9** 27.9 Tarnaape ki lekkiyo daa k'om̄bo an̄ isiyo a tere guuge.

siido ñeñko ere a diine k'ahu sundutú Koda, ay d'iigire booloñ ti maaye me. Aame geñ ay d'ize ki toogo bini tooko ñeñko ki naakiwsa tudde ay d'iine girpiyatú. <sup>17</sup> Kane ñoñ naabo adda tooko an a-t'irgo tooko ere ñeñko an a-ti gili, wo tooko ere meeda an ti-gittite ti sibbani ki seedutú. An orgiso t'a k'ooro adda dolso ere ki zenje ki siido Libi ye, inkinno mañ alboy an di-diggite wo an i-d'iili tuddañ a maaye, yi di'n dokkiyo. <sup>18</sup> Ursiño gette t'ay di'n tindiwe baadañ bini soggo, mañ kane ñoñ naabo adda tooko an d'iise sebbiso suldi suuk t'adda tooko k'adda bar. <sup>19</sup> Wo onniyo k'aduwe mañ suldi ñoñ an boohiyo k'okkime tooko, kane pây an aa di-zibbite ti beezañ. <sup>20</sup> Onniyto baadañ ise peedo, ise molfali ay ki'n wolliyo ye, ursiño gette t'a guune zakidí ti suutinso ki suutinso, wo kaye pay wede tuuku y'a elke ay d'utta umbo.

<sup>21</sup> Doñ pay adda tooko geñ, onniyto baadañ wenda soo toñ yi t'eele munda a bizí umbo. Inkinno mañ Pool y'a t'ihira a ñaanadañ, wo y'an di ruute, y'ede: «Lanziyagi ki nuñ, anki kun illigo onamó, in likko a Kiret mañ, dabar ti daggiya suldi kino i k'ise ye. <sup>22</sup> Wo anken n'un di rooto, kun ombon! Wenda soo toñ ti diinagan i ki t'inda ye, i dagga tooko sittú. <sup>23</sup> A diddo ette maaleeka ki Raa wede ni-daaniya wo ni-naabiya geñ, y'a iido sirpadó, <sup>24</sup> wo y'o di ruute, y'ede: "Pool kee k'orgide ye, kee k'a ettey ki ñaana mozigo goole ki Romen. Wo Raa beekadí a eedá gette, ñoñ pay adda tooko ti kee en y'an utta." <sup>25</sup> Inkinno mañ lanziyagi ki nuñ, kun ombon kono ni zaapu addó a Raa, onamí ñoñ y'o ruute en a-

t'etta. <sup>26</sup> Wo kine in'te en, in di gohey a zenje siido soo ere a diine k'ahu.»

<sup>27</sup> A did'dadey ere ki koomat makumu pide ton, ursino t'ay di'n d'engilso daayum ki daggiya adda bar sundutú Mediterane. A did'do meeda man, don naabo tooko an owwiyo ay iina goppon ki siido. <sup>28</sup> Man an zid'de sibe ti maala eego, wo an di zuune sohirko k'ahu kayya ada g'ado makumu sarat, wo ki daana boolon man an di-zid'de sey, man sohirko k'ahu a t'irga kayya ada sire makumu gessire. <sup>29</sup> Man an d'urgide koo ise monjali tunda man tooko t'a goha. Injino man an di gikkite maldali pide deero kettiso ti sibbani a ume k'ita tooko kono t'a-dirse, wo an di delliyo ume a t'ompila, wo ume y'an k'ompilso kesiko ye. <sup>30</sup> Aame gen kane don naabo tooko an dehu an t'oodi eedan, tooko an d'ooli mentú. An d'isiyo aa an kakkisa maldali deero don i seedu tooko a daanatú gen, an ti-diiige tooko nenko ki naakiwsa tudde adda k'ahu. <sup>31</sup> Wo Pool yi di ruute a goole k'asigiryagi Romen ti asigiryagi, y'ede: «Kane don en an ki likka adda tooko ye man, kune kun k'utta ye.» <sup>32</sup> Injino man kane asigiryagi an di-dikkite sibbani don i seedu tooko nenko ki naakiwsa tudde gen me, an di-t'iili t'a iire.

<sup>33</sup> Ki poone ume y'a ompila gen, Pool y'an di ruute a don pay an oomo munda, y'ede: «Kun ollo, anki en un d'ede onniyo koomat makumu pide kun lekkiyo adda k'elkiso wo mosogo, daa k'ombo. <sup>34</sup> Injino man n'un di rooto, wede tuuku ton yi oomo munda boolon, kono gen koduwo un t'eele toogo kono kun d'utta. Wo

ililso k'eego soo ki wede tuuku ton i ki dagga ye.»  
<sup>35</sup> Aame Pool yi ruute inokino man, y'a t'umbe mappu, y'a ruute koduwo a Raa a daana duwo pay, san y'a burkite wo y'a iise ombo. <sup>36</sup> Inokino man kane pay gen an d'imbiṇa, an d'iise ombo kay. <sup>37</sup> Adda tooko'ṅ kaye meeda sire uto ada sarat makumu zoot. <sup>38</sup> Aame an t'iimi an isse man, geme t'adda tooko an di zibbite adda bar, kono tooko aa d'ise soodo.

### *Lattiya tooko adda k'ahu*

<sup>39</sup> Ume i t'umpile man, siido gette don naabo tooko an gi di zuune ye, wo an di wulle ume dolso ti paate a biza zenje, man an dihe tooko an di-t'ette k'ume dolso an iina man. <sup>40</sup> Malɗali deero don i seedu tooko an t'ippirte wo an d'iili adda bar, sibbani don an gittite inda don i dokkiyo tooko an t'iizite. Man an di gitte alboy aame daana tooko kono maaye yi di'n ṇaayu k'ume dolso. <sup>41</sup> Wo an iide'ṅ, an t'iire adda dolso ere a diine bar, tooko a ti ziida. Ume daanatú i-t'iide adda dolso ti k'aane ti k'engile ye, wo ume k'itatú bar t'okko baadan gen a dihima. <sup>42</sup> Kane asigiryagi gen an dehu don dangay an ti'n t'ide, kono koo tuuku yi suune ahu man, y'utta'ṅ iye. <sup>43</sup> Wo yo goole k'asigiryagi Romen gen yi dehu y'a utte Pool, inokino man y'an di-tuuge ki tówwadan me. Y'an di ruute a kane don i suune ahu'ṅ an t'ofo ki poone, an di-doopo ti nee a siido. <sup>44</sup> Don son an di'n diiko, wede tuuku y'a ti soodo a sarpanje, ise a keyali k'inda tooko ton man. Wo gen inokino, pay an t'ibi ahu, an di dippida pay ti bee a siido me.

## 28

### *Pool yo a siido sundutú Malt*

<sup>1</sup> Aame ay ti diipida ay utte maṅ, siido ere a diine k'ahu gette ay d'illiga kaciṅ sundutú Malt.

<sup>2</sup> Kane d'ɔṅ siido gette an ay di'n ziida ti geyyiso baadaṅ. Anṅeṅ mizzi toṅ y'a d'iise koppiyo wo ume reele geṅ, an ay di mud'de uwwo gidi gidi, an'de: «Kun'di kun ti kooka pay.» <sup>3</sup> Pool y'a-ziki keyyami y'a d'ibi uwwo, wo a wehinko gette makike t'adda y'a u'do, y'a y'ihida beezí.

<sup>4</sup> Aame kane d'ɔṅ siido gette an wulle makike yi t'irbe bey Pool maṅ, an d'iise rootiso ti tuddaṅ, an'de: «Wede eṅ wede t'owwo d'uwwo kotto, kono booro ki Raa ti ki dehu y'a ki lekke ye, t'adda bar yi y'u'do toṅ maṅ.» <sup>5</sup> Wo Pool y'a rittige makike k'adda k'uwwo, wo i ki y'aadumu ye. <sup>6</sup> Kane d'ɔṅ oṅgo an delliyo, an wolla ooziga woogo, y'oodiba y'ooro tul y'inda woogo. Aame an likke kee wo an wulle munda booloṅ toṅ k'aadumu umbo maṅ, an di-gime elkiyadaṅ, an'de: «Yo eṅ raayusu.»

<sup>7</sup> Ume geṅ yoṅ goppon ti dombi ki wede goole ki poone ki siido ere a diine k'ahu gettiyo, yoṅ sundí Pibiliyus. Yode geṅ y'ay di'n ziida ti geyyiso baadaṅ, wo ay d'ize onniyo ado a boozí me. <sup>8</sup> Meeki Pibiliyus geṅ yoṅ eeni ekk'oṅgali, i-di d'orbityo wo yi dara puuzo. Pool y'a iide y'a ti y' wullo, yi-tunde Raa, maṅ yi ziipe beezí a tuddí wo yi-d'ele beeko. <sup>9</sup> Saṅ maṅ d'ɔṅ k'eeni ki siido gette an d'iidito pay, wo y'an d'ele beeko pây. <sup>10</sup> A kaye geṅ d'ɔṅ siido gette an ay d'uttile baadaṅ, wo a onniyo k'eṅgilsadey toṅ an ay

d'eele suldi baadaŋ dŋ ay dehu ki torguwadey me.

### *Aaniya ki Pool a geeger Room*

<sup>11</sup> A ume geŋ i d'ede tooko sundutú «Raayagi Room» t'iido ti geeger k'Alegzandiri, tode gette ume reele ti ti y'ingile a zeŋge siido ere a diine k'ahu ettiyo. Îide tere ado maŋ, ay di-gili adda ay d'ingile. <sup>12</sup> Ay d'iiney geeger sundutú Sirakuz, aame geŋ ay d'ize onniyo ado. <sup>13</sup> Tin geŋ ay ziida ita zeŋge zeŋge, ay d'iiney geeger sundutú Reggiyo. Soggo maŋ maaye ti dandî y'a iise baahu, onniyo sire ay d'iiney a geeger sundutú Puzole. <sup>14</sup> A geeger gette ay d'uune zemba dŋ i ziipe addaŋ a Isa, an ay di'n dihe ay d'ize onniyo sarat ti kane. Geŋ inokino saŋ ay d'ingile ki Room. <sup>15</sup> Kane zemba ti Room geŋ an d'illiga rabiladey te, wo an d'iido okkimayey an d'iina a ume sundî «Suuk ki Appiyus» wo a ume sundî «Ume Moone Ado ki Torgagi». Aame Pool yi'ni wulle maŋ, y'a ruute koduwo a Raa wo ii d'eele kooke. <sup>16</sup> Aame ay iiney Room maŋ, an i-d'ele urzi a Pool y'a lekke siidî ti asigursu soo ki boohiyadî.

### *Pool yi kazita ono Raa a Room*

<sup>17</sup> Îide onniyo ado maŋ, Pool y'a wiike deero Yawudiyagi dŋ a geeger Room ki di yode. Aame an t'ugiye maŋ, y'an di ruute, y'ede: «Kune zemba kuuli, nuŋ munda ulsu a dŋziŋ ni k'ize ye, ise a urzi k'oogoro mongidagiŋ toŋ ni k'ize ye, wo toŋ a Zeruzalem an di n' ziida daŋgay, an an di n' ele a bey Romen. <sup>18</sup> Kane Romen an di n' tundite, saŋ an dihe an oo d'eeze kono munda n'ize ulsu o di t'ide k'unto an k'uune ye.

19 Wo kane Yawudiyagi an di-tuuge, inkinno man nun toŋ n'a ruute n'ede, booradó i ti danŋey mozigo goole ki Romen, anken o k'ede elkiyo n'a ki kiigira donzó Yawudiyagi ye. 20 Geŋ kono k'inokino n'a dihe n'un di'n t'ikkima, n'un di roote me. Inkinno man ni sarkiya zinzi ette kono ki wede kane don k'Izirayel an zaapu elkisadan.»

21 Kane don i t'ugiye geŋ an i-di ruute, an'de: «Kaye mattup ti siido Ziide soo toŋ ay k'uune ye a tukki kee me, wo leema soo toŋ t'ummey i k'iido ye, y'ay di-t'ide taaya, ise y'ay di roote k'ulsu kee me. 22 Wo beehiye ay dehu ay ki-ti k'olliga munda wede k'elkiyo k'a roota me, kono kaye ay suune a munda wede k'a seedu zakidi geŋ, aame tuuku toŋ duwo an ki dehu ye.»

23 An d'ele onniyo ere an di t'ikkima ti Pool kan soo, wo a onniyo gette an d'iide baadan a jiire, an di y'uuney Pool a ume wede yi-lekkiyo. Ti soohe bini lohe Pool y'an di kazita a urzi Moziko Raa, yi dehu y'an ti'n tooye k'urzi taaya k'Isa. Y'an kazita inkinno t'urzi mattup k'oogoro Muusa ti don ki nebiyagi. 24 Don ongo an d'umbe a onami don yi ruutite, wo don soŋ an di-tuuge k'ambu me. 25 A teepiyadan gette an di-tiipe onaman i-ki t'iide kan soo ye, man Pool y'an di ruute min kino danjal, y'ede: «Unde Kamilen ti ruute derec a mongidagan t'urzi nebi Ezayi, 26 t'ede:

“K'odo k'ume duwo en k'an di rootoy, k'ede:

Kune kun d'olliga kereŋ, wo ono itadan kun ki ti suuna ye, kun di wolla kereŋ, wo munda kun ki y' wolla ye.



<sup>27</sup> Derec, ɗuwo en kuwwagaŋ an a-ti ŋiyye  
 ɗaŋkila kono a k'olliga ye,  
 edayaŋ an a-t'ippe kono a ki wolle ye,  
 wo an t'ize tuusiyagi kono ono itadaŋ an gi di'n  
 suune ye.

An ize inƙino kono an ki dehu ye an di-kimo ki  
 tukki nuŋ Raa, n'an t'ele beeko me\*.”»

<sup>28</sup> Wo Pool y'an di ruute sey, y'ede: «Kun ollo  
 koduwo, rabila ere k'uttiyo ki Raa ette an t'elo a  
 ɗoŋ Yawudiyagi ye, wo kane an di-t'olliga.»

<sup>29</sup> Aame Pool y'a ti ruute inƙino maŋ,  
 Yawudiyagi an d'ingile an di niikutu tarkat  
 tarkat ti tuddaŋ. <sup>30</sup> Pool y'a likke ozzine sire a  
 boozí wede y'a ele soŋko geŋ me, ɗoŋ pay ettiyo  
 wollisadí geŋ yi di'n seedu bey sire. <sup>31</sup> Yi kazita  
 urzi Moziko Raa, wo yi dooyiso urzi Galmeega  
 Isa Almasi daa k'orgiso wo daa morkiye munda.

---

\* **28:27** 28.27 Kun wollo adda mattup ki Ezayi 6.9-10.

**Mattup ki Taasuwa ere Aware  
Mukulu: Mattup ki Taasuwa ere Aware (New  
Testament)**

copyright © 2019 Wycliffe Bible Translators, Inc.

Language: (Mukulu)

Contributor: Wycliffe Bible Translators, Inc.

All rights reserved.

2020-11-19

---

PDF generated using Haiola and XeLaTeX on 21 Feb 2024 from source  
files dated 29 Jan 2022

523c1c0a-f8ac-5d2f-aebe-7063b0de6b23